

Анурали Жўраев'



Машҳур қизиғчи
Хожибой ТОГСИЙБОЕЗ
жакуга ҳангомалар қиссани

«ШАРҚ» НАШРИЁТ-МАТБАА
АКЦИЯДОРЛИК КОМПАНИЯСИ
БОШ ТАҲРИРИЯТИ
ТОШКЕНТ — 2005

85.36 ЭСТРД82

Ж—96

1031620
29,

Ашурали Жўраев


Танимадинг-а?! Машҳур қизиқчи Ҳ. Тожибоев ҳақида ҳангомалар қиссаси.— Т.: «Шарқ», 2005.— 112 б.

Ёзувчи Ашурали Жўраевнинг «Танимадинг-а?!» китоби қайси машҳур санъаткор ҳақида эканлигини дарҳол билиб олдингиз. Биламиз, Сиз ҳам бу таниқли қизиқчининг кулгисидан олам-олам завқ оласиз. Чунки ҳалқ севган кулаги устаси, республикада хизмат кўрсатган артист Ҳожибой Тожибоевнинг қаҳҳаҳаси кириб бормаган хонадон, унинг ҳаётий ҳангомаларидан баҳра олмаган кулгипараст қалблар топилмаса керак.

Ушбу китоб сизни ўзининг эллигинчи баҳорини самарали ва жўшқин ижод билан кутиб олаётган машҳур қизиқчи Ҳожибой Тожибоевнинг ҳаёти ва ижодидан олинган турфа ҳангомалар оламига етаклайди. Бу — бегубор ва самимий кулгидан Сиз ҳам баҳраманд бўлинг, азиз кулаги муҳлислари!

ББК.85.36.

© «Шарқ» нашриёт-матбаа акциядорлик компанияси
Бош таҳририяти, 2005 йил.



10

Ушбу китоб Ўзбекистон ҳалқ ёзувчиси, устоз Невъмат АМИНОВга бағишиланади

СИЗ УНИ ТАНИЙСИЗ

ёки қизиқчининг таржимаи ҳолидин қисқа лавҳалар

Автобусда кетаётиб, аллакимнинг сизга тикилиб қараёттанини сезиб қоласиз. Азбаройи мастилигидан кўзлари сузилиб-сузилиб кетаёттган барваста йигитнинг гавдаси автобус ҳар силкинганда лангаф чўпи олиб қўйилган дорбоздек чайқалади. Лекин унинг елимдек нигоҳи сиздан узилмайди. Унга ўғринча қараб қўясиз.

«Йўқ, нотаниш», — ўйлайсиз.

У сурилиб рўпарантизга келади. Фўлдирабгина ўқинч билан тилга киради.

— Танимадинг-а?.. — Сўз оҳангидан сиз танимаганингиз учун ўртаниб кетаёттанини сезасиз, вазиятни юмшатишга уринасиз.

— Қаранг-а, хотирам қурсин. Танимайроқ турибман. Ўзингизни таништиринг, ака, ёдимга келмай турибди-я.

Унинг юзида ўқинч янада бўртиброқ кўринади, мушти туғилиб, аламдан бош чайқаганини кўрасиз. Ўртадаги жимлик сизга азоб бераёттанида у яна оҳиста тўнгиллайди.

— Ана шунақасан-да, танимайсан-да!

Хотирангиз панд бергандек хуноб бўлиб, балки эслаб қоларман, деб унинг юзига нигоҳ ташлайсиз. Юрагингиз орқага тортиб кетади. Чунки у ҳамон сизга қаттиқ тикилиб турибди. Фазабдан юзлари, муштлари ҳам катталлашиб кетгандек.

— Танимадинг-а, — бош чайқайди у.

— Йўқ, акажон, танимадим. Автобусга кирганин-гиздан бўён танимай турибман. Одамни қийнамай, кимлигингизни айтсангиз-чи!

Жаҳл аралаш айтган гапингизни тўё эшишмагандек, у паст овозда рўлдирайди.

— Ана шунақасан-да, танимайсан-да.

Жон ака, одамни қийнаманг, ўзингизни таништи-ринг. Ўлар бўлсам ўлиб бўлдим-ку! Кимлигингизни айта қолинг, — ялина бошлийсиз. У эса ҳамон нигоҳини сиздан узмайди. Ўкинч тўла кўзлари сузилиб, ўзича бу ҳолнинг аламлигини чуқур ҳис қилибми, бош чайқаб кўяди.

Ўзингизни тиканда ўтиргандек ҳис этасиз. Миянгиз архивига жавоб ахтариб кетган саволлар бари қуруқ қайтади. Буқадек тикилиб, яқин келиб қолганидан оғзидан ароқ ҳиди анқиб турган йигитнинг кутилмаган ҳаракат қилиб юбориши мумкинлигини эслаб, хавотирланасиз.

— Танимадинг-а?

Ялиниш ҳам фойда бермагандан сўнг, энди жим туриш лозим, деган хulosага келиб, автобус деразасидан ташқарини бепарво томоша қилаётган киши бўласиз. Аммо тобора қаттиқроқ тикилаётган нотаниш кимсанинг нигоҳи хавотирингизни ошириб, бирор корҳол рўй бериб қолса, ўзингизни ўнглаш учун унга қуён қараш қиласиз. Йигитнинг юзида эса ҳамон ўша ифода.

— Ана шунақасан-да, танимайсан-да!

Дод деб юборгингиз келади.

— Танимадим! Юз карра танимадим. Ўзингизни таништирсангиз-чи, қон бўлиб кетдим-ку, кимсиз ўзи?

Унинг юзидағи ифода ўзгармайди.

— Танимадинг-а? — оғир бош чайқаб кўяди у.

Асабларингиз қақшаб, ундан бирор жўяли сўз ундириб бўлмаслигига иқрор бўлиб, ҳар қанча мушкул бўлмасин, рўпарангиздаги «танишингизни» унугашга қарор қиласиз. Кутилмаганда унинг сўз бойлигига янги калом қўшилади.

— Ёдингдами?..

Хурсанд бўлиб, уни қувватлаш учун бидиллай кетасиз.

— Ёдимдан күтарилибди-я, ака, қаранг, қачон учрашган здик? У эса бепарво ва вазмин жавоб беради:

— Ёдингдами, Хўжанд бозорида бунда 1 олти йил аввал... Бозор эшигидан чиқаёттанингда си арета берган эдим... Танимадинг-а... Шунақасан-да.

— Э, ака, ўша сизмидингиз? Энди танидим-а. Илгарироқ эслатсангиз ҳам бўларди-ку, — беіхтиёр унга ялтоқланасиз.

— Тўхта! Сен артистсан-а? Кўшиқ айтиб берасан,— хаёлига ногоҳ келган бу фикр уни қенча қувонтирган бўлса, сизни шунча маъюслантиради. Маймун ийғалагулик бу ҳолдан чиқишга уринасиз.

— Йўқ, ака, мен ҳеч қўшиқ айтмаганман, қўшиқ айтадиган артист эмасман.

— Айтасан... — кескинлашади у. — «Майдада»ни айтасан!

Афтингизга мушт тушириб қолишидан ғўрқиб, палағда товуш билан қўшиқ айтишга киришасиз:

«Майдада» мероқси,
Жонам ба чашмани ту...

— Тўхта! — қичқиради у. — Майдалап иб кетдик. Йирикроғидан айт.

Атрофга халоскор излаб, ночор тикиләсиз, гўё у ҳам автобусда бошқа одамлар борлигини сезгандек товушини баландлатади.

— Ҳамманг қўшиқ айтасан? «Майдада»ни... Ким айтмаса, — у белкуракнинг юзасидек келадиган кафтларини бир-бирига ишқаб, айтмаган кимсанинг пачогини чиқаришини ифодалаган бўлади. Автобусдаги олдинги қаторда ўтирган қотмадан келга 1 уйқудаги йигитдан ташқари барча ёшу қари, кампиру қиз, йўловчилар, ҳайдовчи қўшиқ айтишни бошлайди:

Майдада...

Олдинги ўриндиқдаги чолнинг овози алсҳида эшитилади:

Майдада, майдада.
Шопиржон тезроқ ҳайдада...

Орқада бир кампир қўлини дуога очганини кўрасиз:

*Майдо-майдо, майдо-майдо.
Ер ютсин сени, майдо-майдо...*

Шофёр йигит ҳам саросимада, бир йўлга, бир йўловчиларга қараб қўшиқ айтади:

*Майдо-майдо, майдо-майдо,
Секинроқ айтинглар, майдо-майдо,
ДАНга яқинлашиб қолдик, майдо-майдо...*

Автобус қаттиқ силкинади. Олдинги ўриндиқларнинг бирида ухлаб ўтирган қотма йигит уйғониб, пойма-пой қўшиқ айтаётганларга ва уни чайқалиб тинглаб бораёттан йигитта ҳайрат билан тикилади. Вазиятни тушуниб еттаниданми, бадмастнинг рўпарасига келиб, унинг ёқасини ушлайди. Бадмаст кўзини очар экан, у чаққон ҳаракат билан орқага тисарилади. Аллақандай ғайритабиий ҳаракатлар қилиб, кўз илғамас тезликда оёқдарининг юзаси билан бадмастнинг афтига тарсаки тортади.

— Нима, «майдо-майдо», нима, «майдо-майдо». Ҳозир мошина босиб кеттан қурбақадек қилиб қўяман.

Бадмаст ташаббус қўлидан кеттанини, рўпарасида каратэчи турганини сезиб, жимиб қолади.

— Э, бор экансан-ку, ука! Бир соатдан бери азобимизни берди бу ярамас, — деб бадмастнинг юзига шапалдоқ тортишга улгурасиз. Автобусдаги кампиру чоллар каратэчини олқишилаб, дуога қўл очганларида, унинг авзойи бирдан ўзгаради.

— Бас, қилинглар, жим! — У мушукдек сакраб ўрнидан туради. «Майдо-майдо» қўшиғи эскириб кетди. Эшитиб олларинг, энди «Қизил олма»ни айтасизлар.

Ҳамма анграйиб қолади...

Бу машҳур қизиқчи Ҳожибой Тожибоевни кулги дунёсига олиб кирган ва кулги мухлисларига бевосита танитган машҳур «Танимадинг-а!» ҳангомаси. Уни ўқиб, мазза қилиб кулган бўлсангиз, энди сизни ҳангома муаллифи билан танишитирайларлик... Нима демоқчисиз? Биддим, «Кофе» ҳангомасини ҳам ўқийлик, де-

моқчисиз. Жиндай шошманг, биродар, шошилманг. Кейинги саҳифаларда сизни бундан-да қизиқ, бундан-да мароқли ҳангомалар, сұхбатлар күтепти.

Аввал Ҳожибай Тожибоевнинг таржими ҳоли билан қисқача танишиб олинг, кейин бир гаг бўлар.

Ўзбекистонда хизмат кўрсаттан артист Ҳожибай (Ҳожимурод) Тожибоев 1955 йил, 25 августда Хўжанд вилоятида туғилган. 1971 йилда ўрта мактабни тутатган. 1973—1977 йилларда Маннон Уйғур номидаги Тошкент Давлат Санъат институтининг драма ва кино актёrlиги факультетини тамомлаган.

1977—1981 йилларда Хўжанд вилоятининг Шукур Бурхонов номидаги Нав ўзбек мусиқали драма театрида актёр бўлиб ишлаган.

1981—1985 йилларда эса Андижон вилояти филармониясида бадиий сўз устаси бўлган.

1985 йилдан бошлаб оммавий ва катта саҳналарда маҳсус репертуарлар тайёрлаб, яккахон концертлар намойиш қилиб келяпти.

Ҳозирда «Ўзбекнаво» концерт-гастроль бирлашмасида хизмат қилади.

Ҳожибай Тожибоев қизиқчилар орасидә биринчилардан бўлиб 2003 йилнинг 1—2 декабрь кунлари, 2004 йилнинг 11—12 декабрь кунлари Халқлар дўстлиги саройида ўзининг яккахон концертини катта олқишилар



Раҳматали отамнинг дуолари ҳамиша ижобат бўлган.

билан намойиш этди. Бу концертлар санъаткорнинг ўз истеъдодини, репертуарини томошабинлар имтиҳонидан қайта ўтказиш билан бирга, кулаги санъатимиз нақадар бойлигини, юксаклитини ва кўп қиррали эканлигини яна бир бор исботлади. Шунингдек, миллий қизиқчилик санъатида Ҳожибой Тожибоевнинг ўзига хос ижро услуби, кулаги йўли ва мактаби борлигини томошабинлар, мутахассислар ва барча кулаги муҳлислари эътироф этдилар. Ана шундай муҳлислардан бири — шоир Тожимуҳаммад Абдулаев моҳир кулаги устасини шундай таърифлайди:

*Ҳожибойни бир кўрарга зор бўлиб,
Юрганлар кўп, сўзига ҳумор бўлиб.
Фурсат етса ҳамиша у даврада,
Шай туради хизматга тайёр бўлиб.*

*Гап бошлайди, ўзбек ўзи қизик, деб.
Ўзларидан қаранг, сўзи қизик, деб.
Ошам ошни пешонага суртармиш,
Пешонам шўр, тириш-буриш чизик, деб.*

*Самоварга чиқиб яна тўртовдан,
Чой ичармиш патнис қўймай беармон.
Онти ичганми, ё ундоқроқ ё ногон,
Кулиб охир бўлар эмиш пушаймон.*

*Келинг, дўстлар, давомини Ҳожибой
Ўзи айтсин, кулдириб, очиб чирой.
Кулдирганда қотиб-қотиб кулинглар,
Излаб қолинг, залдан тополмасдан жой.*

КУЛГИ ДАРМОН ДЕЙДИЛАР

Ёки қизиқчининг қизиқ ҳангомалардан ва жиғдий мулоҳазалардан иборат мулоқоти

Ҳожибой Тожибоевнинг номини эшитиши билан одамлар юрагида кулгу, юзида табассум пайдо бўлади. Агар бирор даврада Ҳожибой aka тўғрисида гап кетса, тамом, дарҳол унинг репертуаридаги ичакузди ҳангомалар эсга олинади. Теша тегмаган кулагили иборалари қайта-қайта такрорланади. Чунки бу иборалар

аллақачон одамларнинг тилидан дилига күчган. У киргани давраларда ўз-ўзидан кулги янграйди кулги кулади, қаҳқаҳа авжига чиқади...

Ҳожибой Тожибоев қизиқчилик санъатига ўз услиби, ўз ижро йўли билан кириб келди. Ва ўз мухлисларини топди. У катта-катта давраларда одамларни кулдиргани билан ўзи кулмайди. Ниҳоятда камтар ва камгап. Жим турганда ҳам кулаёттанга ўхшайди. Лекин аслида жим турган бўлади. Диққат қилгани томошабин фақат унинг юзлари, кўзлари эмас, балки киприклари кулаёттанини сезиши мумкин. Хуллас, бу таъниҳи санъаткор кулги учун, кулдириш учун туғилган. Кулги унинг ҳаёти.

Қизиқчи билан бўлган сұхбатни унинг «Қозон» ҳангомаси билан бошладик:

— Бир қўшни қўшнисиникига қозон ўраб чиқибди. Қўшничилик, бермаса бўлмайди. Орадан икки кун ўтиб қўшниси қозонни қайтарибди. Қозсоннинг ёнида кичкина қозонча ҳам бор эмиш.

— Бу нима? — дебди қозоннинг этаси.

— Қўшни, қозонингиз туди, қўшиб олиб келдим,— дебди қўшниси.

Орадан икки кун ўтгач, ҳалиги қўшниси яна қозон сўраб чиқибди. Қўшничилик, бермаса бўлмайди. Лекин орадан икки-уч кун ўтсаям, қозонда 1 дарак йўқ. Секин чиқиб қўшнисидан сўрабди:

— Қўшни, қозонимни қайтарсангиз.

— Эй, кўргилик қўшни, сизга айтаман, деб хаёлимдан кўтарилибди. Қозонингиз ўлиб қолди, — дебди қўшниси хафа бўлиб.

— Ия, қўшни, қозонам ўладими? — деб ҳайрон бўпти қозоннинг эгаси.

— Ҳо, нега ўлмас экан? Ахир, қозонингиз туди, десам ишонасиз-у, ўлди, десам ишонмайсизми?..

— Яшанг, Ҳожибой ақа, одамларни кулдириш қийин бўлса керак-а?

— Нафақат қийин, балки азоб. Турган-биттани азоб. Бу учун қизиқидан тинимсиз изланиш, меҳнат қилиш ва ҳаётни чуқур ўрганиш талаб этилади.

— *Машхур фаранг адиби Виктор Гюго:* «Кулги — мисли офтоб: у инсон юзидан қиши қаҳрини олиб таш-

лайди», деган. Сиз кулгини қандай тушунасиз? Кулгининг кулгидан фарқи борми?

— Ҳақиқий кулги — дам олиш, рухий ва ақлий озуқа беради. Бир машхур қўшиқда айтилганидек: «Кулги дармон дейдилар». Лекин кулгининг кулгидан кескин фарқи бор. Кулгини юрақдан ҳис этиб, ақлан тушуниб кулиш ҳам фозилликнинг бир белгиси. Бўлар бўймасга кулавериш, ҳадеб ишшайиш менимча соғлик белгиси эмас.

— Сўнгти йилларда қизиқчилик санъатини ривожлантиришга эътибор кучайди. Бир неча йиллардан буён республика миқёсида қизиқчиларнинг кўрик танловлари ўтказилиб келинади. Бу ўз-ўзидан истеъодоли қизиқчилар, сўз усталари етишиб чиқишига кенг имкониятлар очяпти. Мана, сиз ҳам «Қизиқчи—90» республика кўрик танловининг ролибисиз. Афсуски, айрим қизиқчилар репертуарида бачканга мавзулар, саёз ва беҳаёҳ ҳангомалар кўп учрайди. Маъноли кулгидан кўра, бемаъниси кўп. Умуман, қизиқчилардаги енгил-еллилк, беҳаёлик ва қуруқ сафсатабозлик сизни ташвишга солмаяптими?

— Үф! Оғир савол бердингиз. Наинки ташвишлантиряпти, ҳатто соchlаримнинг эрта тўкилишига сабаб бўляпти. Билмадим, бу кетища шўрлик бош нима бўлади? Санъатнинг барча турларида бўлгани каби қизиқчиларда ҳам енгил-еллилк, сохталик кетмайди. Энг ёмони беҳаёлик. Айрим қизиқчилар томошабинлар орасида аёллар, қизлар, ёш болалар ўтирганлигини унуттиб қўйишиди ва оғзига нима келса вадирайверади. Ачинарли томони шундаки, баъзи қизиқчилар бачканалик, ҳаёсизликни касбга айлантириб олганлар. Бундай йўл ёмон оқибатларга олиб келади. Қизиқчилик санъати ривожига жиддий тўсиқ бўлади. Томошабиннинг маънавий тарбиясига салбий таъсир кўрсатади. Ҳамма нарсанинг ўз ўрни, ўз давраси бор. Қизиқчи ҳамиша томошабинни ўйлаб, унинг кулгисини ҳис этиб туриши керак. Ахир қизиқчилик шунчаки кулдириш воситаси, ном орттириш учун майдон эмас. Жаҳон санъатида қизиқчилик фан сифатида ўрганилади. Тадқиқотлар олиб борилади. Бизда ҳали бу санъат тарихи чуқур ўрганилмаган. Илмий жиҳатдан чуқур тадқиқ

этимаган. Масалан, ҳозиргача бирор-быр мутахассис машхур қизиқчилар ижодини кенг ўрганиб, теран таҳлил қилгани йўқ. Назаримда, ҳақиқий қизиқчилар ижодини баҳолайдиган, ўрганадиган вақт келди. Яна қайтариб айтаманки, қизиқчилик масхарәбозлик, майнавозчилик эмас. Қизиқчилик ҳам ижодий фаолият, ҳам фан. Йиллар ўтиши билан бу исботланиб бораверади. Қизиқчи фақат кулдирмайди, балки тарбиялади, маънавият сари етаклайди.

— Биринчи марта қачон, қаерда, кимчи кулдиргансиз? Сизда қизиқчилик қобилияти борлигини бирор сеизиб маслаҳат берганми ёки ўзингиз шу йўлни танлаганмисиз?

— Болалигимдан актёр бўлишни орзу қиласдим. 8-синфда ўқиб юрган чоғларимда синфдошларимни кулдира бошлаганман. Ўшанда ўзимда озми кўлми одамларни кулдириш қобилияти борлигини сеъсанман. Мактабни битириб, сўнгра Тошкент Санъаг институтининг актёрлик бўлимини тутаттанман. Салкам 30 йилдан буён саҳнадаман. Кўлимдан келгунча одамларни кулдиришга ҳаракат қиляпман.



Устоз Муҳиддин Дарвешовдан кулаги сирларини ўрганман.

— Шу ўринда устозларингиз ҳақида ҳам гапирсангиз.

— Институтда машҳур педагог, Ўзбекистонда хизмат кўрсаттан санъат арбоби Нина Ивановна Тимофеева қўлида таҳсил олганман. У киши ҳақиқий жонкуяр устоз эди. Саҳна сирларини ўрганишимда, қизиқчи бўлишимда устозимнинг хизматлари катта. Элга танилган санъаткорлар Ҳасан Йўлдошев, Эргаш Каримов, Мухиддин Дарвешов, Абдуфаттоҳ Сайдов ижоди ва ижроларини эшлитиб, кўриб кўп нарсалар ўргангандан. Уларни ҳар бири мен учун ўзига хос мактаб. Бу мактаблардан кўплаб ёш истеъдодлар баҳраманд бўладилар.

— Репертуарингиздаги «Аёлнинг жони қирқта» ҳангомангиз анча машҳур бўлиб кетди. Бунда ўзбек аёлнинг жўшқин ҳаёти билан бирга оғир меҳнати жисдий кулги остига олинади. Кулишга куласизу, бироқ юрагингизнинг қаерларидаир ачиниш ҳисси пайдо бўлади. Аёлни кундалик ташвишлардан, ортиқча елиб-югуришлардан, турмуш қийинчилкларидан жиндай озод қилиш учун нималарга кўпроқ эътибор бериш керак, деб ўйлайсиз?

— Шу ҳангомани айтганимдан кейин кўп хотинлардан хатлар олдим. Улардан айримлари эрларимиз талтайиб кетишиди, ишламай қўйишиди, саҳнага чиққанингизда кечирим сўранг, деб ёзишибди. Масалан, эр эрталаб ишга кетаётиб хотинга тайинлайди: «Ғўзапояни у томдан бу томга олгин. Томорқага сув қўйгин. Сўнгра анаву чала қолган деворни бузгин. Кечқурун лой қиласиз». Бир ўйлаб кўринг, ахир шунча ишни бир аёл уддалайдими? Гапнинг очигини айтиш керак, бундай оғир рўзгор юмушларини фақат бизнинг аёлларимиз бажаришлари мумкин. Жони қирқтадан ҳам кўп бўлса керак.

Бозор иқтисоди шароитида бироз қийинчилклар бўлаётганлиги сир эмас. Лекин худо эркакларга жиндай инсоф бериб, ўтиб кетадиган бу оғир кунларда аёлларга чин мададкор, чин фидойи бўлсинлар. Масалан, эркаклар бир соат кам ухласа, бир сафар улфатчиликка бормаса, гап-гаштакни бироз камайтиrsa, аёлларга ҳам анча енгил бўларди. Бир лаҳза бўлса ҳам меҳнатдан бошини сал кўтарарди. Аёл аёллигини ҳис этарди.

— Пифагор: «Ҳазилни ҳам тузга ўхш итиб меъёрига ишлатиш керак», деган экан.

— Саволингизни тушундим. Меъёр жуда керак. Айниқса қизиқчиликда. Меъёри топиш ҳам талант. Қачонки меъёр бузилса, юқорида айтганимиздек, саёзлик, бачканалик ва ҳаёсизлик бошланағы. Ҳозир айрим таниқли қизиқчиларимиз ҳам меъёри бузатирилар. Меъёр бузилган жойда кулги санъитига албатта пугур етади.

— Киноя ва пичингнинг қай биридан кўпроқ фойдаланасиз?

— Ҳар иккисини ҳам — даврага қараб, томошабинларнинг қабул қилишларини ҳисобга олиб ишлатаман. Кўпроқ қаҳрамонлар тилида берилади. Лекин ҳаётда киноя ёки пичинг қилишни ёмон кўраман. Бирор кинояни тушунмаслиги, бошқа бирор пичингни кўтара олмаслиги мумкин. Кейин ўртада хафагарчилик соя ташлайди. Хуллас, бунга ҳам меъэр керак.

— Тушга ишонасизми, кўпроқ тушларингизда нималарни кўрасиз?

— Тўғриси, кам туш кўраман. Яхши тушга ҳам, ёмон тушга ҳам садақа бераман. Энди, гушга ишонгандаку кўп яхши ишлар бўларди. Начора?..

— Ҳаётда кўпроқ қайси мақолга амал ҳиласиз?

— «Ўзингни эр билсанг, ўзгани Шер бил» мақолига доим амал қиласман. Одам ҳеч қачон кеккаймаслиги, манманликка берилмаслиги керак. Айниқса, санъаткорлар бу ҳикматли сўзга кўпроқ амал қилишларини истардим. Шунда эл ўртасида обрўйимиз яна ҳам баланд бўлади. Халқ назаридан қолищдан оғир жазо йўқ.

— Қайси ёзувчиларнинг асарларини сениб ўқийсиз?

— Абдулла Қодирий, Абдулла Қаҳҳор, Чехов, Зошченко, Сайд Аҳмад, Неъмат Аминов, Анғар Обиджон асарлари менга ёқади.

— Китобга муносабатингиз?

— Яхши китоб доно дўстта ўхшайди. Ҳар доим яхши китоб топиш қийин. Афсуски, сўнти йилларда ўз ҳисобидан китоб чиқарадиган ўртамиёна муаллифлар кўпайиб кетди. Масалан, собиқ Шўро тузуми даврида ҳатто шеъри чиқмаган бир шоир кейинги уч

йил ичидә ўз хисобидан тўртта китоб чиқарди. Энди китобларини сотолмай гаранг. Эссиэгина қоғоз. Аҳвол шу тарзда кетаверса, одамларнинг китобга бўлган ихлосига путур етиши мумкин. Мазмунан саёз китоблар келажакда саёз фикрловчи китобхонларни тайёрлайди.

— Ҳозир қандай янги китоб ўқияпсиз?

— «Шарқ» нашриёт-матбаа компанияси Бош таҳририяти томонидан ажойиб китоблар чоп этиляпти. Мазмуни ҳам, сифати ҳам яхши. Ҳозир мазкур нашриётда чоп этилган «Ичак узди ҳангомалар» китобини кулиб-кулиб қайта ўқияпман. Бу ҳангомаларни эринмай таржима қилган ва тўплаган ҳурматли олимимиз Озод Шарафиддиновга тасанно дейман. Шунингдек, хитой файласуфи Конфуцийнинг рус тилида чоп этилган сайланмасини ўқиб ҳайратта тушяпман... Кечирализ, шу ўринда яна бир ҳангома эсга тушди.

— *Марҳамат!*

— Бир бемор невропотолог врачнинг ҳузурига келиб: «Дўхтир, мани даволамасангиз бўлмайди. Мен склероз бўлиб қолдим. Ўзбекласига паришонхотир бўлса керак. Ҳатто ўзимнинг исмим ҳам эсимдан чиқиб қолаяпти. Кеча хотинимдан сўраб билиб олдим. Бир овқат есам денг, евурман, евурман, ёрилиб кетай дейман. Бир ухласам тамом, ухлайвераман, ухлайвераман, уйғониш эсимдан чиқиб кетади. Агар уйда хотин бўлмаса бир ҳафтадаям ухлайвераман. Дўхтир ишонмайсиз, тунов куни нафас олиш эсимдан чиқиб қолди, бир минутча нима эсимдан чиқиб қолганини ўйлаб кетдим. Билсам, нафас олмаёттан эканман. Кеийин нафас олиб тирик қолдим. Ўлимимга азгина қолди-я. Шунаقا дўхтир. Мени даволамасангиз бўлмайди», дебди. Дўхтир: «Яхши, даволайман, лекин айтингчи, шу касалингизга неча йил бўлди?» деб сўрабди. «Қайси касалимга, дўхтир?» дебди bemор. «Унда сизни даволаса бўлади. Лекин манави кишини даволаб бўлмайди. Ҳақиқий склероз экан», деб бир bemорни кўрсатибди. Бемор ўтирган эмиш. «У нима қилаяпти?» «Нима қиларди, дори берганимга бир соат бўлди, лекин халиям оғзини топа олмаяпти», дебти дўхтир.

— *Раҳмат, Ҳожибой ака.* Энди бундай тоифа bemорлар ҳамма даврларда ҳам бўлган. Лекин бозор иқти-

содига ўтиш жараёнига паришонхотирларнинг бироз кўтайиши табиши. Невропатологларнинг жонига тўзим берсин.

— Бозор иқтисодиётидан асло чўчимаслик керак. Бу қийинчиликларнинг ҳаммаси ўткинчи. Ҳадемай ўтиб кетади. Бекорга паришонхотир бўлган қолади. Шу ўринда яна бир ҳангома.

Маълумки, ота-онадан мерос қолади. Бирордан пул, қимматбаҳо буюм, бирордан машина, гилам, мол-ҳол, бирордан уй, яна бирордан китоб қолади. Бир 90 ёшга кирган чол оғир касал бўлиб ётган экан, катта ўли ҳадеганда ёнига киравериб:

— Да да, кўзингизни очинг, бу қанақа ётиш ахир,— дермиш.

— Ҳа, нима гап, ўғлим — сўрабди чол. Шунда ўрли:

— Мана, қўшнимиз ўлиб кетди. Ҳали йигирмаси ўтмасдан ака-укаларнинг боши жанжалдан чиқмаяпти. Меросни кўзингиз очиқлигига бўлиб бериб кетинг, — деб қисталанг қилибди.

Боши қоттан чол ҳамма фарзандларини ҳузурига чиқартирибди. Сўнг катта ўрлига қофоз-қалам олиб келишини буюрибди.

— Биринчи ўзингни ёз, — дебди ўрлига, — санга 80.000, укангта 70000, яна бир укангта 60000, синглингта 50000, кенжатой синглингта 40000 сўм. Набира, абира ва чевараларга 5000 сўмдан ёзгин. Ёздингми?.. Энди мени ёстиқдан кўтаринглар. Ҳа, раҳмат, — чол шундай деб қўлларини осмонга кўтариб, илтижо қилибди: — Эй, художон, энди шунча пулни қаердан оламан!..

— Ҳангоманинг мазмунидан келиб чиқиб айтиш мумкинки, репертуарингизда оила мавзуси алоҳига ўрин тутади. Умуман оиласининг жамиятдаги роли, вазифаси ҳақига фикрларингизни билмоқчи эдик.

— Анча мураккаб савол бердингиз. Аслида ҳар қандай жамиятни оиласиз тасаввур этиб бўлмайди. Оила бўлмаганда эҳтимол жамият ҳам бўлмасди. Лекин мени бир нарса кўпдан ташвишга солиб келади. Масалан, ёш йигит-қизларни ҳаётга, турмушга ҳар томонлама тайёрламасдан туриб оила қурипга мажбур қиласиз. 17—18 ёшга тўлган йигитни уйлантири-

шади. Уларнинг кўпчилигида на касб-хунар бор, на бирор соҳани ўқиб-ўрганмаган. Қиз ҳам шундай ёш. Улар ҳаётни, турмушни яхши билмагандан сўнг қандай ибратли оила қура олади. Оқибатда оиласага птур етади, айниқса, суд залларида кўпроқ ажралаётган ёш оиласарни кўриб ачинади киши. Бу оила қуришга енгил-елпи қарашнинг оқибати. Биз ёшларни оиласага тайёрлашимиз керак. Шундагина оиласарнинг мустаҳкамлиги ва умрбоқийлигини таъминлаган бўламиз.

— Кечирасиз, баъзан ёш оиласинг бузилишига ёмон қайноналар ҳам сабабчи бўладилар. Шундай эмасми?

— Энди камдан-кам келин қайнонадан рози бўлади. Қайнона сўзи негадир салбий эшишилади. Кўпинча шу сўзни эшишишим билан кўз олдимга Фармон-биби образи келаверади. Қайноналарнинг ичидагилари кўп, лекин жанжалкашлари ҳам исталганча топилади.

— Қайноталар ҳақига нима дейсиз?

— Қайнота оила экологиясини доимо тозалаб турдиган жонли аппаратта ўхшайди.

— Айрим оиласардаги эр-хотинлар ўртасига бўлиб турдиган кўнгилсиз жанжаллар ҳақига ҳам ичакузди ҳангомаларнингиз анчагина.

— Ҳаммаси ҳаётдан олинган. «Эрни эр қиладиган ҳам, қаро ер қиладиган ҳам хотин» деган мақоланинг мазмунини чуқур англаб етсан, жанжаллар камроқ бўлармиди. Ҳар қалай аёл оила уставини билиб, иложи бўлса ёдлаб олса, жанжалкаш эрнинг нафаси ичада бўлади. Лекин ичкиликка берилган, бўлар-бўлмасга жанжал қиладиган бемаъни эрдан худо сақласин. Унинг аёли жонига тўзим берсин.

— Суҳбатимиз ўз-ўзидан бола тарбиясига келиб боғланяпти.

— Ота-она учун бола тарбиясидан улуғ вазифа йўқ. Бу ҳақда кўп гапириш мумкин. Мен болани ҳуда-бехудага эркалатиш, ёмон оқибатларга олиб келади, деб ўйлайман. Ҳеч бир ота-она ўз боласига ўғирлик қил, йўлтўсар бўл демайди. Аслида эркалатиш ҳам меъерида бўлиши керак. Бизда ҳалиям боланинг қобилиятига қараб тарбиялашга жиiddий эътибор йўқ. Мажбурлаб ўзи хоҳламаган ўқишига қўямиз. Бироннинг оллири боласига қиёслаб, нега шундай бўлмайсан, деб

дўйқ урамиз. Ёки йўлларини қилиб ҳарбий хизматдан олиб қолишга уринамиз. Бозор шароитини рўйкач қилиб, болаларнинг турли жиноят кўчаларига кириб кетишиларига баъзан ўзимиз билмай имкониятлар яратиб беряпмиз. Уларни ҳунарли қилиш ҳақида кам ўйла-япмиз. Буларнинг ҳеч бири бола тарбиясига ижобий таъсири кўрсатмайди. Хуллас, тарбия масаласида қусур-ларимиз кўп.

Менинг назаримда, дунёда энг буюк кашфиётлар рўй берган. Мустақиллик шарофати билан ҳалқимизга берилган катта эркинлик туфайли таълим-тарбияни кучайтириш пайти келди. Жаҳон кашфиётларини ўқиб-ўрганиш, ўзлаштириш ва мукаммал билишга ҳаракат қилишимиз керак.

Энди гапнинг очиги каллани ишлатиш пайти келди. Собиқ шўро даврида 70 йил дам олгани етади. Роса маза қилиб дам олган-да.

— Калла ҳақида машхур ҳангомангиз бор-ку!

— Бу ҳангомани ўша пайтларда айтганмиз. Ҳозир ҳам эскиргани йўқ. Қайсиdir номаълум оролда каллалар аукцион бўлибди. Унда японнинг калласи 300 доллар, немисники 200, французники 100 доллар экан. Чеккароқда ўзбекнинг ҳам калласи турганмиш. Унинг ёнида нархи минг доллар деб ёзилганмиш. Ҳамма ҳайрон. Харидорлар орасида жиддий баҳс-мунозара бошлинибди: нега нархи ундоқ, нега қиммат деб. Бунга аукцион раҳбарлари шундай жавоб беришибди:

— Япон, немис, французнинг каллалари ишлайвериб, ишлайвериб, палағда бўлиб кетган. Шу учун нархлари анча паст. Манаву калла 70 йил ишламаган, ҳали свежий, шундоқ мойи билан турибди. Ҳали у ёқда бундан ҳам катта, бундан ҳам свежий каллалар бор. Бир каллаларки, ошқовоқдай, ошқовоқдай келади, дермиш.

Энди бу ҳангоманинг тагида ҳам аччиқ ҳақиқат бор. Буни тан олишимиз керак. Афсуски, мустақиллик берган имкониятдан фойдаланмай бекор юрган каллалар ҳам кўп. Агар каллалар ишласа, кўп муаммолар ўз-ўзидан ҳал бўлади.

— Жаҳон медицинасининг узоқ йиллар давомига олиб борган хуносасига кўра, барча касблар ичида жур-

*налистлар юрак хасталиги билан күп касал бўларкан?
Бу ҳолни қизиқчи сифатига қандай изоҳлайсиз?*

— Журналист халқ ва жамиятни асл ҳолича бирбирига кўрсатадиган тиник ва ёруғ кўзгу. Шу кўзгу ҳеч қачон хира тортмаслиги керак. Ҳар қандай катта-кичик хира нуқталар юрақда дардли изларни, изтиробларни қолдиради. Бу оғир излар қандай оқибатларга олиб келиши аниқ.

Мустақиллик даврида журналистларимиз катта фидойилик ва жасорат билан ижод қиляптилар. Буни телевидение ва матбуот саҳифаларида кўриб, ҳис этиб турибмиз. Уларнинг кўпроқ юрақдан мириқиб кулишларини хоҳлайман. Аслида юракнинг дориси кулги. Ана шу доридан кўпроқ истеъмол қиласвериш керак.

— Ёлғон ва ёлғончига муносабатингиз? Ўзингиз ҳам куртдай қилиб ёлғон гапириб турасизми ёки бирор зарурат юзасиданми?

— Ёлғонни ҳам, ёлғончини ҳам жуда ёмон кўраман. Ёлғончидан дўст чиқмайди. Ўзим ҳеч маҳал ёлғон гапирмайман. Лекин ижодимда бадиий тўқимада ёлғон ишлатаман. Ҳаётдаги ёлғондан худо арасин!

— Тажрибали ёлғончига қандай маслаҳат берасиз?

— Ҳар куни биттадан рост гапиришни одат қилса, бир йилда 365 та рост сўз айтган бўлади.

— Машҳурлик юқидан чарчамадингизми? Айрим таниқли санъаткорларга ўхшаб шуҳратпастлик даргуга мубтало бўлганингиз ўйхми?

— Худога шукр, ҳозирча йўқ. Келажакда ҳам бўлмаса керак. Энди элнинг ичидаги юрганингиздан сўнг, телевидениеда тез-тез кўриниб тургандан кейин ҳамма танийди, ҳурмат қиласди. Машҳурлик ва шуҳратнинг оғир томони шундаки, улардан ҳеч бирининг қулига айланмаслик керак. Ҳар иккисида ҳам томошабин назаридан тушиб қоласиз.

— Кулмайдиган одамга қисқа маслаҳат.

— Врачга бориши керак. Бошқа илож йўқ.

— Айрим давраларда Ҳожибой Тожибоев миллионер бўлиб кетган бўлса керак, дейишади. Шу тўғрими?

— Жуда тўғри. Миллионерни миллионер деса нимаси ёмон. Ахир миллионлаб киши танигандан сўнг миллионер бўласан-да.

— Күпроқ кимларнинг тўйига борасиз ёки тўйчиларни тоифага ажратасизми?

— Йўқ, тоифага ажратмайман. Оддий, камтарин ва самимий одамларнинг тўйларига боришига ҳаракат қиласман. Асосан дўстлар, қадрдонларнинг тўйларини ўтказаман. Айни пайтда бу дўстларимга ажойиб тёёна ўрнига ҳам ўтади. Лекин тўққизта тўйга бориб, биттасига боролмай қолсангиз дарҳол хафа бўладиган дўстлар ҳам учрайди. Баъзи тўйларда эса қизиқчи бўлганимга пушаймонлар ейман...

— Сўнгги йилларда ўзбек кинематографчилари кўплаб комедиялар яратдилар. Лекин бу кино асарлар негадир оммавийлашиб кетмаяпти. Айрим комедияларни бир марта зўрга томоша қилиш мумкин. Нега машҳур қизиқчиларни комедияларга таклиф қилишмайди?

— Нега таклиф қилмаёттанлигини режиссёрлардан сўраш керак. Ҳақиқатан ҳам комедияларимиз бироз сийқалашиб кетди. Билган-билмаган киночи ўзини комедияга ураяпти. Шу боис экранларда ўртамиёна комедиялар пайдо бўляпти. Масалан, «Темир хотин» яхши комедия. Лекин «Темир эркак» ўта бачкана. «Олтин девор»нинг театрдаги саҳна варианти зўр. Бироқ уни кинокомедия қилиб анча сийқалаштиришди. «Келинлар қўзғолони» комедияси ҳақида ҳам шундай дейиш мумкин. Бозор иқтисоди шароитида томошабинни арzon, бачкана ва енгил-елпи комедиялар билан маҳлиё этаман, деган режиссёр янгишади. Бундайларга худонинг ўзи инсоф берсин.

— Сизга кўпроқ қайси гулни совға қилишларини хоҳлайсиз?

— Атиргулни! Бу гул жуда хушбўй. Бундан ташқари ёшлигимни, болалигимни ёдга солиб туради. Байрамларда атиргулни ўқитувчиларимизга, синфдош қизларга совға қилар эдик...

— Афсусланадиган ёки пушаймон бўладиган иш қилганмисиз?

— Ҳозирча йўқ. Қўлдан келгунча, имконият етгунча шундай ҳолатларга тушмасликка ҳаракат қиласман. Лекин баъзан давраларда, сухбатларда бемаъни, маданиятсиз, маънавий қашшоқ одамларни қўриб, улар билан кеттан вақтимга қаттиқ афсусланаман.

- Шу ўринда яна битта ҳангома эшиштайлик.
- Марҳамат. Яқында танишган йигит билан қиз қимтиниб бекатда турган экан. Бир автобус келиб түхтабди. Йигит қизни ҳурмат қилиб шундай дермиш:



«Чиқинг, жоним», — дебди йигит...

— Қани, чиқинг жоним, бўлинг жоним, ўтинг жоним. Автобус кутиб қолди, ниқинг жоним.

— Олдин сиз чиқинг, йигит кишисиз, — дебди қиз ийманиб.

— Биз, йигитлар қизларни ҳурмат қиласиз. Олдин сиз, кейин мен чиқаман. Қани бўлинг жоним, чиқинг жоним, бўлинг жоним, чиқинг жоним, қани чиқинг жоним.

Шунда ҳайдовчи йигитга қараб нима дебди денг:

— Аввал ўзинг чиқ, кейин сани жонинг чиқсан!

— Ижодий учрашувлардан бируга устоз Нельмат Аминов сиз ҳақингизда гапириб: «Ҳожибой саҳнага чиқса, яна ҳам очилиб кетади. Томошибинни ўзига магнитдай тортади. У саҳнага ҳакиқий ҳаёт яратади», деди. Умуман, Сиз учун саҳна ўзи нима? Саҳнага ўзингизни қандай ҳис қиласиз?

— Саҳна мен учун илоҳий жой. Ҳаётимнинг энг ширин, энг гўзал, энг баҳтли онлари саҳнада ўтади, десам сира муболага бўлмайди. Шу саҳнада жуда мазза қиласман-да! Худди балиқ сувда сузгандай сузаман. Илҳом ҳам саҳнада келади. Баъзи ҳангомалар саҳнада турилади, саҳнада мукаммалашади. Баъзиларига қўшсам, баъзиларини қисқартираман. Хуллас, томошибин «иштаҳаси»ни ҳисобга оламан.

Бир концертда томошибинлар мени сира қўйиб юборишмаялти. Қарсак устига қарсак. Шунда биринчи қаторда ўтирган кекса отахон ёнидаги термосдан бир пиёла чой қўйиб узатди. «Раҳмат, отахон, раҳмат, — деб у кишига яқин бордим. — Сиз мени кўп гапириб, томошибинларни кўп кулдирганидан томоги қуриб қолди, деб ўйладингиз шекилли. Йўқ, томогим қуриган эмас. Қачонки, санъаткор ёлон гапирса, томошибинни алдаса, томоги қурийди», дедим.

Саҳна муқаддас. Саҳнада сира-сира ёлғон гапириб бўлмайди. Саҳнани ўйин деб билган, енгил-елпи йўллар билан томошибинни алдаган қизиқчи узокқа бормайди.

— Сизнингча маданият нимадан бошланади?

— Ҳакиқий маданият оиласдан сўнг мактабдан бошланади. Мен бу ўринда кийиниш, гапириш, ўзини тута билиш, китобни, инсонни севишни ўрганишни назарда тутяпман. Масалан, китоб дўкони ёнида лоқайд,

бепарво ўтиб кетган одамни маданиятли, деб бўлмайди. Агар китобни сотиб олишга имконият бўлмаса, ўша китобни варақлаган одам қанчалар ҳузур қиласди. Китобга қараш китобни қўлга олиш руҳини ўзгартиради. Мен доим нон дўконлари ёнида албатта, китоб дўконлари бўлишини орзу қиласман. Биттаси жисмоний, биттаси маънавий жиҳатдан қондиради ва ўз-ўзидан маданиятимиз юксалишига олиб келади.

Шу ўрнига маънавият ҳақидаги мулоҳазаларингиз билан ҳам ўртоқлашсангиз.

— Маънавиятсиз одам ҳар қандай бемаънилик кўчасига кириб кетиши аниқ. Маънавиятни сингдириш, ўстириш учун биринчи галда соғлик керак. Шу боис ҳукуматимиз соғлом авлод тарбиясига катта эътибор бераётир. Масалан, юзни ювиш, ўзига оро бериш учун аввало, одам уйқудан уйғониши керак. Уйғониб, юзини ювиб, тараниб, овқатланиб, озода кийиниб ишга боргандагина, ўша ишдан унум, барака, сифат бўлади. Маънавияти йўқ, маънавиятдан йироқ бой тез синади, тадбиркор ёки ишбилармон оқибатда майиб бўлади. Маънавият шундай катта ва қудратли бойликки, уни ҳеч нарса билан ўлчаб ёки баҳолаб бўлмайди. Маънавияти мустаҳкам ҳалқ ҳеч қачон енгилмайди. Аксинча, қудратли, ботир бўлади.

— Ҳожибой ака, кулги билан йиғининг орасига масофа борми?

— Аслида, катта масофа бор. Лекин масофа йўқ, деса ҳам бўлаверади. Масалан, кулги бошланган жойга йиғи яқин келади. Баъзан эса кулгида ҳам йиғи бўлади. Улар ёнма-ён юради. Айтайлик, йиғлаб туриб кулиш, кулиб туриб йиғлаш мумкин. Кўп одамлар бу ҳолатларни бошидан кечиради. Масалан, «Мерос» деган ҳангомани айттанимда кўзимга ёш келади. Ниятим, самимий кулгидан, қувонч ёшидан ҳеч ким бенасиб бўлмасин!

— Репертуар устига қандай ишлайсиз? Энг узоқ изланган, ишланган репертуарингиз қайси?

— Репертуар ҳаётдан олинади. Уни тайёрлаш жараёни ҳам мураккаб, ҳам қизиқ. Баъзан яхши нарса уйқуда ё тушдаям келаверади. Ҳамма гап ўша ҳангоманинг қизиқ жойини илғаб олишда, хотирада ушлаб

қолишиди. Кейин секин-секин ўзи пишиб, етилиб бораверади. Масалан, «Ўзбекнинг ўзи қизиқ» репертуаридан ўрин олган ҳангомалар 1988 йилдан бошланиб, 1993 йилдан тутади.

Кўшиқ — тайёр таом. Уни яхшилаб пишириб, «сузиб» егандан сўнг ҳамма даврада «еийиш» мумкин. Қизиқчи эса ҳар бир янги давра учун янги масаллик билан таом тайёrlайди. Баъзан бу таомнинг тузи кўп ёки кам бўлиши мумкин. Қолгани маҳорат ва истеъдодда борлиқ.

— Айнан саҳнанинг ўзида вужугда келган, томошабинлар қаршисида яралган шжод намуналари ҳам бўлганми?

— Албатта. Маълумки, кулдириш ва кулишнинг турлари кўп. Саҳнада у ёқдан бу ёққа югуриб, ўмбалоқ ошса ҳам, алмойи-алжойи, бачкана қилиқдар қиласа ҳам (эркаклар хотинларнинг кийимию ҳатто ич кийимни кийиб чиқсалар ҳам), томошабин кулавериши мумкин. Бироқ сизга саҳнада сўз айтиш имкони бериладими, сўзга нисбатан масъулият ҳиссини ҳам англаш зарур. Саҳна меъёрини унутмаслик керак.

Сўз инсонга берилган олий неъмат. Уни беҳуда исроф ёки ундан нотўри фойдаланиш фақат зиён келтиради. Шунингдек, аввало томошабин санъаткор аҳлини маънавият ва маданият вакили, унинг ўзини эса юксак маданият эгаси дея ҳисоблайди. Шунинг учун у нимани эшитса, кўрса, тўғри деб билади. Ундан ибрат олиши, ҳатто тақлид қилиши ҳам мумкин. Санъаткор айни пайтда тарбиячи вазифасини ҳам бажаради.

Инсон ҳамиша ўз виждони, имони, қолаверса, айтатётган сўзига нисбатан масъулиятни ҳис этиши шарт. Кийиниши одоби, саҳна маданияти, нутқ маданиятини эсдан чиқармаслиги зарур. Балки Европада кўпчилик олдида яланғоч чиқиши, аёллар кийимида юриш мумкинлар, бу ҳеч эриш туюлмас. Бироқ бу нарса мусулмончиликка, қолаверса, ҳалқимизнинг менталитетига қай даражада тўғри келади? Шунингдек, биз ҳар қандай ҳолатда ҳам ким эканимизни, илдизимиз — ўзлигимизни унутмаслигимиз керак. «Замон ўзгаряпти, замон», дейишади. Замон-ку, ўз жойида турибди. Одамлар ўзгаряпти, айримлар фақат енгил-елпи йўлга ўтиб

олдилар, холос. Бебаҳо ҳисобланган сүзни ҳам күп ҳолларда миш-мишлару, турли ғийбатлару алдов каби иллатлар учун ишлатишаңты.

— Сүнити йиллардаги концертларингиз афишалари-га фақат сизнинг номингиз борлиги — бу ўзингизга нисбатан етарли ишончнинг маҳсули шекиlli?

— Мен ўз мухлисларимга ишонаман. Ҳатто вилоятларда бўлган гастролларда катта-катта стадионларда концерт беришга тўғри келган. Ҳатто ўн минглаб, йигирма минглаб томошабинлар йифилган кезлар ҳам бўлган. Ва кунига икки сеансда, икки ярим-уч соатлаб галиришга тўғри келган, бу борада томошабинлардан кўнглим тўқ.

Инсонни касби боқади. Шунинг учун инсон ўз касбини севиши, ҳурматлаши ва қадрлаши керак. Айни пайтда, томошабиннинг юксак ишончини ҳам... «Хохласанг ҳам, хоҳламасанг ҳам шу, мен — шунақаман» дейиши билан узоқча бориб бўлмайди. Томошабин зийрак, ҳаммасини билиб туради. Бундайлар ҳатто маҳорату санъаткорлик даражаси осмон қадар юксак бўлса ҳам, тезда назардан қолади, томошабиннинг кўнглига уради. Манманлик санъаткорга мутлақо ярашмайди.

Халқда «Дўстинг кимлигини айт, мен сенга кимлигни айтаман», деган нақл бор. Мен шуни ўзимча талқин эттанман: «қани, бир кулгинчи, сенга кимлигни айтаман...». Одамнинг кимлиги унинг кулгисидан билинади. Ҳаётда инсон, у ким бўлмасин, қана-қанги даражага етишишидан қатъи назар, виждонига содик қолиши керак. У уч-тўртта одамга танилгани билан мутлақо бошқа одамга айланиб қолмайди-ку, ахир. Истардимки, инсонлар қалбини самимий ва бе-губор кулаги асло тарқ этмасин! Яшасин кулаги, яшасин қаҳқаҳа!..

НЕГА КУЛАМИЗ?

ёки Ҳожихандон аниқлаган кулгининг «эркаги» ҳақида

«Агар юрларда яшаган одамлар кулиши
ни билганирига тарих бошқа йўлдан-
кетган бўларди».

Оскар УАЙЛЬД

Биз нега куламиз, нима учун куламиз, кимдан куламиз ва қандай куламиз? Ушбу саволларни инсон боласи кула бошлигандан бўён бир-бирига тақорлаб келади. Ва инсон боласи ақлини таниганидан бери ушбу саволларга тинимсиз жавоб излайди. Излайди-ю, лекин ҳалигача бирор-бир жўяли — кўнгилга таскин берадиган жавоб топа олганича йўқ. Буюк алломалар, файласуфлар, ёзувчилар, кули даржалари кулгиға фалсафий таътиф бериб, кулгининг маъно-моҳияти ва аҳамиятини ўзларича тадқиқ қилиб, жиддий фикр-мулоҳазалар айтганлар.

Кўйида улардан айримларини келтириб ўтамиш:

Немис файласуфи ва шоири Иогани Гёте: «Одамнинг ҳақиқий характеристи кулгандинга чинакамига на-
моён бўлади».

Руснинг улуғ адаби Лев Толстой: «Ҳазил — катта куч. Ҳеч нарса одамларни бир-бирига чинакам беозор кулгидек яқинлаштирмайди...»

Кўриниб турибдики, кулгининг инсон ҳаётидаги мухим жиҳатларига турлича баҳо берилиб, турлича талқин қилинган.

Тадқиқотчиларнинг аниқлашича, гўдак уч ойлиги-дан кула бошлигиди. Олти ёшлигида у кунига 300 марта кулади ё илжаяди. Катта ёшдагиларнинг одатда бир кунда 47 марта, жуда қувноқ одамларнинг эса юз марта гача кулиши кузатилади. Тунд ва ўта жиддий кишилар бир кунда зўрға олти марта жилмайиб қўйишади, холос.

Кули энг яхши дори эканлиги қадимдан маълум бўлса-да, Америкадаги Стэнфорд университети олимлари буни илмий жиҳатдан асослаб беришди. Уларнинг фикрича, кули танада «иммоглобин» ишлаб чи-

Қаришни фаоллаштиради. Бу эса танадаги ҳимоя күчларини мустаҳкамлайди. Кулги «вирус», «бактерия» ва ўсма ҳужайралар кўпайишининг олдини олади. Ҳавфли касалликларга зарба беради.

Олимларнинг кузатувларига қараганда, кулги даволаниш жараёнини тезлатибигона қолмай, ички аэробика бўлиб, яъни юрак тўқималарини ҳаракатта келтириш, тананинг юқори қисмини, хусусан, ўпка ва бошқа яшаш учун зарур аъзоларни уқаловчи восита сифатида ҳам кизмат кўрсатади.

Шунингдек, кулган киши танасида одатдагидан кўра ўзгача физиологик жараёнлар кечиши тўғрисида тиббиёт илмининг буюк пирлари Гиппократ ва Абу Али ибн Сино кенг маълумотлар бериб кеттан. Ўтмишда «Кулги ҳақида рисола», «Кулгининг сабаблари» сингари рисолаларнинг чоп этилиши катта аҳамиятта эга. Олимларнинг фикрича, мириқиб кулган одам танасида озиқданиш рўй бериб, ўпка йўллари очилиб, нафас олиш равонлашади. Қон ҳаракати яхшиланниб, модда алмашинуви изга тушади. Хуллас, кулган одамнинг қалби ҳам, истараси ҳам иссиқ бўлади.

Дунёning айрим ривожланган мамлакатларида кулгини, кулги санъатини илмий жиҳатдан тадқиқ қилиш, ҳатто кулги орқали даволаш ишлари олиб борилаёттани ҳайратланарли. Масалан, ҳинди斯顿лик доктор Мадан Катария биринчилардан бўлиб ўз мамлакатида «Кулгисеварлар клуби»ни ташкил қилди. Сўнг доктор Катария кулгининг инсон танасига жиддий таъсир ўтказиши устида чуқур илмий тадқиқот олиб бориб, шу нарсага иқрор бўлдики, «кулгитерапия» нафақат юрак, ошқозон яраси, асад, уйқусизликда, балки жинсий майлни кучайтириш, ҳомиладорлик даврида болани соғлом ўстириш, инсон умрини узайтириш жараёнига бевосита яқиндан ёрдам бераркан. Ҳозир доктор махсус поликлиника очиб, беморларни кулги ва кулги воситалари билан даволаяпти. Бундай тадқиқотлар ва даволапи жараёнлари Япония, Германия, Франция, Истроил враchlари томонидан ҳам ўтказилаёттани ҳақида маълумотлар мавжуд. Хуллас, дунёning ривожланган мамлакатларида кулгини ўрганиш, уни ҳар томонлама тадқиқ этиш, кулги туфайли инсон умрини узайти-

риш, соғлигини мустаҳкамлаш борасида олиб борила-ёттан ишлар, изланишлар яхши самаралар бермоқда. Айни пайтда кулгининг жамиятдаги ўрни илмий асосда ўрганилмоқда.

Инсоннинг бир кўзида йиги бўлса, бир кўзида кулги яширин, бир юзида изтироб бўлса, иккинчи юзида кулги ўйнайди. Бир қулоғи билан насиҳат эшитса, иккинчи қулоғида латифа жаранглаб туради. Юракдан яйраб кулган одамнинг ҳатто киприклари ҳам мавжланиб кетади, руҳи, тани ярайди.

Бешикда ёттан гўдакка яхши гаплар айтиб (гарчи, у тушунмаса ҳам) ёқимли қилиқлар қилсангиз, у албатта жилмаяди, садафдек тишларини кўрсатиб қиқирлади. Унинг жилмайишида, қиқирлашида покизалик ва беғуборлик бор. У улғайгач ҳам ҳамма нарсани, воқеа-ҳодисаларни кулги кўзи билан кўришга интилади, кулги руҳи билан вояга етади, самимий кулги билан улғаяди, тарбия топади, қаҳқаҳа билан кучга тўлади.

Кулгидаги одамнинг табиати, характеристи ва турмуш тарзи худди ойнадай акс этади. Инсоннинг кимлигини, қандайлигини унинг қандай кулишидан билса бўлади. Масалан, кулгини узоқ вақт тадқиқ, қилиб, қатор тажрибалар ўтказган мутахассислар шундай хуносаларга келдилар:

Кулаёттанингизда жимжилогингиз билан лабингизга тегинаверсангиз... Сиз ўзингизга эътиборни тортишга ҳаракат қиласиз;

Кулаёттанингизда оғзингизни кўлингиз билан бер-китсангиз... Сиз анчагина қўрқоқсиз ва ўзингизга ишона олмайсиз. Тез-тез ҳаяжонланиб, ҳамиша соя ортида қолиш пайида бўласиз;

Кулаёттанингизда бошингизни орқага ташлаб-ташлаб юборсангиз... Сиз анча саргузаштсевар, ишонувчансиз. Шунга яраша кенг имкониятларга ҳам эгасиз. Баъзан кутилмаган кашфиётларни амалга ошириб қоласиз.

Кулаёттанингизда қўлингизни юзингизга ёки бошингизга теклизаверсангиз... Сиз роса орзуманд, хаёлпарастликка мойил кишистиз. Лекин бу ёмон эмас.

Кулаёттанингизда бурнингизни уқаласангиз... Сиз-нинг түйғу ва қарашларингиз тез-тез ўзгариб туради. Сиз ҳиссиётли ва шу билан бирга баджаҳсиз:

Кулаёттанды оғзингизни катта очиб, баланд овоз чиқарсангиз... Сиз қизиққон одамлар тоифасидансиз. Озгина вазминлик ва хотиржамлик сизга халақит қилмайди.

Кулаёттанингизда иягингизни ушлаб-ушлаб қўйсангиз... Сиз неча ёшда бўлишингиздан қатъи назар, юриш-туришингизда ёшликнинг белгиларини саклаб қолгансиз;

Кулаёттанингизда юзларингиз бужмайиб кетса... Сиз ўзингизга қаттиқ ишонадиган, шу билан бирга қатъий ва қайсар инсонсиз.

Тадқиқотдан кўриниб турибдики, кулиш, кулдириш ва кулги дунёсида яшашнинг ўзи катта санъат. Бирорлар очиқ-ойдин шақирлаб кулади, яна бирорлар астагина пинҳона кулади. Лекин атрофдагиларга сездирмасдан ичиде «мазза» қилиб куладиганлар ҳам бор. Бундайлардан Худонинг ўзи асрасин!

Ёлғончи одам албатта ёлғондакам кулади. Қитмирнинг кулгисида, шубҳасиз, қитмирилик, айёрлик сезилиб туради. Заҳарли, яъни ҳар гапидан бадбўй ҳид анқиб турадиганларни заҳарханда дейишади. Эзма одамнинг кулгиси ўзига ўхшаб эзма бўлади. Ланжнинг эса лабида кулги турмайди. Бундайларни атала кулги дейиш мумкин.

Бемаъни кулгилар бор — яшашдан чалғитади.

Ҳушёр кулгилар бор — рухингизни синдиради.

Айёр кулгилар бор — доғда қолдириб кетади.

Такаббур кулгилар бор — лақиллатади, алдайди.

Ёлғон кулгилар бор — ишонганингта пушаймонлар ейсан.

Писмиқ кулгилар бор — ҳафсалангни пир қиласди.

Сохта кулгилар бор — пинҳона сотади.

Саёз ва пуч кулгилар бор — қон босимни ошириб қасал қиласди.

Фитна-фасод кулгилар бор — жанжал чиқаради, уруш ахтаради.

Кесатиқ кулгилар бор — асабингни ўйнаб, юракка қадалади.

Пичинг кулгилар бор — дилингни яралайди.

Қичик кулгилар бор — тубанликка бошлайди.

Кўпик кулгилар бор — саробга айланади.

Фақат самимий, беғубор ва тоза кулгилар умрингга умр қўшади, ҳаёт йўларида сенга ҳамиша суянчик бўлади, яхши ва нурли манзиллар сари етаклайди, маънавий юксалтиради, маданият ривожига хизмат қиласди...

Яна бир тоифа борки, ўзи гапириб, ўзи кулади. Агар бундайларга дуч келиб қолсангиз, тавбангизга таянтириб, кулгидан ҳафсалангизни пир қиласди. Бошқа бир тоифа эса бекиниб, атрофга ўн марта аланглаб олиб, деворнинг тешигига қулоқ тутиб сўнг кулади. Кулганимни бирор эшитмадимикин, кўрмадимикин, сезмадимикин, деб ўзидан хавфсирайди. Бундайларнинг кулгиси ҳазм бўлмайдиган овқатта ўхшайди.

Аслида, самимий ва беғараз кулги катта маданият белгиси бўлиб, маънавий тарбиянинг юксак восита-ларидан бири ҳисобланади. Ўз-ўзидан, атрофида бўлаётган нуқсон ва камчиликлардан тўғри, ҳалол кула билиш одамнинг имонини, ҳаёси, инсонийлиги қанчалар юқори ва мустаҳкамлигини кўрсатади. Масалан, бирорлар олди-қочди, енгил-елпи гапларгаям кулаверади, бирорлар бўлар-бўлмасга ҳиринглайверади. Баъзилар эса тагдор, қочиримли мағзи тўқ гапларга куладилар. Доно ва зукко кулгини англаш, тушуниш ҳаммага ҳам насиб этавермайди. Фақат кулдира олиш эмас, балки юрақдан, вужуддан, ақл билан кула билиш ҳам юксак маданият белгиси. Кулгининг хусусиятлари, элементлари танада, қонда бўлмаса қийин, ундейларни қитиқлаб ҳам кулдириб бўлмайди. Кулгидан маҳрум одам — қуриб қолган дарахтга ўхшайди...

Кулиш ва кулдириш аслида Яратган томонидан берилган буюк бир неъмат бўлса керак. Инсон қайғута боттандо, оғир вазиятларга тушиб қолганда, руҳий тушкунлиқда унга албатта кулги мададкор бўлади. Асқия давралари, кулги кечаларининг доимий гавжумлиги халқимизнинг нақадар кулгипарастлигини кўрсатиб туриди. Кулги меҳнатда ҳам, дам олишда ҳам инсон руҳининг малҳами...

Кулгидан ҳадиксираш, қўрқиши — ожизлик ва маънавий қашпоқлик белгиси. Кула билмаслик эса энг даҳшатли фожиа. Устоз адаб Сайд Аҳмад ёзганидек: «Мабодо, бирор, фалончи дунёдан кулмай ўтиб кетди, деса, қулогимга уйланмай ўтиб кетди, деб эшитилади. Кулмаслик ўзини ўзи роҳатдан, ҳузур-ҳаловатдан ти-йиш демақдир. Кулмаслик, оч бўлишга қарамай, одига қўйилган лаззатли таомга қўл урмай, сўлагини ютиб ўтириш билан баробар. Кулги одамнинг ичидан чиқади. Демак, ичи тоза одам кулади».

Собиқ шўро даврида ҳатто кулгидан сиёсий хато изланиб, қанча-қанча одамлар кулгани ва кулдиргани учун сургун қилиниб, азоб-уқубатларга дучор бўлган. Адабиётимиз ва маданиятимизнинг кўпгина буюк на-мояндалири кулги туфайли қатағон қурбонларига айланган. Уларнинг ҳақиқат билан сугорилган ҳақ кулгиси коммунистларни гўё атом бомбасидек довдира-тиб қўйган. Яна тарихдан маълумки, баъзи импе-торлар ва диктаторлар ҳам кулгини ўзларининг душмани деб билишган. Ва кулгидан худди душманидан кўркқандек кўрқишиган. Қадимда масхарабозлар, қизиқчилар подшоҳларнинг ёнида бежиз юрмаган. Улар кулги орқали мамлакатдаги мавжуд аҳволдан биринчи галда подшоҳни хабардор қилишиган. Адабиётда ҳам, сатира, юмор, комедия, латифа, карикатура сингари жанрлар атайлаб ўйлаб топилмаган. Булар инсоннинг кулгига бўлган маънавий эҳтиёжини қондиришга хизмат қилиб келяпти. Айниқса, аскиячилар, қизиқчилар, лофчилар, телеминиатюрачиларнинг ижодий фаолияти бунга ёрқин мисол. Машҳур қизиқчимиз Ҳожибой Тожибоев айтганидек, «ўзбекнинг ўзи қизик, ўзидан ҳам сўзи қизик».

Ҳар бир ҳалқнинг кулги қаҳрамонлари бежиз пайдо бўлмаган. Масалан, ўзимизнинг буюк кулги қиролимиз — Насриддин Афандини олайлик. Ҳозиржавоблиқда, доноликда, мот қилишда, айёриликда, зукколикда, қитмириликда унга тенг келадигани топилмайди. Афанди аралашмаган соҳа, Афанди юзма-юз келмаган касб-кор эгалари бўлмаса керак. Қаердаки, ҳалқ кулгиси, ҳалқ қаҳқаҳаси янграса, Афанди ўша ерда ҳозири нозир. Ҳалқнинг орзу-ўйлари, ғаму шодлиги, қувон-

чу изтироблари, тўй-томушалари — ҳамма-ҳаммаси Насридин Афандининг ўлмас кулгисида мужассамлашган. Демак, халқнинг беғубор, тоза, самимий кулгиси каби Афанди ҳам барҳаёт яшайверади.

Ҳеч бир замонда кулгини таъзиқлаб ё тўхтатиб қўйишнинг асло иложи йўқ. Кулги инсонга ҳаводек, сувдек, нондек зарур. Инсон ҳар сафар мириқиб, мазза қилиб кулганида руҳи покланади, вужудида, танасида тозариш, фикрида янгиланиш рўй беради. Кўпинча,



Кулгилар ҳар хил бўлади, дўстлар.

янги туғилган гүдакни йиғлаб дунёга келди деймиз. Эҳтимол, улар орасида кулиб туғилаёттандар ҳам бордир. Инсон ҳаёт экан, кулги билан яшаб, кулги билан нафас олади. Яшасин эркин кулги, тоза кулги, соғ кулги!

Китоб қаҳрамони Ҳожибай Тожибоевнинг кулгиси ҳам умрбоқий ва соғ самими кулги сирасиға киради. Юқорида айтилган мулоҳазаларнинг ҳар бир бандига унинг репертуаридан мисоллар келтириш мумкин. Ҳожибай Тожибоев Юсуфжон қизиқ Шакаржонов, Охун қизиқ, Абдулҳаймаксум Қозоқов, Муҳиддин Дарвешов, Эргаш Каримов анъаналарини изчил давом эттираёттган забардаст кулги дарвазаларидан бири. У кулгининг турлари ва хиллари ҳақида бир ҳангомасида шундай деган:

— Кулгилар ҳар хил бўлади, дўстлар. Масалан, оддийгина кулиш, деган сўзнинг ўзини ўйлаб кўрсак, жуда кўп маънога эга, жуда кўп турларга бўлинади. Мана, мисол учун илжайиш қанақа бўлади. Илжайиш — эътибор бермаганимиз, кузатмаганимиз — илжайиш мана шунақа (кўрсатади) бўлади. Мана, илжайиш... мана, илжайяпти-да...

Энди, тиржайиш бор. Эшигтансизлар, «Мунча тиржаяди», дейди-ку. Ўша гап. Энди, мундай олиб, чуқурроқ кўрсатадиган бўлсак, бу жуда бир бошқачада. Ўша илжайишнинг акси бўлади бу тиржайиш, «Бунча тиржаясан қўйдирган калладай», дейди-ку!

Энди, қаранг, «Мийигида кулиб қўйди», дейди. Қанақа бўлади у мийигида кулиб қўйиш? Жуда қизиқ, бу кулгили кулгилардан бири. Бир томони кулиб турди, бир томони кулмай турди. Мана шундай (кўрсатади). Айниқса, тилла тиши бор дўстларимиз шундай куладилар.

Яқинда биттасини кўриб қолдим. Роса зўр кулар экан, қотиб қолиб, денг. Мана шундай қилиб кулар экан (кўрсатиб), и-ҳи, и-ҳи, и-ҳи... ҳалиги а-у, и-и-и, хи-и-и, а-у... Қаранг, бу ишшайипга ҳам кирар экан. Нарироқда биттаси бошқача куляпти. Овозидан худди вовуллаганга ўхшайдими-ей...

Энди, дўстлар, ҳандон отиб кулиш ҳам бор. «Ҳандон отиб кулди», дейди. Қанақа бўлади бу, яъни кул-

гининг «эркаги» бўлади. Хандон отиб кулган одам яйрайди, дeng. Яқинда биттасини кўриб ҳайрон бўлиб қолдим. Бир мартадан кейин портлаб кетди-да, кейин ўзи билан ўзи бўлиб қолди. Кўкариб кетди-ей. Соатимга қараб турибман, ўн минут ўтди, ҳалиям нафас олгани йўқ. Мана шундай кулар экан (кўрсатиб)... Орқасига бир тепувдим «и-а-а» деб нафас олиб юборди. Бўлмаса, кўкариб, бир нарса бўлиб қолиши мумкин-да, ахир бирорнинг боласи...

Мана шундай, агар одам киндигидан кулган пайтда мана шундай бўлиб қолар экан (кўрсатади). Ана ўша кулгиларнинг энг зўри экан, дўстлар!

Яна бир гап. Буюк ёзувчи Лев Толстой кулгининг 97 хили борлигини аниқдаган. Қаранг, шундай улуғадиб эринмасдан кулгининг турларини ўрганиб, тадқиқ қилган. Шу боис концертларимдан бирини «Кулгининг 97 хили» деб атадим. Эҳтимол, келажак авлодлар унинг яна янги-янги хилларини топар. Кулги ҳам катта уммонга ўхшайди.

ҲОЖИБОЙ ТОЖИБОЕВ «ЖАҲОН КУЛГИСИ»ДА ЭЪТИРОФ ЭТИЛДИ

Мустақиллик йилларида Ўзбекистон ва ўзбек ҳалқи кўпгина соҳаларда дунёга таниди ва танилиб бораётир. Бундай қувончли воқеаларнинг санаб саноғига етиб бўлмайди. Масалан, миллий ҳунарманҷчилик санъати ва классик куй-қўшиқларимиз аллақачон жаҳон ҳалқлари қалбини ҳайрат ва ҳаяжонга тўлдирганидан ҳамиша фахрланамиз. Ва ниҳоят, ўзбекнинг асқия ва қизиқчилик санъати ҳам дунёда эътироф этила бошлаганини эшлитиб фуруримизга фуур қўшилди, кўксимиз тоғдай кўтарилиди.

Францияда инглиз тилида чоп этиладиган нуфузли «ДЕ ART» журналининг 2003 йилги сонида «Жаҳон кулгиси» номли салмоқли мақола босилган. Унда Европа ва Осиёдаги бир қатор мамлакатларнинг кулги ва қизиқчилик санъати тарихи ҳақида кенг мълумотлар берилган. Мақолада таъкидланганидек, Европа юморида кўпроқ қўшимча нарсаларга эътибор бери-

лади. Масалан, инглиз, француз ва даниялик қизиқчилар ўз санъатларини турли йүйинлар орқали намойиш этадилар. Немис қизиқчилари эса саҳнага соқолсиз чиқмайдилар. Чунки улар учун соқоли йўқ қизиқчи эмас. Бу ажойиб санъатни Гурбес Ален ва Дашихт Шитсадай машҳур кулги усталари бошлаб берганлар. Италия қизиқчилари эса саҳнага ҳеч қачон ниқобсиз чиқишимайди. Бунга машҳур санъаткор Департио Гено асос солган. Мақолада рус қизиқчилик санъатини Аркадий Райкин, Юрий Никулин сингари машҳур кулги усталари юксак погоналарга кўтартганлиги атрофлича баён этилган.

Осё қизиқчилик санъати ҳам ўз анъаналари, услублари ва машҳур ижодкорларига эга эканлиги мақолада алоҳида мисолларда кўрсатиб ўтилган.

Ўзбек асқия ва қизиқчилик санъати ҳақида маълумотлар ҳам ушбу мақолада кенг ёритилган бўлиб, машҳур кулги дарғалари Юсуфжон қизиқ Шакаржонов ва Ҳожибой Тожибоев ижодига юксак баҳо берилган. Уларнинг асқия ва қизиқчилик санъатимизни ривожлантиришга қўшган муносиб ҳиссалари мамнуният билан эътироф этилган.

Шунингдек, мазкур санъат турлари илдизи бир неча асрларга боғланиб кетиши алоҳида таъкидланган. Бу



Мухлислар қутлови.

ажойиб хушхабардан ўзбек асия ва қизиқчилик санъатида мактаб яратган ва уни дунё саҳналарига олиб чиқсан машҳур санъаткор Юсуфжон қизиқ Шакаржоновнинг руҳи шод бўлган бўлса ажаб эмас.

Ўзбекистонда хизмат кўрсатган артист, таниқди санъаткор Ҳожибой Тожибоевни эса бундай юксак эътироф билан барча кулгисеварлар номидан самимий қутлаймиз. Ва умид қиласизки, машҳур қизиқчимиз устози каби Европа мамлакатлари саҳналарини ҳам ўзбек кулгиси билан тўлдиради. Бунга ишонамиз.

— Инсоннинг ҳаётини, турмуш тарзини кулгисиз тасаввур этиб бўлмайди, — дейди Ҳожибой Тожибоев. — Ҳар бир ҳаракатимизда, қилиқларимизда, гапсўзларимизда кулги бор. Қизиқчи ана шу кулгини топа билиши керак. Масалан, «Ўзбекнинг ўзи қизиқ» деб номланган ҳангомалар оддий кузатишлардан бошланган. Суҳбатларда, давраларда айтиладиган оддий гапсўзлардан шунча кулги чиқади, деб сира ҳаёлимга келтирмаганман. Айрим ҳангомалар ижодий учрашувларда, саҳналарда туғилади. Масалан, концерт пайтида бир аёл гул билан бирга қўлида дафтар-ручка олиб чиқиб: «Дастхат ёзиб, имзо қўйиб беринг», деб қолди. Дафтарнинг оппоқ варағига чиройли қилиб имзо чекдим. «Вой, имзонгиз бунча чиройли экан», — деди аёл ҳаяжонланиб. Шунда мен: «Тўғри, чиройли, лекин бу имзо ҳеч қаерга ўтмайди-да, синглим», десам, залдагилар кулиб юборди. Шундай қилиб янги ҳангома пайдо бўлди. Кейинчалик уни яна бойитдим...

Ҳожибой Тожибоев ижодида бундай ҳангомага бой мисолларни кўплаб келтириш мумкин. Хуллас, унинг юриш-туриши, турган-биттани, бор-йўғи кулги. Андижонлик ҳажвчи шоир Одил Эгам Ҳожибой Тожибоевнинг кулги санъатига шундай таъриф беради:

Ҳожибойнинг бошқалардан анча-мунча фарқи бор,
Қизиқчилар даврасига кўп бебаҳо нархи бор.
Ҳангасини тинглаганга бир умрлик завқи бор,
Ҳали яна айтимаган сўзларининг тарки бор,
Мағзин чақсан қотиб кулар, роса ажаб шавқи бор...

Нусхакашдан нусха олмас, қалб тубидан йиғади,
Қаҳқаҳаси дўстлаға ёқар, ағёрини бўғади.

*Күйлак чоки сўқилади, лабда ҳанда унади,
Бағқовоқлар қовоғига ҳатто кулги инади,
Қизиқчининг ҳар бир сўзин ўзига хос шарҳи бор.*

*Иржайишлар, тиржайишлар, заҳарханда табассум,
Қаҳ-қаҳ отмоқ, кулиб қотмоқ, мийиғига бўлмоқ гум.
Бироқ Ҳожи кулгусини бож-хиројга бермагум,
Кўп йил эмас, яна юз йил кулдир бизни қизиқчим.
Тил услубинг ягонаидир, токи ўзбек ҳалқи бор.*

«Муштум» журнали, 2004 йил

ГУРУНГЛАРДАН САТРЛАР

(*Ён дафтардан*)

«2001 йил, 19—20 май. Алишер Навоий номидаги санъат саройида икки кун Ҳожибой Тожибоевнинг кулги кечаси бўлиб ўтди. Айниқса, иккинчи куни томошабин кўп бўлди. Ҳожибой аканинг тирик кулги, дейиш мумкин. У ҳангомаларни одамлардан олиб, одамларнинг ўзиларига ҳадя этади. Саҳнада баъзан шафқатсиз сатира, баъзан юмшоқ юмор билан кулади. Шу боис ҳам Ҳожибой aka ижро этмайди, балки саҳнада яшайди. Ҳеч қачон зўрма-зўраки кулги яратмайди. У саҳнада ёки залда бўлаётган бирор-бир ҳолат ёки воқеадан кулги чиқаради. Хуллас, Ҳожибой Тожибоев кулгисини кўриб, эшитиб, мириқиб кулиш мумкин. Лекин бу кулгини шарҳлаш қийин...».

* * *

«2001 йил, 23 май. Сұхбатлашиб турганимизда Ҳожибой aka шундай деди:

— Ҳозир ҳақиқий санъат билан саёз, ўртамиёна ижрочилик аралашиб кетди. Санъатта даҳдор соҳалар учун тиббиётдаги сингари санэпидемиолог зарур бўляпти. Назаримда, томошабинга мантиқсиз, беҳаё, аҳлоқ мезонларидан йироқ қўшиғу ҳажвияларни тақдим этаёттандарни тартибга чақириб қўйиш фурсати етди. Бундай иллатлар шошма-шошарлик ва мастьулиятсизликдан келиб чиқади...».

* * *

«2001 йил, 12 июнь. Бугун оқшом Ҳожибой ака билан бир тадбиркор танишининг туғилган кунига бордик. Маҳмадонароқ бир одам даврабошилик қиляпти. У кўп гапиради. Сўз бераёттанди эзмалик қиласди. Ҳожибой акага сўз бераёттанида ҳам роса чайналиб, охирида: «Биз бир-биirimizга ўхшаймиз, мўйловимиз бор, сочимиз ҳам тўкила бошлаган», деди. Шунда Ҳожибой Тожибоев микрофонни олиб:

— Бу кишиниг гапи тўғри. Ҳақиқатан ҳам бир-биirimizга жуда ўхшаймиз. Чунки отам шофёр бўлгандарда, — деди...»

* * *

«2001 йил, 20 июнь. У хаёл суриб, кутилмаганда шундай деди:

— Болалигимдаги бир воқеа ҳеч хотирамдан чиқмайди. Ўшанда қалин қор ёқсан эди. Ҳовлига чиқсан, ой ойдин, юлдузлар кўп эди. Қарасам, қорда битта из бор. Шу издан юрганман. Аммо бу изнинг поёни йўқ эди. Ундан ким ўтганини билмайман. Ўзим ҳам йўл очаман, из қолдирман, деб узоқ юрганман. Совукдан оёқларим музлаб кеттан...»

* * *

«2001 йил, 27 июнь. Бугун Faфур Fuлом номли борда матбуот ва оммавий-ахборот воситалари ходимларининг касб байрами бўлди. Журналистларни қутлагани келган Ҳожибой Тожибоевни кўриб, қизиқчи Foфур Mirзабеков шундай деди:

— Ҳамма келиши шарт эмас!

Шунда Ҳожибой ака:

— Ҳамма кулдириши шарт эмас! — деди...»

* * *

«2001 йил, 10 июль. Суҳбат жараёнида у шундай деб қолди:

— Қўшиқ тайёр таом. Уни бемалол даврада айтиш мумкин. Қизиқчи ўша даврада янги масаллиқ билан таом тайёрлайди. Баъзан бу таомнинг тузи кўп ёки

кам бўлиши мумкин. Қолгани маҳоратта боғлиқ. Ижро маҳоратига қараб томошабин сенга гул бериши ёки помидор отиши мумкин...»

* * *

«2001 йил, 1 октябрь. Бугун Ҳалқлар дўстлиги саройида Ҳожибой Тожибоевнинг Ўқитувчилар ва мураббийлар кунига бағишлиланган «Устоз отангдай улуг» деб номланган концерти бўлади. Жуда юксак савиядада ўтди. Саҳна у учун гўё денгиз, у эса ана шу денгизда балиқдай сузади. Томошабинни яйраб-яйраб кулдиради.

Яна бир жараён: Ҳожибой Тожибоев ҳар гал саҳнага чиққанида репертуаридаги ҳангомаларни бойитиб боради. Янги образлар қўшади, ҳаётий мазмунини янада чуқурлаштиради. Кулгини маънавиятта айлантиради...»

* * *

«2001 йил, 7 октябрь. Бугун набирам Нурбек тўрт ёшга тўлди. Шу баҳонада Ҳожибой ака билан бизницида сұхбатлаштирилди. Эсда қоладиган анча яхши гурунг бўлди. Шулардан айримлари:

— Кулги тутаган жойда жаҳолат бошланади...

— Баъзи давраларда шундай совуқ башаралар ўтирадики, қилт этмайди. Кулишга ҳаракат ҳам қилмайди. Башараси фиштдай. Одам уларни кўриб, ёрилиб кетай дейди...

— Бир участковойникунига тўйга бордим. Уйи қават-қават, бурама-бурама бўлиб кетган. Қандай қўрганини ўзи билади, Ҳудо билади? Тўйга келганларнинг кўзи ҳам, хаёли ҳам ҳашаматли иморатда. На қўшиқ эшилади, на кулишади!...»

* * *

«2002 йил, 14 январь. Сұхбатда Ҳожибой ака ота авлод, она авлодлари ҳақида гапириб, жумладан, шундай деди:

— Отамнинг отаси Тожибой бобом 86 ёнда вафот этган. Покиза ва ҳалол инсон бўлганлар. Ҳовузларни барглардан, хас-хашаклардан тозалаганлар. Бузилган кўприкларни тузатганлар. Доимо beminnat яхшилик

қилғанлар...

— Отамнинг онаси, яъни бувимнинг исмлари То-жибегим. У кишининг тоғасиниг ўғли машҳур ҳофиз Матъруфхўжа Баҳодиров бўлган.

Яна бир тоғасиниг ўғли Ҳожимурод исмли бўлиб, зўр най чалган. Эл орасида таниқли созанд сифатида довруқ қозонган. Менинг исмимни ўша кишига ўхшасин, деб Ҳожимурод қўйишган...»

* * *

«2002 йил, 11 февраль. Ҳожибой ака айттан мақол: «Бой келса болохонага, камбағал келса, отхонага».

* * *

«2002 йил, 4 март. Гурунг орасида айтилган фикрлар:

— Баъзан оғир қўшиқларни эшитсан, енгил бўламан. Енгил қўшиқларни эшитсан, жуда оғирлашиб кетаман. Нега шундай?...

— Машҳур санъаткор машҳур боксчига ўхшайди. Лекин у боксчи сингари 12 раунд ўйнаши шарт эмас. Аксинча, битта раундда қойилмақом қилиб уриши мумкин...»

* * *

«2002 йил, 1 апрель. Ўзбекистон Миллий университети Маданият саройида «Муштум» журнали ва «Афанди» газетаси ташаббуси билан Халқаро кулги кунига бағишлиланган «Афанди-шоу» бўлиб ўтди. Унда Ҳожибой Тожибоев ҳам қатнашди. Талабалар уни қўйиб юборгиси келмади. Олқиши устига олқиши, чапак устига чапак... Қайтаёттанимизда у киши шундай деди:

— Санъаткор зоти борки, нуқул машҳурлик чўққи-сига интилади. Лекин бу чўққида нималар борлигини билсайди, унга интилмаган бўларди. Афсуски, машҳурлик чўққисидан бир кунмас-бир кун тушишни ҳам ўйлаш керак...»

* * *

«2002 йил, 23 май. Бугун ўғлим Алишер Тошкент Давлат юридик институти магистратура бўлимида ил-

мий ишини ҳимоя қылди. Уни табриклагани Ҳожибай ака ҳам келди. Гурунг одатдагидек, яхши бўлди. Гап орасида у киши шундай деди:

— Санъаткорнинг дарёси тез оқади. Ишқилиб, бу дарё саёзлашиб, қуриб қолмаса бўлгани...»

* * *

«2002 йил, 13 июнь. Суҳбатда айтилган фикр: Шундай эски мақолни ўқиб қолдим: «Қашшоқ қўпайса — машшоқ қўпаяр...»

* * *

«2002 йил, 16 сентябрь. «Чинобод» санаторийсида Ҳожибай Тожибоев билан ижодий учрашув бўлди. Учрашувда айтган фикрлардан:

— Бирор бой, бирор камбағал бўлади. Бу азалдан бор нарса. Лекин камбағал бўлиш осон, чунки камбағал ҳамиша кўп-да!..

— Яқинда уйма-уй юриб куладирсак керак. Масалан, ҳовлиларда «Қатиқ бор, қаймоқ бор», дегандек, «Ким кулишни хоҳласа, қизиқчи бор, қизиқчи келди», деб ҳовлима-ҳовли юрамиз, худди сервис хизматига ўхшаб...»



Суҳбатлардан кувват оламан.

* * *

«2002 йил, 20 ноябрь. Сұхбат орасида у шундай деди:

— Репертуар яратиш қизиқ; баъзан ўзи қуиилиб келади, баъзан қийин бўлади. Масалан, «Ўзбекнинг ўзи қизиқ» туркум ҳангомалар 1988 йилда бошланиб, 1993 йилда тутаган бўлса-да, ҳамон давом этяпти. Ҳалқимиз бор экан, назаримда ушбу туркум ҳам нихоясига етмайди...»

* * *

«2002 йил, 30 декабрь. Бирга Навоий шаҳрига бордик. «Ўзбекистон» кинотеатрида Ҳожибой Тожибоевнинг концерти бўлди. Концерт ташкилотчилари афишага таниқди хонанда Азиза Ниёзметованинг ҳам номини ёзиб қўйишган экан. Лекин у келмади. Ҳожибой ака бир зал томошабинни уч соат кулдирди. Бу санъаткордан катта маҳорат талаб қилди... Концертдан сўнг Навоий вилояти ҳокими Баҳридин Рўзиев қабул қилди. Баҳридин ака тожик тилини яхши билгани учун Ҳожибой ака билан икки тилда латифагўйликни авж олдиришди...»

— Навоий тинч, осойишта ва озода шаҳар экан. Одамлари самимий... Мен Баҳридин акага ўхшаган одий, камтарин раҳбарни кам кўрганман... »

* * *

«2003 йил, 9 ноябрь. Шу кунларда Ҳожибой Тожибоев Ҳалқлар дўстлиги саройида бўладиган яккахон концертига қизғин тайёргарлик кўряпти. У отасини эслаб шундай деди:

— Раҳматли отамнинг ҳам, менинг ҳам йилимиз қўй. У киши биронни мақтамасди, мақтаса, ўзлари хижолат бўларди. Жуда оддий инсон эдилар. Отам кўз олдимга келса, қишлоғимни, унинг дараҳтларини, ариқларини кўргим келади...

— Биттаси «Нима ёрдам берай», деса, «Халақит бермасанг бўлди», дейдиган замон келди...»

* * *

«2003 йил, 1—2 декабрь. Икки кун Ҳалқлар дўстлиги саройида Ҳожибой Тожибоевнинг «Ҳар қадамда

ҳангома» деб номланган яккахон катта концерти бўлиб ўтди. Икки кун ҳам зал лиқ тўлди. Бу ўзбек қизиқчилик санъати тарихида қизиқчининг яккахон концерти илк марта ўтказилиши эди. Ҳ. Тожибоев бу имтиҳондан ҳам муваффақиятли ўтди. Икки ярим соат томошабинларни кулдиришнинг ўзи бўладими?

Репертуар янги. Ундан «Янгисидан айтиб беринг», «Ўқитувчининг саволи», «Тўй ҳангомаси», «Ўрама жарроқ», «Пақ-пақ» сингари ичакузди ҳангомалар ўрин олган. Бу ҳангомалар бир-бирини такрорламайди, аксинча, тўлдириб боради. Айрим ҳангомалар саҳнада туғилиб, саҳнада сайқал топади, томошабин кўз ўнгига яратилади.

Ҳожибой Тожибоев саҳнада кулги дунёсига гарк бўлади, худди ғоввосдек кулги дарёсига шўнғийди. Унинг кулгисида табиийлик, донолик ва кулиб бўлгандан сўнг томошабинни ўйга толдирадиган ҳикмат бор...»

* * *

«2003 йил, 20 декабрь. У сұхбат орасида куйиниб, шундай деди:

— Айтайлик, ошхонада бир одам заҳарланса, бу ҳолатнинг келиб чиқиш сабаблари аниқланиб, айбдорлар жазоланади. Лекин айрим санъаткорлар, хонандалар, қизиқчилар йўл қўяётган жиddий хатолар, яъни уларнинг миллионлаб тингловчиларни маънавий жиҳатдан заҳарлаёттанига мутлақо бепарвомиз. Бунинг оқибати нималарга олиб келишини ўйлаб ҳам кўрмаймиз. Энг ёмони — бу иллатлар миллат маънавиятига жиddий путур етказади...»

* * *

«2003 йил, 24 декабрь. Бугунги сұхбатимиз зиёли ҳақида бўлди. Бозор иқтисодиёти зиёлини қандай кўйларга солаёттани ҳақида Ҳожибой Тожибоев бироз ачиниш билан гапирди:

— Қишлоқ ўқитувчиларининг аҳволини кўриб, одам эзилиб кетади... Етакчи театрларимизнинг айрим актёрлари ҳам ўзларини тўйларга уриб, масхарабозлик қилиб юрибди. Тирикчилик билан бирга, санъатнинг келажагини ҳам ўлашимиз керак. Аслида, бозор қийинчиликларидан чўчимаслик керак. Бу вақтинчалик

жараён. Ҳадемай, ўтиб кетади. Зиёли ҳар қандай шароитда ҳам зиёли бўлиб қолишини истардим...»

* * *

«2004 йил, 11—12 декабрь. Шу кунлари Ҳалқлар дўстлиги саройида Ҳожибой Тожибоевнинг «Кулгининг 97 хили» деб номланган янги репертуаридаги яккахон концерти бўлиб ўтди. Бу гал ҳам ҳашаматли саройнинг залида бўш ўрин қолмади. Тик оёқда турган томошабинлар ҳам анчагина эди. Билет етмай кироммаганлар армонда кетди...

Бундай концертларни анъянага айлантириб бораётган қизиқчи янги репертуари билан яна бир бор томошабинларнинг жиддий имтиҳонидан олқишилар билан ўтди. Концертда иштирок эттан Ўзбекистон ҳалқ артисти Муножот Йўлчиева шундай деди:

— Ҳожибой аканинг санъати умрбокий. У ҳалқнинг ўзидан олиб, ўзига қайтаради. Ҳалқ кулгисини яратиш ҳар қандай қизиқчига ҳам насиб этмайди.

Таниқди ҳукуқшунос Мирзоулутбек Абдусаломов зътирофи:

— Мен ҳам Ҳожибой Тожибоев санъатини кўп йиллардан бўён кузатиб келаман. У репертуардан репертуарга ўсиб бораётган ва ўз кулгиси билан ҳамиша томошабинларни ҳайратта солиб келаётган санъаткорлар тоифасига киради. Уни эшитиб, фақат юракдан мириқиб кулиш мумкин. У ўзининг кулдириш санъати билан дунёнинг ҳар қандай кулги усталари билан бемалол беллаша олишига ишонаман...»

ўзидан ҳам сўзи қизиқ

(Репертуардан намуналар)

Эр хотин можароси

«Эр хотиннинг уриши, дока рўмолнинг қуриши»— дейди ҳалқимиз. Энди урушмасликни ҳам йўли бор. Масалан: эр баланд келганда хотин сал пастроқ тушса ҳам бўлаверади. Беш минутда ўтиб кетади. Ёки хотин баланд келганда эр сал пастроқ тушиши керак.

Агар иккаласи тенгма-тенг келиб, күтарилса тамом — оила кемаси ғарқ бўлади. Бундай хонадонда ҳеч қачон тинчлик бўлмайди, ҳамиша жанжал. Баъзи бир эрлар — ёлғондан жанжал бошлайди. Баъзи хотинлар бор эрининг «настроениясини» атайлаб бузади, эридан ўзини баландроқ қўймоқчи бўлади. Мана масалан, эр ишдан келди дейлик, аёлнинг ҳам бақиришга ҳаққи бор. «Яна қуруқ келдингизми! Ман сизга гўшт деган эдим! Совун қани?! Кartoшка-пиёз қани?! Болала-рингизга эртага фалон нарса керак, пистон нарса керак... юраверасизми шумшайиб?» Эр ҳам бақириб: «Ҳа, юравераман!.. Бола, гўшт, шум... дейсан!» деса, хотини келиб йифламсираб бақиради: «Бада, бадабамбов...» Эр яна баланд келиб: «Вов-вов... Вов-вов, во-о-ов!» деса тўгри келмайди-да. Ана ўша пайтда ёлғондан бўлса ҳам, эр сал пастроқ келиб: «Вой, хотин, нима деяпсан, совун ҳам бор, гўшт ҳам олиб кўйганман», деса. Ёки масалан, янги йил арафасида, «арча ҳам олдим, қорбобоси ҳам бор, роса тиригидан, шунақасини топдим. Обкламан деб эсимдан чиқиб ишхонада қолиб кетибди. Сан ўтира тур, ҳозир бориб олиб келаман». Хотин: «Ие дадаси қўйинг, яна келмай қолманг, ўтинг бу ёққа, эртага олиб келарсиз», деса тা�мом, шу билан жанжал тўхтайди, олам гулистон. Ёки эр ишдан чарчаб келди, кайфияти чатоқ. Хотин: «Хорманг дадаси, чарчамай келдингизми?» дейиш ўрнига «Келинг» ҳам деб қўймайди. Эрнинг кайфияти бузук, хумордан чиқиши керак. Баҳона топиб, энди эр бошлайди...

ЭР — Нимага анави нарса жойида ётибди?! Арча нега бу ерда турибти?! Янги йил ўтди, йигишириб қўйсанг бўлмайдими?

ХОТИН — Ҳа намунча, нимага улгурай?..

ЭР — Ади-бади, бади-сади...

Албатта, хотин эрдан баланд келаман, деб бошлайди. Шунинг ўрнига озгина пастроқ тушса бўлади-ку!

ХОТИН — Вой дадажониси, шу қуриб кетгурни олиб қўяман деб кетаётувдим, сиз келиб қолдингиз. Шуни ҳозир олиб қўяман дадаси, кайфиятингиз йўқми? Нуқул сизни хафа қилишади, ҳа жувормаг бўлгурлар. Ўтиринг, парво қилманг, ҳозир чой дамлаб келаман.

Чой дамлаб келса, эрининг оғзи қулогида.

ЭР — Хотин бу ёқقا кел, чойни қўя тур, ўзинг кераксан! Яқинроқ ўтириш! Яхши гапириб кайфиятимни кўтариб юбординг...

Шу билан ширин сұхбатта ўтиб кетилади...

Эр-хотин жанжалига сабаб бўлган яна бир баҳонани қаранг. Эр-хотин кечаси ётган экан. Уйқуси келмайдиган хотин гап бошлабди.

ХОТИН — Дадаси, хў дадаси!

ЭР — (жим).

ХОТИН — Дадаси!

ЭР — (жаҳл билан) Ҳа!

ХОТИН — Манга қараб ётинг!

ЭР — Ўзим биламан қаёқقا қараб ётишни. Сандан сўрамайман.

ХОТИН — Ҳа, энди менга қараб ётаверинг...

ЭР — Кеча санга қараб ётгандим, бутун бу ёқقا қараб ётаман, гапинг борми?!

ХОТИН — Йўқ! Лекин битта саволим бор сизга.

ЭР — Қанақа саволинг бор, сўрайвер.

ХОТИН — Дадаси, анаву тириллаб турган ходильнигимизнинг музи совуқмикан ёки Антарктида-нинг музи совуқмикан?

ЭР — Иккаласидан ҳам сени гапинг совуқ, — деган экан. Бу гапдан кейин опамиз кулворибди, деб ўйламанг. Шартта тескари ўтирилибди. Эрга баҳона топилиб, бу ёқса ўтирилибди. Иккаласи араз. Гаплашмайди. Мабодо бир-бирини кўрса тумтайиб ўтиб кетадиган бўлишибди.

Мабодо зарур гаплари бўлса через боласи орқали гаплашишади. Хотинига эшилтириб боласига гапиради.

«Бор онанга айтгин, чой қўйисин! Рўпарада пўмпайиб ўтиравермасдан», — деса, хотини «Бор отангга айт, керак бўлса ўзи қўйиб ичсин. Кўп маҳмадона бўлавермасин».

ЭР — Бор онангта айттин, отам охирги марта айттаётсиб экан, кейин ишинг чатоқ бўлар экан, дегин.

ХОТИН — Бор отангта айттин, онам қўрқмас экан дегин. Бор!

ЭР — Бор онангта айттин! Отам ўрнидан туряпти экан дегин!

ХОТИН — Бор отанга айт, онам уже ўрнидан туриб бўпти дегин. Бор!

ЭР — Бор онанга айтгин, ҳозироқ... Э, бе, ве.

Тамом. Ўртада бўзчининг мокисидай бориб-келаётган болага раҳминг келади... Агар уйда бола бўлмасачи, гаплашишга мажбур-у, лекин гаплашмайди. Хат билан гаплашади бир уйда туриб. Олди тўла қоғоз, қўлида қалам. Ётишдан олдин зри ёзиб қўйибди: «Хотин, эрталаб мени соат бешда уйғот! Беш яримда мол бозорда бўлишим керак», — деб. Эрталаб вақтли уйғонса соат ўн бир экан.

«Ие... уйғотмабти-ю, мол бозоридан кеч қолдим» — деб эр туриб апил-тапил кийинаётса қороздаги ёзувга кўзи тушиб қолибди. Олиб ўқиса: «Дадаси, туринг соат беш бўлди», — деб ёзилган эмиш.

Ҳеч бир хонадонда жанжал бўлмасин. «Жанжал чиққан уйдан барака кўтарилади», дейди ҳалқимиз. Ҳамиша оиласаримиз тинч-тотув бўлиб, қўша қаришин.

Севишганлар

Шаҳарлик йигит-қизларга қишлоқлик йигит-қизлар ҳавас қилиб келадилар. Чунки шаҳарда ҳақиқатданам шароит катта, айниқса севишганларга. Шаҳарлик йигит-қизлар бир-бирини олдига дангал келишиб, дангал сўрашишади. «Қалайсиз, яхшимисиз?»

ЙИГИТ: Шу бутун концерт бор экан, шунга иккита билет олувдим, иложи бўлса иккаламиз борсак.

ҚИЗ: Бўпти, борсак бораверамиз, — дейди. Тамом...

Шаҳарда шароит кенг, айниқса севишганларга имконият кенг яратилган. Хоҳласа паркка киради, хоҳласа театрга, хоҳласа циркка боришади, хоҳласа шаҳар айланишади, хоҳласа кино кўришади... Қишлоқда-чи? Жой йўқ севишганларга, ҳа, жой йўқ, фўзапояларнинг орқасида юрадими-ей, бузилган тракторларнинг тагида ўтирадими-ей, тутларни шохига чиқволадими-ей, бирор кўрмасин деб. Ҳақиқатданам қишлоқлик йигит-қизларимиз кўрқади бирор билан гаплашишга. Масалан, шаҳарда эса бемалол гаплашаверади. «Ҳа кўринмайсиз, қалайсиз, кеча келувдим йўқ

экансиз, мана бутун битта билет олуудим концертта борамизми?» деб тураверади бемалол. Қишлоқда бир-бирини пойлаб туратын, ҳеч ким йүқ бўлса патир-путур келади-да, «қалай, яхшимисан, ҳеч ким йўқми, эртага битта концерт бор... Қани, ана келди қоч... Шу билан йигит уч кун ўйлайди «Нима дедим ўзи?», «У нима деди?» Бирор кўриб қолишидан қўрқади. Гўё қишлоқда бирорни яхши кўриб бўлмайди, мумкин эмас! Шаҳарни қаранг, дам олиш боғларида 50—60 таси ўтиради. Бир-бирининг кўлидан ушла-аб. Бирортаси эътибор бермайди. Ҳа, иккита ёш ўтиришибди-да, энди... аҳду-паймон қиляпди-да, деб ўтиб кетаверадилар. Қишлоқда орқасидан пойлаб юришади. «Ҳой, мана бу ёқда ўтиб кетди иккитаси. Кетдик борамиз. Орқасига ўт, мана-мана ушла, тўхта... оддини қайтар... тўхта! Нима, беданами қувасан уни. Ҳа қўй, гапираверсин гапини. Эртага Армияга кетаркан. Бизда бир қувса элликтаси қувиб кетади-ей. Маккапояни ичига кирса маккапояни ичига киради, қаёққа борса кетидан боради. Бу севгини қаранг: йигит қизни ташлаб баққа қараб қочади, қиз йигитни ташлаб у ёққа қараб қочади. Иккаласини икки ёққа жўнатвориб қайтиб келишади. Эй хайрият, хайрият йўқотиб қўйдик-а... Қаранг, йўқотгани яхши эмиш. Уйга келади: «Бугун иккитасини роса қувдик-да, полончининг ўғли бўлса керак, роса қувдик. Етганда агар уриб ўлдирардим». Нимага ўлдиран уни? Ахир улар бир-бирини яхши кўради-ку. Қаранг, тушуниб бўлмайдиган ёмон ишларимиз бор-да. Яна бир гап: қизларимиз йигитларнинг ҳаммасини бир гўр, ҳаммаси шилқим деб ўйлади. Йигитларга қизлар ишонмай қўйди. Яхши кўнгилда, яхши кўриб қолиб гап ташламоқчи бўлсанг: «Бор-бор, башаранг қурсин-з, ўлиб кет-е, бор-е». Соат сўраб кўринг, илгарилари соат сўрасангиз қизларимиз даров жавоб беришарди. Ҳозир соат сўрасангиз шилқим деб ўйлади. «Эй башаранг қурсин, ўзинг соат олиб юрсанг ўласанми?» Хў, ростданам соатим йўқ, мана, менга керак, айтинг десангиз; айтмийман, бор ишингни қил, дейди. Ҳамманг бир гўрсан, ёлрондан гапирайсан, дейди. Ҳақиқатан йигитлар орасида ҳам шилқимлари бор. Шу кўринган қиз билан гаплашаверади, гап отаверади. Гаплашавериб безор қилиб юборади.

Бир шилқим касалхона олдида турган экан. Бир ҳамшира қыз оқ ҳалатда, оқ қалпоқда чиройли бўлиб, «тик-тик», «тик-тик» қилиб ўтиб кетяпса, ҳалиги шилқим кўриб қолиб: «Вой дод, жонингта-жоним туташ, кошки эди касал бўлиб қолсам-у, сани палатанга тушиб қолсам, ўзинг даволаб қўйсанг», деса, қыз бола: «Буни ҳечам иложи йўқда ақажон» — дебди. Йигит ҳайрон бўлиб: «Ха, нимага иложи йўқ бўларкан», — деса, қыз: «Чунки, ман раддомда ишлайман-да», дермиш.

Пешонанинг шўри

Бир акамиз хотини обкеган ошни чиройли қилиб «преслаб», совундай-совундай қилиб олармиш-у пешонасига ишқалаб, кейин еярмиш. Хотин ҳайрон. Акамиз яна гўваладай-тгуваладай олармиш-у яна пешонасига суртиб еярмиш. Хотин ҳайрон бўлиб сўрабди:

— Дадаси, нима бало бўлди, кеча кўп ичворибсизми дейман-а, бу болаларингизни олдида уялмайсизми, ошни пешанангизга суртиб еяпсиз, тўғри есангиз бўлмайдими?

— Сезмадингми ҳеч нарсани? — дебди эри. Хотин яна ҳайрон бўлиб: — Йўқ сезмадим, — деса, эри:

— Ошнинг тузини паст қилибсан, ана шунинг учун мен пешонамга суртиб, тузини нормаллаштириб еяпман, — дебди.

Шунда хотини:

— Вой ўлай дадаси, нима бало, пешонангиз шўрми дейман-а, — деса..

— Пешонам шўр бўлмаса сенга уйланармишим хотин? дермиш.

Бу гапдан кейин сиз ўйларсиз, опамиз аразлаган, деб. Чунки бизда кўплаб араз қилиб юрадиган аёллар ва эркаклар учрайди. Эр баланд келганда хотин сал пастроқ келиши керак. Бир шоир акамиз хотини билан аразлашиб уришиб қолган экан, дарҳол битта шеър ёзибди-ю, уни ярашиш учун хотинига ўқиб берибди. Мана ўша шеър:

*Передний мост сенсан хотин, задний мостдир камина,
Ўғул-қизлар рамамиздир, уй-жойимиз кабина.*

*Мен сен учун диска бўлсам, сен мен учун балонсан,
Пулим куйган права-ю технапорт ҳам талонсан.*

*Карданый вал бўлсам агар, сенсан подвеснойимсан,
Ҳар кун борар маршрутим, ҳар кун келар жойимсан.*



«Эр-хотин ярашайлик, кел ёнимга, келақол...»

Хотин эмас менга жоним, бир умрлик бағажсан,
Күндүз юрган йўлум бўлсанг, кечасига гаражсан.

Сен каробка передачи, мен бечора ричагман.
Тез ё секин юришингта, мен албатта керакман.
Аккумулятор менинг ҳалбим, сенсан эски свеча,
Бор кучимни сарфлаяпман, сендан искра чиққунча.

Ўн ўйл олдин бизнинг уйга, подсолидол келгандинг,
Зарс деган жойда менга, оформления бўлгандинг.
Алкаткадан яхши чиқдинг, сендан жуда кўнглим тўй,
Сал эскироқ бўлсанг ҳамки, янгисини олгим йўқ.

Рўзгор деган базамизга, сенсан ўзинг диспечер,
Кеча бироз хафа қилдим хотинжон энди кечир.
Эр-хотин ярашайлик, кел ёнимга келақол,
Радиатордай қайнамай, сўзларимга қулоқ сол.

Бу рўзгорни бошқаришини, рўли сени қўлингда,
Қоидани бузар бўлсанг, мен ДАНман йўлингда.
Нарушения қилар бўлсанг, йўлларингни тўсаман,
Правангни тортиб олиб, талонингни тешаман.

Гоҳида мен тезлашганда, сен ўзинга тормоз бер,
«Тико»ман деб обгон қилса, сен хотинсан, менман эр.
Айтганимдан чиқсанг сени, объезд қилиб ўтаман,
Кўзларингни мошдек очиб, Левий йўлга кетаман.

Шунинг учун атрофимда, вентилятор бўлиб тур,
Бузилмайин тез-тез мени, тежасмотр ҳилиб тур.
Эру-хотин ҳар дошмо, бир блокда бўлайлик
Гилза, поршин, колцо бўлиб, тинч ва тотув яшайлик.

Шеърдан сўнг иккаласиям ярашиб кетибди азамат-лар!

Кофе

Халқимиз ҳақиқатданам чойхўрда, чой ичамиз дейди, лекин нон еймиз демайди. Оч қорингаям чой ичаверади... Кофени кўрмаганлар бор, уни қанақа қилиб ичишни билмайдиганлар бор. Қишилоққа кофе обкелиб, ичинг мана шуни десанг, обкет, бўлмайди, ўзимизни кўк чойни дамлаб кел дейди. Ростдан кофени қанақа қилиб ичишни билмайдиганлар ҳам бор.

Бир эсли одам Тошкентда меҳмонхонадан жой олиб, хонани кўздан кечириб қараса столни устида бир чиройли банкача турганмиш.

И, бу қандай банка бўлди экан... ўзларича қўлига олиб, ўқиши яхши билмайдилар, унинг устига русча ёзилган, русчасиниям яхши тушунмайдилар. Эрмакка, вақт кўп-да, бошлаб қоптилар... ха... ха... э...ко-фе, фе... Нима бало, Фарғонаданми дейман и фе-к...о, қаниқани... Майда ёзувга ўтиби... иккита қошиқда кофедан соласиз, — деган жойини тушуниб қоптилар.

Қаёққа соламиз экан-а, хи-хе... қараса қошиқчаям турибти. Таваккалидан олиб оғзига ташлабди — манаву бир, манову икки, хи... Вой падарингга лаънат жуда тахир нарса экану... ўқищда давом этиб... ана халос... хихи... ана хи, энди тўрт дона оққандданам соласиз, — деган жойи бор экан. Ҳэ, қаёққа соламиз экан-а. Бир пачка оқ қанд турган экан, таваккалидан нима бўлса бўлар деб оғзига ташлабди. Бир, манаву икки, манову уч, мановуси тўрт, ха манна бор-е беш, йўр бўлди-э... Яна ўқищда давом этиби, хи-хи... ана хи-хи,вой падарингга ланатей-и... энди бир стакан қайнаган сувданам соласиз... билардим шунақа бўлишини. Қарасалар чойнакда сув қайнаяпти, дарҳол стаканни тўлғазиб қўйиб ичиб юборибдилар, бо-бо... бо... хи, охирги сўзини ўқиб қарасалар, энди аралаштирасиз деб ёзиб қўйган экан. Мана шунақа қилиб аралаштириб қоптилар-у (понтомима)

Самоварда ўтиридик

Халқимизда тўғри гап йўқ экан, дўстлар. Шу боис халқимиз кулгуни яхши кўради. Яхши келдингизми, десаям куламиз, кетяпсизми, десаям кулаверамиз. Юраверасизми, десаям, ўтирибсизми десаям кулгилик. Бирорвни бирор сўқади, сўкишни эшиттан хафа, бошқа — эшитганлар кулади. «Ҳа... сўқди», — дейди, «Боплади», — дейди. Бирор йиқилиб тушади, белини кўтаролмаяпти, ўшандаям куламиз. «Ҳа... йиқилди, мана шунақасига тушди», биз шунақа кулгисевар халқмиз. Бизда тўғри гап йўқ. Масалан, кўп эшитиб қоламиз шу гапни: «Ҳў ука, телевизорни қўйиб қўй», — дейди.

Нима, у күтариб турибдими, қўйиб қўяди. Ёки телевизорни ўчириб қўй дейди. Нима, у ёниб кетяптими, ўчириб қўяди. Бир пақир сув сепса-я, б-у-в ана ўчди десак... Қаранг, манга тунов куни биттаси нима дейди: «Хожи ака, сиз бизни телевизорда чиққансиз-а», — дейди. Мен унга: «Йўқ, чиққаним йўқ», — десам. «Алдамант, янги йил куни бизнинг телевизорда чиқдингиз-ку, дейди. Биринчидан, ман саникига борганим йўқ», дедим. «Иккинчидан, телевизорингта чиқсан, телевизоринг мани кўтараолмайди», дедим. Телевизорнинг устига чиқволсам-а... Шунаقا гапларимиз ҳам бор.

Гапимиз нозик ўртоқлар. Баъзан эшитиб қоламиш: «Гапимга ҳечам кирмадинг-кирмадинг-да», дейди. Қанақа қилиб сани гапингта кираман, нима, сани гапингтешикми, кириб кетаверадиган. «Оғзингта қараб гапир», дейди. Қанақа қилиб оғзимга қараб гапираман, оғизга қараб бўладими? Кўзингта қараб юр, дейди. Қанақа қилиб кўзимга қараб юраман. Демак, чўнтағимизда ойнча олиб юришимиз керак экан-да. Юрған жойда кўзимга қараб кетавераман... «Нима қиляпсан?» деса, кўзимга қараб юрибман... Гапирган пайтда ҳиҳи, ҳа-ҳа «жинни бўлғанмисан», деса оғзимга қараб гапирайман, сизам оғзингизга қараб гапиринг... Шунаقا, бизда тўғри гапнинг ўзи йўқ экан-да. Олдида турган одам: «Ҳа, кўринмайсиз, дейди, кўринмай кетдингиз? дейди. Бутун бошли одам олдида турибди. «Кўринмайсиз», — дейди. Келган одамга «келинг», — дейди. Ҳа, яна кесинми, олдинга 500 м йўл юриб келди. Яна «келинг», деймиз. Бир-бирига ёпишиб башара-башарага тегиб турибди. Шундаям «келинг», — дейди.

Гапимиз қизикда ўртоқлар. Яна баъзан эшитиб қоламиш: Андижонга борсангиз «Хожи ака уйингиз қаерда демоқчи бўлиб «эшик қатта», дейди. Эшик девонни орасида, мана турибди эшик. «Ҳовли қатта», дейди. Ҳовли уйнинг олдида. Қаранг, ҳар битта гапга кулса бўлади. Масалан, «Фалончи машина ютибди», дейди. Қанақа қилиб ютади экан? Тасаввур қилинг-а, машинани ютвorsa-я... Машинани ютиб бўладими?.. Бир култим сувни зўрга ютамиз-у. Яна «Бу машинани

қўлдан олдингизми?» дейди. Нима, оёқдан олсинми бўлмаса. Яна баъзан эшитиб қоламиз: «Ман, — дейди — Тошкантдаги пединститутни битирганман», — дейди. Нима, сан бормасанг битмай қолармиди? Сан бориб битказиб келдингми?». «Ман, — дейди Фарғонани тугаттанман». Ҳа, Фарғонани тутатган бўлсанг, турибди-ю, жойида. Фарғонани тутатиб бўладими, ўзинг тугаб қолишинг мумкин. Яна баъзан эшитиб қоламиз «Сизни тагингиз қатлик», дейди. Мани тагим билан нима ишинг бор сени. Қаранг, «Ҳожи ака сиз асли қатлик» — демайди, «тагингиз қатлик», — дейди. «Мани тагим қўқонлик», дейди. Тагинг қўқонлик бўлса — устинг қаерлик?. Жуда қизиқ гаплар кўпда. Фарғонага борсангиз албатта шу гап бор. «Ҳе, ўн киши бўлиб самоворда маза қилиб ўтирилди-да», дейди. Самоворда ўтириб бўладими, куйдириб қўясиз-ку, ёпишиб қоласиз-ку. Ўтириш мумкин ўртоқлар, агар қасам ичворган бўлса, ният қилган бўлса ўтириш мумкин. Шундаям бир киши патнис қўйиб ўтиrsa бўлади. Яна баъзан эшитиб қоламиз, бу гапни кўпроқ аёллар айтади: «Эшигингларми, полончининг эри юармиш». Юради-да! Уни оёғи йўқми, ўтиринми бир жойда ё хотини кўтариб юрсинми? «Дадаси кетдик, маҳкам ушланг. Ўртоқлар, «Фолончини эри юармиш», дейди. Ҳа юради-да, югурадиганлари ҳам бор-у...». Гапимиз қизиқ-да. Мехмон қайтища «Энди бизга узр, биз қайтамиз», — деса уйни эгаси албатта «Овқатта ўтирмай-сизларми», — дейди. Мехмонлар: «Раҳмат, борайлик» деса уй эгаси: «Шўрвага ўтирмадинглар-да», — дейди. Шўрвага ўтириб бўладими? Бир қозон шўрвага меҳмонлар келиб ўтирволса-я... Бу ёғи ха-ха, хи-хи-хи... бўлади.

Дўлли

Кулишга тайёргарлик кўринглар, сеансимизни бошлиймиз. Баъзи бир дўстларимиз бор кулганда ёнидаги ўртоғининг тиззасига уриб кулади, ўзиникига урмайди, оғрийди-да. Шунаقا дўстлардан бўлса қўлмарингни чўнтакларинга солиб ўтиринглар. Баъзи дўстларимиз бор қотиб кулади... баъзи бирлари ётиб кулади.

Дўстлар, сеансимизни бошлаймиз... Ҳойнаҳой эсларингта Кашпировский тушиб қолган бўлса керак. Бизники кулгитепария, униси психотерапия. Иккаласини ям мақсади битта, инсон саломатлигини яхшилаш, кайфиятинини кўтариш. Кайфият зўр бўлгандан кейин ҳар қандай иш бўлаверади. Ишингиз ҳам ўз-ўзидан ривожланиб кетаверади, бирорни асло хафа қилмайсиз. Ҳамиша кулиб юрасиз, шулингиз йўқ бўлсаем, қорнингиз оч бўлсаем тўқдай юраверасиз. Мендан жуда кўп сўрашади. «Ҳожи ака, Сиз ўзбекми-тожикми?» деб. Ман айтаман, тожик десанг тожикман, ўзбек десаларинг ўзбекман. Бир ҳалқмиз. Ўзбек билан тожик бир тида сўзлашувчи икки ҳалқ. Масалан, дўппини олинг. Ўзбекни ҳам, тожикни ҳам дўплисидан танишади.

Дўппини кийиб Францияга боринг. Парижда аланглаб юрибсиз... «ана тожик», — дейди. Дўппини кийиб Японияга боринг, Тоикода юрибсиз... «ана ўзбек», — дейди. Дўппини кийиб Антарктидага боринг. У ерда инсон яшамайди. Шу ерда юрган оқ, айқ, бор-у шуям танийди. Ҳа-ҳа... «ўзбек нима қилиб юрибсан, носинг борми?»... Қаранг, шу ердаям танийди-я. Дўппини кийиб Москвага боринг «узбек-узбеки», — деб кўрсатади. Киевга боринг «узбеки» деб кўрсатади. Полъшага боринг «узбеки», Владивостокка боринг «узбеки», Чукоткага боринг «узбеки», — деб кўрсатади. Дўппини кийиб Тошкентта боринг, нима дейди: «Ана қишлоқи», — дейди. Бугун Дунё бизни ҳавас қилиб «ўзбек» деб кўрсатса, ўзимизнинг ўзбек «қишлоқи» — дейди.

Баъзилар дўппини кўриб хавотирланади: «Э, тинчликми, дўппи кийвобсан, қачон, э, эшитмай қопмиз».

— Нимани эшитмай қопсан?

— А, бу дўппи кийвобсан?

— А, нима қипти?

— Э, одамни хавотир қилиб қўйдинг. Дўппингни олиб қўй!..

Биз дўппини собиқ шўронинг съездлар саройида ҳам ечмадик. Ҳамма бош яланг ўтирибди, ўзбек билан тожик дўппида ўтиридик. Бунинг биринчи сабаби, дўппимиз чиройлик, иккинчидан енгил, учинчидан юмолоқ, ер шарига ўхшайди. Тепасида тўртта қитъя жойлаш-

ган. Демак, бошимизда түртта қитъани күтариб турамиз экан-да. Совук қитъани кирилмаганмиз. Балки шунинг учун қизиқондирмиз. Дўппимизни очиб чукур томонини тепага қиласиган бўлсак, Ўрта Осиёнинг юраги бўлган Орол ғенгизи пайдо бўлади. Шўри чиқиб кетган Орол. Бунақанги маънодор бош кийим кимда бор?!

Яна эътибор беринг, бизда оқ яктақ кийишади. Оқ яктақ кийган чолларни кўрсан ҳавасим келади. Худди каратэчиларга ўхшайди. Буни кийиш керак, буни мода қилиш керак! Биринчидан, уни кийишнинг сабаби Ўрта Осиё иссиқ. Шунинг учун оқ кийилади. Иккинчидан, енгил, иккаласи юз грамм чиқади. Учинчидан, арzon. Тўртинчи томони — дазмолланмайди. Ё бирон марта кўрганмисизлар стрелкаси бор оқ иштонни. Бешинчи томони, тўғриси манга энг ёқдан томони — ёттандада ҳам ечилмайди. Айниқса, дехқонларга яхши. Яна бир қулайлиги ёз пайти кенгроқ, қиши пайтида торроқ тикилади. Ёзда кенгроқ бўлгани яхши-да, юрган пайтида ўзини ўзи совутиб юраверади одам. Ўнг ёғидан кираётган шамол чап томонидан чиқиб кетаверади... Хуллас, миллий кийимларимиз ўзбекларни ҳам, тоҷикларни ҳам безаб юрсин. Дунё бизларга ҳавас қилсин. Биродарлигимиз, дўстлигимиз абадий бўлсин.

«Кейинги бекат — «Чилонзор»

Аёллар ичган эркакларни ёмон кўради. Ҳамма аёллар ёмон кўради. Лекин аёллар, ўйлаб кўринглар, эркакларнинг ҳаммасиям ичмайди. Умуман ичмайдиганлари ҳам бор, лекин баъзан иложи бўлмайди. Ҳозир бир ишни битириш учун эрингиз ўша одам билан юз грамм ароқ ичмаса битмайди. Ичишга мажбур, «ака, энди келувдингиз, а бўпти. Ака, озгина обед қилиб олайлик». Кўчага олиб чиқиб эллик грамм қуйиб бергандан кейин: «Ҳа, келинг-келинг, иш борми?» деб сўрайди.

Ишни айттанингиздан сўнг яна:

— Бўлди, гап йўқ. Кўйинг элликта, — дейди.

Ахир эрингиз болам-чақам деб, хотиним деб ичялти. Ичиш мумкин эмас, жигари оғрийди, лекин ичади. Чунки оиласини ўйлаб ичяпти-да. Эри ўша куни яна

ишиб келибди. Сизлар билмайсизлар, қайси ҳолатда ичганини. Шундай одамлар борки, ичишга мажбур қиласы. «Ака, рулдаман, қўйинг энди. Машин бор, бир кишини обкетяпман. Ич, ол қўлинга, бу ёги Кўқон, бу ёғи Самарқанд, ўзим жавоб бераман. Ич, правангни



«Кейинги бекат — «Чилонзор».

олдириб қўйсанг ўзим олиб бераман. Ичиб бўлгандан кейин бу ёгини ўзинг биласан...»

Ўзи йўқ бўлиб қолади. Хайрлашмасдан ҳам кетиб қолади...

«Ака, қўйинг энди, юрак дўхтиридан справкам бор». «Қани бу ёқقا олчи, ўша справкани». Справкани воронка қилиб қўйиб беради. «Ич, ич, ўлсанг ўзим кўмаман», — дейди. Баҳонаси жуда кўп: «Ширин қилиб беринг, оғзингизга олиб беринг, қўлингизга олиб қуянинг. Битта ҳўплаб беринг, уриштириб қўяйлик».

Яна нима эмиш, «оқ қилиб беринг, кўк қилиб беринг». Ҳеч ичавермасангиз «танишиб олайлик», яна ичвермасангиз «шу ўтирган меҳмонларнинг ҳурмати йўқми», ҳеч ичавермасангиз «кетишингни ўйлаб қўй», яна ичавермасангиз «ичингта қўйвораман, мани ким деб ўйлаяпсан, эркакмисан..?»

«Обкл-ей, номард-ей, ичаман-ей, яна битта қуй-
ей. Номард-ей, ман санга тўлатиб қуяман-ей. Бугил-
кани бу ёқقا ол-ей, ичаман-ей. Гап таъсир қилиб
ичворади. Бу сизни ичкизганига хурсанд. «Ичкиздим-
а. Ўзинг зўрға турувдинг». Ичгандан кейин одам маст
бўлади. Ким бўлишидан қатъи назар маст бўлиши
шарт, чунки ичгансиз. Бировлар ичса қизариб кета-
ди, бировлар бор кўкариб кетади, бировлар бор кай-
фияти кўтарилиб кетади, 50 грамм ичгандан кейин
ўзига келади. Ия, ресторанда ўтирибмизми, ким би-
лан келдик? Элликта-элликта ичайлик... Энди очида-
ди, эрталабгача ичсаем маст бўлмайди. Шунақа одам-
лар борда. Баъзи бирлари бор ўртага чиқиб ўйнаб
кетади, музика тамом бўлгунича ўйнайди. Яна баъзи
бирлари бор кутимаганда йиғлаб қолади: «Ўртоқлар,
мани ҳеч кимим йўқ, етимман. Бир камбағал одам-
ман...»

«Э, қанақа одамсан. Ота-онанг бор, ака-уканг бор,
ҳеч бўлмаса бола-чақанг бор, уялмайсанми? Қанақа
етимсан?..»

«Барибир етимман. Сиз мани акаммисиз, айтинг
акаммисиз», — дейди.

«Ҳа» десангиз йиғлайди, йўқ десангиз ҳам йиғлайди.
Баъзи бирлари бор, ичгандан кейин ўладиган бўлиб
қолади. Эллик грамм ичиб олиб: «Битта ўпай, битта

ўпай меҳмон, қани-қани битта ўпипайлик...» Закускасига ўпишади. Ўптирмай кўринг, тортиб, мажбуrlаб ўпади. Қочсанг, кетингдан қувади, тўхтасанг канага ўхшаб ёпишиб олади. Ўптирмай кўринг. «Ака, битта ўпай, илтимос. Иложи борми, битта ўпай...»

Шу мастдан қутилиш учун битта ўптиришга рози бўласиз:

Кел-эй, ўп-ей!

У энди сизга ёпишиб ташқарига олиб чиқади. Ташқарига олиб чиқиб битта дарахтами, деворгами тираб туриб, зичлаб ўпади. Новчароқ бўлсангиз йиқитволиб ўпади. Ана шунаقا мастрлар бор. Эртасига шунаقا қилдинг десангиз: «Йўқ, унаقا одатим йўқ, нужели ман...»

Баъзилари бундай маст бўлади, баъзилари ундей маст бўлади. Биттаси уйга маст бўлиб келибди. Келиб дарвозани тақиллатиби. Бақириби, лекин ҳеч ким очмабди. «Мани келишимни билмай, дарвозани қулфлаб қўйибди», — деб ўйлаб девордан ошиб тушиб, дарвозани очиб, яна қайтиб девордан кўча томонга тушиб, бу ёғдан, яъни дарвозадан кириб кетаётганиш...

Энди иккитаси ресторандаги банкетдан чиқсан. «Сан мана шу ҳолатда қандай уйга кирасан. Хотининг яхши хотинми, сўкмайдими!..»

«А-а-а-а... Мани хотиним ҳам бошқаларни хотинига ўхшаб ичганларни ёмон кўради. Лекин яқиндан бери яхши йўлини топиб олдим. Ҳозир уйда ётаяпман. Ҳузур қилаяпман».

«Қанақа қилиб уйда ётаяпсан, манга ҳам ўргат, оғайнини. Бу ҳолатда уйга киролмайман. Столбани тагида ётишга тўғри келади...»

«Билмасанг билиб ол! Сўраш керак-да оғайнини. Ҳозир уйимга бораман, дарвозани тақиллатаман. Хотиним чиқади. Эшикни очиш билан кийимларимни ечиб, туфлига ўраб ичкарига отвораман. Ўзим ташқарида маза қилиб юравераман, ҳуштакни чалиб: «Эй, қўшнилар, чиқинглар, ман келдим. Мани томоша қилинглар, қани қўшнилар, чиқинглар, чиқинглар», — деб бақириб юравераман. Хотин уялганидан, қўшнилар кўриб қолмасин, фалончининг эри яланғоч юрибди, деб ўйламасин, деб ўзи опкириб кетади. Шунаقا

қилсанг сен ҳам күчада қолиб кетмайсан», — дебди. Буям ўрганиб олган, гирт кайф. Ичвоган, битон бўлиб қолган ичиб. Уйига келиб, дарвозасини даранг-даранг этиб урса, дарвозаси шарақ этиб очилибди. Кийимларини ечиб, туфлисига ўраб ичкарига отворса, дарвоза шарақ этиб бекилибди-да: «Кейинги бекат, «Чилонзор» — дебди.

Мана ичкиликнинг оқибати нима куйларга солади...

Ҳарбийлар ҳаётидан

Энди армия ҳақида тапирмоқчиман. Ҳаммамизам армияга борганимиз, хизмат қилганимиз. Армия — бу йигитнинг бурчи, уни тарбиялайдиган жой. Ҳозир яхши бўлди, Ўзбекистон йигитлари Ўзбекистонда хизмат қиляпти. Энди собиқ СССР бўйлаб хизмат қилиш йўқ. Ўз юртингда хизмат қилган яхши-да. Бу ёғи бир қадам. Аскар эрталаб туриб дебди:

— Хотин, бўлти, ман армияга кетдим, этикни яхши тозалабсан-у (аслида ўзи тозалashi керак). Бўлти, майли, ош-пош қилиб қўй, кечқурунга уч-тўрт киши келади. Командирам келиши мумкин.

Кечқурун айтганидай тўрт-беш киши бўлиб, командир билан келиб қолибди:

— Хотин, биз келдик. Вот мая жена. Ваши келин. Ош тайёрми келин. Сузинг! Ўслим, қўлга сув олиб кeling.

Ўслиям боракан солдатни, қаранг. Илгари-чи, шўро даврида олиб кетарди. Олти ой йўл юрадик, етти ой деганда хат ёзардик, тўққиз ой деганда етиб келарди. Уйдан ўн бир ой деганда битта хат олардик. Ҳозир bemalol уйга бориб келишяпти. Жуда яхши бўлди-да. Ҳамма ўз жойида, шарт-шароитлар етарли. Бунинг устига ота-онаси олди-да. Албатта, яхши бўлади-да. Лекин илгари ундан бўлмас эди. Армиядан келган солдатнинг кўкси «орден-медаллар»га тўлиб келарди. Гўё қаҳрамон бўлиб келади-да. Ҳатто чойнакнинг қопқори ҳам бор, консерванинг банкаси ҳам бор. Пагонига тақиб олади. Ахир оддий солдат сержант бўлиб келади. Сержант старший сержант бўлиб келади. Старшина бўлади. Бу ёғи дeng, этиклар гармошка, шимлар оп-

тяшка. Келганидан кейин юришлар андақа. Агар ноябрда келган бўлса, телпагини бўйнига қўйиб олган. Бу ёри очиқ қолиб кетган. Телпак бошнинг орқасида туради... Ҳайронман, бу телпак камла учунми ё бўйин учунми. Жуда қизиқ-да. Агар десант бўлса, шапкасини бир томонга кийиб олади, мана шундай (кўрсатади). Бир томони очиқ қолиб кетган. Морской флотлар бор, моряклар, оёқ мана бундай (кўрсатади), бир метр жой бор орада. Зазор бор.

— Нима, солдатлар юрса тўғри юради, моряклар нега бундай юради, — деб сўрасам:

— Энди Ҳоживой ака, бизнинг караблимиз уч йил мобайнида тўлқинда чайқалиб туради. Мана шунақасидан олиб, мамунақасига уради. Биз мувозанатни сақлаш учун шундай турардик. Ўшанга мана шунаقا бўлиб қолганмиз. Ман айтдим; яхшиям З йил хизмат қилиб-сизлар, агар 4 ёки 5 йил бўлганда ўзим кўтариб келармишим.

Буям қизиқда. Собиқ шўро армиясида нималар бўлмаган дейсиз. Хизматдан қайтган солдатни етти қават кўрпачага ўтқазамиз. Қариндош-уруклар, қўпинилар йиғилган. У билан ўтириб бирга чой ичгандан кейин ундан сўраймиз-да.

— Қалай энди солдат, хизматлар яхши ўтдими. Зўр эканми армия, — деб сўраб қолсангиэ бўлди. Улар роса мақтанишади.

— Ҳа, ман армияда жит қилдим, молодойларни гонять қилдим. Борган заҳоти элликтасини тепиб ташладим-да. Бутун солдат, бутун полк маңдан қўрқадиган бўлиб қолди. Шу Тожибоев деса қотиб қолади ҳаммаси. Офицерларга чест бермасдим. Стройда умуман турмасдим, ман борми-йўқми бирор сўрамасди. Шаҳарда тўрт хонали уйим бор эди. Хуллас, армиядан кетмоқчимасдим. Ота-онам мажбур қилди. Ман армияни аллақачон соғиндим. Яна қочиб кетаман армияга, армия зўр. Бормаган укалар, насиҳатим, боринглар! Армия зўр!

Кўпроқ бир-икки пиёла тўлдириб ичгандан кейин тўғрисини айтади. Мастда.

— Ўртоқлар, армияда мани пачағим чиқиб кетган. Бир суткада икки соат ухлардим холос. Ҳар куни ишга

борардик. Топиб олгани — мени фамилиям. Ошхонага келсам, кўмир ташигани юборарди, ёттани келсам ухлатмасдан пол ювдиради, номардлар. Бир ҳафталаб овқат емаган кунларим бўлган. Мана шунаقا. Армия энамизнинг уйимас-ку ахир. Подём деса, ҳамма туриши керак. Отбой деса, ҳамма ётиши керак. Офицерга, командирга чест бермай кўр:

— Воин, ко мне! Сто раз ожимания, начали. Кўл билан юз марта ётиб-туриш керак. Ўн бештага зўрга борардик. Ўн олти деганда «эна» деворардик. Осон змас. Бир шофёр йигитни ўзимиздан армияга олган экан. Уч ой карантинда раз-двани ўрганяпти. Эрталабдан кечгача, кечаси билан юриб чиқяпти эмиш. Бир сержант команда берибди:

— И раз, и раз, и раз, два, три. И раз, и раз, и раз, два, три... Стой, кру-гом, шагом-марш. И раз, и раз, и раз, два, три. Стой, на право, на лево, шагом-марш. И раз, и раз, и раз, два, три... Сержант зерикиб тургандан команда бераверибди, яқинда уйга кетиши керак: — И раз, и раз, и раз, два, три. Стой, кру-гом. Орқага қайтараверибди... Тўхта, юр. Айланавериб, тўхта, юр деявериб ҳалиги ўзбек йигит шартта бориб ўтириб олибди.

— Ты куда пошёл солдат? А ну ка вернись. Встан строй.

— Командир, эзилиб кетдим-у. Зўрга етиб борганда орқага қайтарасиз. Тўхта, юр, чапга, ўнга деяверасиз. Аввал қаёқса юришни эслаб олинг, кейин бориб қўшиламан, дебди солдат.

Хуллас, уч ойлик карантиндан кейин частга ўтказишибди. Ротага ўтказишибди. Шофёрлик гувоҳномаси бор учун машина беришибди. Катта крузовой машина. Ҳар куни юк ташийди. Бир куни йўлда машинани тиқилтириб қўйибди. Ҳеч чиқаролмасмиш. Балон айланар эмиш-у, машина чиқмасмиш. Ҳали тажрибаси йўқ-да! Диққат бўлиб ташқарига чиқиб сигарет чекиб турса, бир машина келиб тўхтабди. Генерал ўтирган эмиш, формада. Генерал: «Ҳа, что», деса, солдат ҳам бўш келмабди:

— Товариш генерал, вот мая машина на болоте сидит. Никак не могу выташит. Тиқилиб қолганский?

— А нука шофёр, давай разварачывай!

Кичкина машина олдинга ўтволиб катта грузовой машинани тортапти эмиш. Генерал қараса мажлисга кеч қоляпти. Генералнинг ўзи ҳам орқадан итариби.

— Раз, два, взяли, еще раз взяли... — дебди генерал. Бечоранинг ҳаммаёғи лой, чанг бўлиб кетиби.

— Ну тебя, тяжёлая машина, — деса:

— Командир, конечно тяжолая бўлади-да, орқада ўттизта «дед» ўтириби, — дермиш солдат.

Ўғирланган машина

Биттаси «Нексия»да кетаяпти. Ёнида хотини, орқа томонда қайнотаси билан қайноаси. Светофордан ўтган экан ДАНчилар турган экан. ДАН чиқиб бирдан тўхтатиби. Ҳалиги шофёр ҳам бирдан тўхтаб, бундай қараса, ДАН келиб бирдан честь бериби: — Ҳурматли шофёр, сизни табриклайман. Светофордан кўк чироқда ўтдингиз. Биз ярим соатдан бери текширяпмиз, ҳозирги ёшлар қизилдаям, сариқдаям ўтиб кетишяпти. Биз уларга жарима солдик. Шу жарима ҳисобидан сизга мукофот бермоқчимиз, деса, шофёр ҳовлиқиб:

— Ака, яхши бўларди. Битта ҳайдовчилик гувоҳномаси сотиб олардим, дермиш.

Жим туравермайсанми, номард!

— Э, биродар, ҳали гувоҳномангиз йўқми, ҳазиллашяпсизми, қани пастта тушинг. Биз сизга мукофот бермоқчи здик. Буёғи чатоқ-ку! Тушинг, етиб келдингиз биродар. Тушинг пастта, пастта тушинг-ей. Номард-ей, пастта туш деяпман. Уни машинадан сугириб чиқаряпса ёнида ўтирган хотинининг раҳми келиб, нима дейишини билмасдан, эрига яхшилик қилмоқчи бўлиб: — Ака, қўйинг энди, шу маст одам билан тенг бўлиб ўтирасизми? Кўриб турибсиз, эрим ичган, қўйвонинг, кетайлик энди, — дебди.

— Ие, ҳали бу ичганамми? Ичволиб гувоҳномасиз шаҳарда юрибсизми? Тушинг пастта, — деб ДАН сугириб чиқарса, орқада ўтирган қайнотаси уйғониб кетиб:

— Чегарага етдикми! — дермиш.

— Чегара нима, Хитойга кетаётган эдингларми? Етиб келдингиз, отахон. Тушинг! Тошкент, Тошкент-

дан кейин Ыркент. Тушинг пастга, отахон, бўлинг, бўлинг...

Ёнидаги қайноаси қараса, куёви ҳам қовун тушириб қўйибди. Қизигаям, чолигаям қарамай шартта машинадан тушиб, оёқ яланг мингта қўйиб югуриб кетаётганмиш. ДАНчилар қувиб, етиб олиб тўхтатишибди.

— Ҳа, онахон, тинчликми, ўзингиздан-ўзингиз югуриб кетяпсиз. Сизга нима бўлди? Сизга ҳеч нарса деганимиз йўқ-ку, — дейишса:

— Э, болам, ман буларга айтдим, ўғирланган машинада узокқа бориб бўлмайди, — деб...

Xudo асрасин

Катта бир заводга концертта таклиф қилишди. Концертта чиқишдан олдин тайёргарлик кўриб, шундай йўлакда бориб-келиб турсам, бир плакатга қўзим тушиб қолди. Плакат ўзбекчага нима бўлади? Афиша! Нима ёпишириб қўйган нарса афиша бўлаверадими? Энди русчасига «плакат», яъни қаттиқ бўлади. Ўзбекчасига юмшоғроқ айтсангиз — «плакат». Битта ўзбекчасини ўқияпман. Ҳалиги бор-у, номинг қурғур, атом бомбаси. Ўша тушса нима иш қилиш керак? Шуни ёзиб қўйган экан. Биринчи нима иш қилиш, кейин нима қилиш керак. Қачон, қайси пайтда тушади, кейин нима бўлади? Шуни ёзиб қўйган экан. Ўқияпман-у, кулгим келади. Ҳеч ақлга сирмайдиган нарсаларни ёзиб қўйибди. Яна ўша собиқ шўро давридаги нарсаларни эста туширди. Эсларингда бўлса мактабларда, институтларда, армияларда «гражданское обороно» деган дарс бўларди. Ҳаммамиз «противогаз» кийиб кўрганмиз. Ҳар мингта ўқувчига йигирмата противогаз. Калитни бериб: «Бор, складдан противогаз олиб чиқ», — дерди. Противогазни халта қилиб кўтариб чиқарди. Гапириб-гапириб миямизга қуйиб, кейин биттадан кийиб кўринглар, дерди. Бир мартадан кийиб кўриб: «Бўлди йигитлар, обориб, қулфлаб ташлаб, калитни олиб кел», — дерди.

Ҳақиқатдан ҳам дўстлар, биз нимага ишониб ўшанда уйимида противогаз сақламадик. Ахир атом бомбалари бор эди-ку! Лекин ўша фандан дарс берадиган ўқитувчининг уйида противогаз йўқ эди. Шунча халқ

нимага ишондик? Миллион-миллион халқнинг уйида «противогаз» йўқ эди. Лекин дарслар, корхоналар учун миллионлаб пул сарфлаб плакатлар чиқардик, китоблар чиқардик. «Буни ҳамма билиши керак», деган қонун-қоидаларни тушунтириб, размерларини ўлчаб қўйиб қўйган бомба портлаяпти, ҳалиги нималари бор, радиация тарқаган зоналари. Тўлқинлар қанча бўлиши керак. Иккинчиси, учинчиси қанча бўлади? Хуллас, зоналарга бўлиб, ташлаган. Ҳаммаси миллиметр гача ўлчанганд. Лекин противогаз йўқ эди. Ўқияпман, кулгим келади. Бизни худони ўзи асрари, дўстлар. Масалан, ёш болалар противогазни умрида кўрмаган. Тасаввур қилинг, бомба тушса ота-онаси кийиб олиб болаларини етаклаб кетяпти. Қўлида чақалоқ, онасида противогаз, чақалоқда противогаз йўқ. Бизни худонинг ўзи асрари дўстлар. Ҳақиқатан ҳам бундай ўйлаб кўрсак, кулгилик бу. Ўша пайтдаям противогаз йўқ эди, ҳозир ҳам йўқ. Лекин бомбалар бор... У ерга ёзиб қўйибди, агар бомба тушса эмиш, шошилмасдан болаларни кийинтириш керак эмиш, бўлинглар болалар, кийинглар, бомба тушибди. Бўл, укангни пайтонини кийдириб қўй. Тез бўлинглар, бомба тушдийкан. Сан нима қилиб ўтирибсан... Вой болам, сани дўп-пингни қаердан биламан. Оч, шифонерни қидир. Сан бориб отангни уйғот. Қуриб кетсин, бугун ҳам ичиб келган. Ўша бомба отангни бошига тушса бўлмасмиди! Туриңг экан дегин, бомба тушибди экан дегин. Сув қўй устидан уйғонмаса. Бўлинглар, кийининглар, бомба тушган экан...

Шошилмаслик керак эмиш, бомба аллақачон тушиб бўлган, аллақачон икки метр қалинлиқдаги бетонни тешиб кетаётган радиация тарқаляпти. Биз, шошилмаслигимиз керак эмиш. Ақлга сигмайдиган нарса. Шундай бўладими?.. Биз томонга ўтган йили сел келди. Сув каналдан тошиб, бир қишлоққа уриб кетган экан. Бир ваҳимачи, сал асаби чатоқ одам нима дебди: «Қайроқкум сув омбори уриб кетган бўлса керак». Ваҳима. Бизнинг халқимиздай ваҳимачи йўқ. Тўполон, бу қишлоқ бу қишлоқда қараб қочибди, бир қишлоқнинг одамлари иккинчи қишлоқ бўлиб, учинчи қишлоққа қараб қочибди. Ҳаммаёқ қоч-қоч, ваҳима,

түпталон. Бомба түпсә, бундан баттар бўлади. Бир одам уйидаги бола-чақасини ташлаб, қари ота-онасини ташлаб велосипедга бир қоп унни ортволиб қочиб кетаётган эмиш. Мана шошилса одам қанақа аҳволга тушади? Бомбадан худонинг ўзи асрасин. Бундан баттари бўлса керак. Трактор турган экан йўлда — прицепи бор, ҳалиги узун сеткалик, пахта ортадиган бор-у, ўшанга чоллар, кампирлар югуриб келиб, чиқиб кетяптиймиш. Ҳеч қаерини ушламасдан шув этиб, чиқиб кетялти эмиш. Ёшларни тепиб туширворяпти эмиш; туш пастга, сан сузишни биласан, туш сузавер, ёшсан ҳали, туш! Тележка тўла чолу-кампирмиш, тракторчи эса йўқ эмиш. Тракторчи трактори хаёлида йўқ ўзи пиёда қочворибди. Тўй бўляпти экан. Куёв келинни ташлаб қочиб кетган. Келин куёвни ташлаб қочиб кетган. Тўпаланг. Мана қанақа бўлади; Бир ариқ сув тошганига шунча ваҳима. Агар бомба тушса шошилмаслик керак эмиш. Бўлинглар болаларим, кийининглар, бомба тушибди. Атом бомба ташлаган ахмоқ биринчидан эрталаб ташламайди, пешинда ташлайди. Кечаси соат тўртда ташлайди. Биз қаердан биламиз бомба тушдими, йўқми? Болаларимизни соат тўртда уйғотдингиз дейлик. «Бомба тушибди, кийининглар». Ҳеч бири кийинмайди. Бир соат уйқусираб туради. «Бўл кийин, бомба тушган». «Нима у бомба, ойи?» Ҳеч ишонмайди, уйқусини қочириш учун бир соат вақт керак. Кийинтириш учун яна ярим соат қўшамиз. Бир ярим соат кетдими, ундан кейин чиқмасак ҳам бўлади кўчага. Аллақачон радиация уриб бўлди. Ўша 150 миллион тиражда чиқарилган плакатда ёзилишича, телевизор билан радиони қўйсангиз дикторлар ўзи айтар эмиш — нима иш қилишни. Энди тасаввур қилиб кўринг, дикторимиз Раҳматилла Мирзаев кечаси Юнусобода ухляяпти. Кечаси соат тўртда телефон жиринглади: «Тезда телевидениега етиб келинг, бомба тушибди, эълон қилиш керак». Диктор туриб кўчага югуради. Кечаси машина йўқ, тўхтамайди машина. Ярим кечаси майкачан Раҳматилла Мирзаевни бирор танимайди, келяптилар; ман ҳалққа эълон қилишим керак, бомба тушибди экан. Ҳеч қачон телевидениега қараб югрмайди. Уям боласини олиб қочади. Телеви-

зорда ўтирган навбатчилар ҳам ташлаб, қочиб кетади. Биз радиони қўйиб ўтирсак, эълон айтармиш. Қаёқда, ҳаммаси жуфтакни ростлайди. Яна нима змиш: «Болаларни кийинтириб бўлгандан кейин светларни, газларни ўчириб, электр аппаратларини ўчириб, деразаларга қора парда тутиб, кейин ташқарига чиқиш ке-



«Тезда телевидениега етиб келинг...»

рак эмиш». Битта уйда олтита дераза бор. Ҳаммасига парда тутиб чиқиш керак экан. Ҳаммасига парда тутиш учун 10 минутдан бир соат вақт кетади. Қўлида михча, болғача, табуреткага чиқиб олган: бўл тез-тез, миҳдан олиб бер, бомба тушиб бўлган аллақачон. Ўзиям қирқ минут бўлиб қолгандир. Падарингга лаънат қайрилиб кетди-ю, шошилганда ўзи шунаقا бўлади. И и... бошқасини олиб бер, бўл тез-тез, яна тўртта дераза бор ҳали. Ахир шошилмасдан бўладими, бу пайтда. Яна кетаётиб бир ҳафталик овқат билан кўчага чиқиш керак эмиш. Икки пақир сув бир хўжаликка етмайди. Тўрт пақир сувни қўтариб бўлмайди. Хотин шўрлик маст эрини қўтариб чиқадими, тўрт пақир сувни қўтарадими, боласини қўтарадими. «Қўшнилар, чиқинглар, бомба тушибди!» «Қанақа бомба?» «Атом бомба». Ишонмасдан: «Йўқ-е»... Агар душман қўшни бўлса-чи; «Қандайсизлар, ётаверинглар, тинчлик... Ўзларинг яхшими, баттар бўлинглар, зриб кетинглар. Роза соз бўлди-да! Ўзи какраз душман эди».

Яна нима эмиш; «чиқа солиб тезлиқда энг яқин метрого бориб яширининглар», — дебди. Метро Тошкентда бор холос. Бошқа жойдагилар қаёққа боради. Мисол учун андижонликлар, самарқандликлар ёки бекободликлар қаёққа бориши керак? Нима, сабзи кўмиб қўйган ўрага кириб кетадими?.. Метрого яшириниш керак эмиш. Метроси йўқлар-чи? Энди плакатта ҳамма нарсани ёзиб қўяверарканда. Бизни худони ўзи асрайди. Ўша пайтда уйимизда «противогаз»имиз йўқ эди, ҳозирал йўқ! Бир опамизнинг уйида бор экан. Ўғли мактабдан олиб келиб қўйган. Опамиз уни кийиб олиб: «Эримни бир қўрқитайин, — дебди. Оғайнила-рига айтиб бериб, маза қилиб кулиб юради».

Уйга кириб эски кийимларини кийиб олиб, сўнг «противогаз»ни кийибди. Эрининг олдига келиб: «во-во-во-вово», — деса, хайрият эри газета ўқиб ўтирган экан, эътибор бермабди. Хотинам боплаб, битта стул олиб келиб рўпарасида ўтираверибди. Эри газетани ўқиб бўлиб, шундай қараб: «И-е, хотин, қошингни терибсанми» — дермиш...

Хотин билан «противогаз»нинг фарқига бормаяпти. Шунақанги содда эр билан яшаёттан аёлларга раҳмат...

Баҳонаси кўп эр

Бир эр боракан, хотинини ҳар куни ураркан. Ургандаям қўйиб-қўйиб юборар экан-да. Ёмон эр-да, характер чатоқ, туғилгаңда ҳамширанинг қўлидан тушиб кетган. Бу ёғини ўзларинг билиб олаверинглар. Ичса-ичмаса бир хил экан. Қўйиб-қўйиб юборар экан. Етти юмалаб тушар экан-у, ўрнидан туриб, яна эрига қараб келавераркан. «Уринг, уринг, урасизми, яна уринг, уринг!» Эр ҳам қўйиб-қўйиб юборар экан. Тортиб-тортибворар экан. Хотин келаверар экан; «Уринг, Яна урасизми?» Эр у ёғига бу ёғига, қўйиб-ворар экан-да. Хотинам қочмас экан, мард хотинлардан экан. Келверади; «яна уринг!». «Бўлди-ей, қўлим оғриб кетди-ей, номард. Бир умр уриб барака топмадим?» «Яна уринг!» «Бўлди, бошқа урмайман, тавба қилдим. Бошқа урмайман, қўлни ишдан чиқардинг номард».

Буниси уриб маза қиларкан, униси калтак еб маза қиларкан. Бир куни эрини ишга жўнатвориб, болачақасини олиб, отасиникига кетиб қолибди. Кеч бўлса ҳам ўтирган эмиш, қоронғи тушсаям ўтирган эмиш. Отаси:

- Ҳа қизим, тинчликми? — деб сўраса, қизи:
- Куёвингиз ҳар куни уради, сўкади. Жанжал бўлмаган кун йўқ, энди бормайман. — дебди.

Шунда отаси:

— Эй болам, сани куёвимни синаб, зотини суриштириб берганман, куёвим зўр, ишон! Уйинга борсам ўтқизгани жой тополмайди. Кўчада кўрса мани бошида кўтариб юради. Одамларнинг олдида ҳурматимни қилади. Куёвимдан минг марта розиман. Лекин сани ўзингда бир гап борга ўхшайди. Ҳозир қайтиб борасан, қизим. Нима учун калтак еганингни эслаб кўр! Ўша ишларни олдиндан қилиб қўйсанг, эринга кулиб гапирсанг, эринг сани урмай қўяди. Агар ўшандаям урса кейин гаплашамиз. Бўлтими?..

Хотин энди калтак емаслик учун ҳамма ишларни олдиндан қилиб қўйибди. Эр ишдан келиб қараса дарвозахона очиқ эмиш. Супурилган, қараса ҳовлиси супирилган. Кўчаларга сувлар сепиб қўйилган. Келиб

ҳайрон қолиб «Ие, ўзимни уйимми шу. Жа ҳаммаёк тоза-ю... Наҳотки ўзимни уйим бўлса?» Ишонмасдан уйнинг номерига қарайпти эмиш.

«Ҳақиқатдан ҳам ўзимни уйим. Бугун жа бошқача-ю...» Кириб келаётса хотин дарвозанинг олдида кулиб турганмис:

— Дадаси келинг, ҳормант. Чарчамай келдингизми? Бундай пайтда хотинни қайси ахмоқ эр сўқади ёки чертади. «Ие, хотин бугун бошқачами?..»

— Дадаси келинг, ичкарига киринг, ичкарига.

«Кулиб кутиб оляпти. Ўзимни хотинимми шу? Ба-рибир калтак ейсан», — деб ўйлаб ичкарига кирибди. Ҳовлилар чиннидай тоза эмиш. Баҳона учун бирорта хас кўринмасмиш. Гулларга сув қўйилган. Ҳаммаёк гўзал, чиройли. Бир ўғли сув ушлаб турган эмиш:

— Дада, қўлингизни ювасизми? — деб. Бир қизи сочиқ ушлаб турган эмиш. «Ие, шулар ўзимни болаларимми». Болаларам ажойиб кийинган. Хотини шундай табассум қилиб турган эмиш. «Ўзинг сув қўй!» — дебди. Баҳонада. Ўзи олдиндан тайёргарлик кўрилган, кўнгли тўқ...

— «Нимага қўлинг қалтираяпти?» — деган экан, хотини тошдай қотиб қолибди, калтак ейишни хоҳдамайди-да.

— Ҳа, бу сувинг совук-ку, — деса:

— Мана иссии ҳам бор, — дермиш.

— Ҳа, бу иссиқ-ку, — деса:

— Мана илиги ҳам бор...

Уч хил сув тайёрлаб қўйган эмиш. Ҳа, бўлар экан-ку шунчалик тайёрлаб қўйса. Олдин умуман сув бўлмаган экан-да уйда. Бугун қаранг, уч хили тайёр турган эмиш. Сочиқ деса, сочиқ берибди. «Ҳа, бу сочиғинг кичкина-ку», деса каттасини берибди. «Ҳа, бу сочиғинг катта-ку» деса, ўртачасини берибди. «И-я, бугун бошқачасан-ку хотин — барибир калтак ейсан», — дебди. Ҳовлидан баҳона тополмай, ўзбекнинг нимаси кўп — моли кўп, қўйи кўп, эчкиси кўп — молхона томонга ўтибди. «Катта бир баҳона топиб, жанжал чиқараман», — деб молхона томонга борса дент, молларнинг таги тозаланган, пақирларда сувлар турган эмиш. Ҳўл ўт ҳам, куруқ ўт ҳам бормиши. Емлар қўйил-

ган. Қўйларнинг жуни олинган, сигирларникини ҳам қўшиб олворибди-да! «Ия, бошқача бугун», дебди. Қўйларнинг ҳаммасини қорни тўқ, мана шундай (пантомимо) қилиб турган эмиш. Бирортаси ҳам «ба-а» демасмиш. Бир йўтал қўй боракан, ўшаем йўталмаяпти эмиш-да. «Хе, йўтал, номард», — деб баҳона қиди-ряпти-да. Бирортаси йўталиб юборса-ю, нимага йўталяпти? — деса. Ҳалиги йўтал қўй миқ этмай турганмиш. Йўталнинг олдига бориб: «Қалай?» — деса, «яхши», — дебди. «Камчилик йўқми?», «Йўқ!». «Қорин қандай?» — деса, «Мана шундай», — дебди. «Э, қойил», — дебди. Сигирлар соғилган, ҳамма нарса жойида эмиш. Баҳона тополмай эр чиқиб кетибди. Уйга кирса тоза гиламлар, тоза кўрпачалар. Даствурхонда ҳамма нарса бор эмиш. Баҳонани қаранг; «Хотин, эски кўрпачада ўтираман», — дебди. Хотин ҳам бир қават янги кўрпачани олиб ташлаб, мана, марҳамат, ўтиринг, — дебди.

«Ие, бу номер ҳам ўтмади-ю. Бугун жанжал бўлмайдими дейман хотин, — дебди. «Бўлмайди дадаси. Бундан бу ёғига худо хоҳласа бўлмайди», — дебди. «Бўлади!» — дебди эр. «Ош ейман», дебди. Ош олиб келиб қўйибди. «Шўрва ичаман», дебди. Шўрва олиб келиб қўйибди. «Чучвара», деса чучвара олиб келиб қўйибди. «Кечаги ошни ейман», дебди. «Мана дадаси, кечаги ош ҳам бор», дебди. Кечагисини ҳам олиб қўйган экан-да, ҳар эҳтимолга қарши. «Ия, хотин бўлмаяпти-ю, баҳона тополмаяпман-у. Нима бало жанжал-панжал бўлмайдими?» — дебди. «Бўлмайди», деса, «бўлади, кроватни тагига кир», дебди. Кроватни тагига кирмаса калтак ейди-да. Кирибди. «Энди манга қараб бир вовилла-чи, қани», — дебди. Вовилламаса калтак ейди. Кроватни тагидан шундай калласини чиқариб: «Вов-вов», — деса, «Ия, сан ҳали зринга вовиллайдиган бўлдингми, сан ҳали зрингни танимай қолдингми? Қани кроватни тагидан чиқ!» дебди. «Чиқ бу ёққа номард, чиқ деяпман санга, ана санга, мана санга...» «Уринг, уринг-уринг» яна бошланиб кетибди-да...

Мана дўстлар, қанча баҳона керак бўлса, излаганча топилади. Лекин жамиятда яхши оиласалар, урипп-жанжал қилмайдиган ибратли оиласалар кўпайсин.

Аскар ҳангомалари

Мана биз хизмат қилган жойлар жуда узоқ бўлган. Ҳатто самолётда ҳам учиб бориб бўлмас эди. Мен собиқ шўро даврида Узоқ Шарқда хизмат қилганман. Яъни Даъный Востоқда. Мана ҳозир-чи, йўлнинг бу бети армия, бу бети уйи. Эрталаб туради, «бўпти хотин, ман армияга кетдим. Бирор сўраб келса, мен армияда бўламан. Ўша ёқда жўнатворвур. Ҳа, кечқурунга ош қилиб қўйинглар, бугун гап навбати меники. Бутун рота келади. Қўшниларнинг уйларини бўшатиб, жой қилиб қўйинглар, командирларга. Ҳа, худди шундай қилиб қўйинглар...» Қаранг, булар гап ҳам еркан.

Бу ҳам мустақиллик шарофатида. Ўз юртингда хизмат қилганга нима етсин? Ҳатто қўшиқларни ҳам. Ҳозир ўзбекча қилворишибди:

Онам дерман п-б. п-б...
Уйга кетаман п-б, п-б...
Қачон кетаман п-б, п-б...

Тавба қилдим, роталарда новвойлар ион ёпишяпти-ей. Ўзимизнинг буғдой нонни, юмалоқ, жайдари, ўзбекча нонни. Тандирдан ўзиб олиб, аскарларга иссиқ нондан олинглар, енглар, дейди. Биз, хизмат қилган пайтда қора нонни ўғирлаб чиқиб, югуриб кетаётиб ер здик. Тўхтаб есак қўлга тушамиз деб битта нонни ейиш учун йигирма круг қилар здик. Тўхтаб ейиш мумкин эмас! Ҳозир шашликлар пишиб ётибди, ҳамма нарса бор. Энг муҳими яқин бўлгани учун отоналар бориб кўриб келишялти. Хат ёзиш ҳам шарт эмас. 100 нафар солдатнинг 100 отаси бор, 100 онаси бор, 465 та поччаси бор, чунки ўзбекнинг қизи кўпда. Уни тоғаси бор, аммаси бор, амакиси, аммабачча, холавачча, қўшни... Ҳаммаси кўргани келади. Униси кетса, муниси келади, муниси кетса, униси келади. Келганлар қуруқ келмайди. «Командирнинг оёғи тагига қўй сўяман», деб биттадан қўй етаклаб келади. Навбат... Ҳаммасининг қўлида қўй. Командир турибди. Ҳаммаёғига қон сачраган. Қаранг. Ротанинг қассоби ҳам бор.

Командир эртадан кечгача мана шу туриш... Ўзбекчиликда, хафа бўлади. «Бўлди энди, қолганлар ўзла-

рингча сўяверларинг», — деса хафа бўлади. «Ният қилганмиз болам...». «Мен Қўнгиротдан келдим, ният қилганман, ўша ёғдан олиб келганман, қўйни оёғингиз тагида сўямиз, деб...» Кўймайди, ўзбекчиликда буям бир. Эртадан-кечгача қўй сўйиляпти. Бу ёқда қўйларнинг териси осиб ташланган... Бу ёқда чойхонада ош пишяпти, 56 та қозон қайнаяпти. Қўй сўйиб бўлингандан кейин командир бориб ош ейиш маросими ҳам бор. Ота-оналар олдида беш минутдан ўтириши керак. Чунки ўғли хизмат қиляпти-да. «Бир оғизгина шу солдатимиз билан ўтириб ош енг!». «Ёрилиб кетаман, ўлай агар ҳозир 9 та жойдан ош едим...» «Ҳеч бўлмаса икки дона гуруч емасангиз хафа бўламан...» Ўзбекчиликда, ош еявериб командирнинг қорни чиқиб кетган. «Отставкага чиқаман, бунақа хизмат керак эмас менга...»

Ана шунаقا! Бу кулгили ҳангомалар ҳам мустақиллик даврида мустаҳкамланиб бораёттан айрим ҳарбийлар ҳаётидан бир шингил холос. Илоё, дунёмиз тинч бўлсин!

Паришонхотир

Яхши биласизларки, ҳалқимиз кулгисевар ҳалқ. Лекин ҳозирги пайтда кулдириш бироз қийин бўлиб боряпти. Чунки, орамизда асаб касалига чалинган одамлар бор. Ҳеч нарса ёқмайди уларга. На ёруғлик ёқади, на қоронгулик, на бир оғиз ширин сўз. Ҳатто болаларнинг овози ҳам ёқмайди. Агар тўрттаси саккизта бўлиб кулишиб турса: «Ҳей, ҳингир-ҳингирингни ўчир», дейди. «Мани қулогимни тагида ҳингир-ҳингир қиласан, бор ўзингни маҳаллангда ҳингирлаш...» Агар ашула айтиб турган бўлса: «тингир-тингирингни ўчир», деяди. Қаранг, бутун дунё кўзига қоронғу бўлиб кўринаверади. Чунки бунақа одамларни асаби касал. Уларни даволаш керак. Агар невроз касаллигини даволамасангиз биласизми, ўртоқлар, охири склероз, яъни паришонхотир бўлар экан. Бундайлар якшанба кунијам ишга кетаверади, боғчага кетяпман, деб ўтиб кетиб, оғайнисиникига бориб, ўтириб, ўтириб яrim кечаси қайтиб келадими-ей.

Шундайлардан биттаси дўхтирга келиб: «Дўхтири, мени даволамасангиз бўлмайди. Ҳатто ўзимнинг отим ҳам эсимдан чиқиб қоляпти, кеча хотинимдан сўраб билвоздим. Мани даволамасангиз бўлмайди, дўхтири. Биласизми, бир овқат есам дeng, еявераман, еявераман. Тўйганим эсимдан чиқиб кетади. Яна еявераман, ёрилиб кетишимга озгина қолади. Дўхтири, бир ухласам ухлайвераман, ухлайвераман, ухлайвераман, агар уйда хотиним бўлмаса, бир ҳафтагача ухлайвераман, уйғоним эсимдан чиқиб қолади. Дўхтири, ишонмайсиз, тунов куни дeng нафас олиш эсимдан чиқиб қолди. Ерда бир минутча кўкариб ётдим. Нимадир бир нарса эсимдан чиққандай бўлди. Кейин эсласам, нафас олмайтган эканман. Бирдан нафас олвориб, тирик қолдим. Дўхтири, ўлишимга сал қолди. Дўхтири, мана шунаقا касал бўлиб қолганман, мани даволамасангиз бўлмайди».

— Ака, ман сизни даволайман, фақат, айтинг-чи, шу касалингизга неча йил бўлди? — деб сўрабди дўхтири.

— Қайси касалимга! — дермиш ҳалиги.

— Ия, ҳозир айтдингиз-ку, «ман склерозман деяпсиз, паришонхотирман, деяпсиз».

— Ҳа дўхтири, шу касалимга икки йилча бўлиб қолди.

— Сизни даволаса бўлар экан ака, сизни албатта даволаймиз. Фақат мана шу кишини сира даволаб бўлмаяпти. Ҳақиқий склероз, ҳақиқий паришонхотир, — деб бир беморни кўрсатибди. Бемор ўтирган эмиш; кўлида бир нарса бор эмиш, ҳадеб қўли билан боши атрофини айлантирасмиш.

— У нима қиляпти? — деса.

— Кўрдингизми, дори берганимга бир соат бўлди, ҳалиям оғзини топа олмаяпти, — дермиш дўхтири.

Мана шунаقا касаллиқдан худонинг ўзи асрасин дўстлар!

Ер етадими?

Хозир фермерчилликка катта зътибор бериляпти. Дәхқон-фермер хўжаликлари сони йилдан-йилга ошиб боряпти. Уларнинг даромадлари ҳам ёмон эмас. Сўрансангиз нуқул миллиондан гапиради. Энди дәхқонларимиз тўқ бўлса, биз, шаҳарликлар ҳам, тўқ яшаймиз. Мамлакатимиз фаровон бўлади.

Технологияга қизиқадиган бир дәхқон акамиз бир жойда эшитиб қолибди. Америкада шундай бир комбайн бор эканки, будойни ўриб, бира тўла майдалаб, уша буғдой сомонини ҳатто пресслаб бир чеккага тахлаб қўйиб кетар экан. Кейин ҳалиги буғдойни ун қилиб, дарров злаб, кепагини алоҳида, унини алоҳида қилиб, ҳамир қориб уни тандирда ёпиб, бу ёқдан тайёр нони чиқаверар экан.

Шунда ҳалиги акамиз бундай комбайннинг пайдо бўлганини эшитиб: «тўхта», — дебди. — Нима учун энди Япония, Американи ҳамма гапираверади. Бизам шунақа ишларни қисак бўлади. Бизам шу дәхқонларни ҳисобга олиб, шу шароитта қараб бир нарсаларни ривожлантирсак бўлади-ку! — дебди. Шу хаёллар билан акамиз бир пичан ўраётган одамнинг олдига келибди. У ўт ўрайяпти эмиш. Фижт, фижт... Ўроқ қўлида — фижт, фижт...

— Келинг ака, келинг, — фижт, фижт... Совиган чой бор, ичинг, ҳозир бораман, — фижт, фижт... Тутни тагига боринг, — фижт... Тўхтамасмиш.

— Ўт ўряпсизми? — деса.

— Ҳа, ўт ўряпмиз, — фижт, фижт... Энди тирикчилик, — фижт, фижт... Қишига тайёргарлик, — фижт... Болалар кўп, — фижт... Ўнтача ҳўқизим бор. Биттаси Тошкентда ўқияпти, — фижт, фижт...

Ҳалиги акамиз қараб туриб айтармиш:

— Яхши ўряпсиз, яхши. Шу лекин...

— Ҳа, ота-боболаримиз ўриб келган. Биз ҳам ўрамизда... Фижт, фижт...

— Ўряпсиз-у, фақат шу бир томонга қараб ўряпсиз-да. Бир томонга қараб кетяпти ўроқ.

— Ота-боболаримиз бир томонга қараб ўрганда, фижт, фижт...

— Бу ёғига ўроғингиз бўш қайтяпти-да, ака.

— Шунинг учун нима қилиш керак энди? — фижт, фижт... — деса:

— Тўхтанг! — дебди. — Шу томонга бир ўроқни сварка қилсак бўлмайдими? — дебди. Ҳам бу ёқса ўрардингиз, ҳам у ёқса ўрардингиз, — шунда бирданига иккита одамнинг ишини қиласадингиз. Мен яқинда бир журналда ўқувдим, шунаقا бир комбайн бор экан. Биз ҳам шунга ўхшатиб қилсак бўлади.

Дарров сварка топиб келиб, темирни таъмирлаб, янги яроғ қилишибди.

— Энди ўришни қаранг, фижт, фижт...

— Яхши ўряпсиз-у, лекин биласизми, шу орқангиз бўш кетяпти-да, ака. Бир йиғадиган мослама ўрнатсан бўлмайдими? Бира-тўла ўтларни ҳам йиғиб кетаверадингиз, ҳам ўрасиз, ҳам йиғиб кетаверасиз.

— Энди қанақа бўларкин, иложи бормикан?

— Бор иложи, иложини топамиз, — дебди. Дарров темирни белига бойлашиб, йиғадиган мосламани топиб келишибди-да, орқасига ўрнатиб қўйишибди. Акамиз шашт билан ўт ўряпти эмиш. Фижт, Фижт... фишт, фишт...

Бошқа ёқдан эшилган одамлар ҳам, бошқа хўжаликлардан ҳам одамлар келишибди. Қани, бир кўрайлик-чи, бу янгилик нима экан ўзи.

Ўряпти эмиш, бу ёқдан йиғиб кетяпти эмиш. Биттаси айтибиди.

— Яхши-яхши. Яна битта янгилик киритса бўлади. Шу ўроқ бу ёқаям, у ёқаям ўряпти-ю, шу учи бўш турибди-да. Шунинг дастасини узунроқ қилиб туриб, паншахани кийгизиб қўйисак қандай бўлади? Шу бира-тўла ўрилган ўтларни ҳам ағдараверадиган бўларди, — деса, биттаси айтармиш:

— Тўппа-тўғри айтдингиз, яхши фикр. Энди яна битта фикр бор. Шу белига симларни бойлаб туравериш керак. Симлар ўраб бўлганини бойлаб кетаверади, — деса:

— Тўғри айтдингиз, яхши фикр...

— Бўлди, — дебди. — Ман сизнинг фикрингизни тушундим. Мана бу томонимга хотинимни бойлаб олишим керак. Овқат-повқат пишириб менга егизиб кетаверади. Ман кечаси билан тинмасдан ўраман

ғијт, ғијт... Бу томонимга бир ўғилчани бойлаб қўяман, елпиб кетаверади-да, матор қизиб кетмаслиги учун...

Дўстлар, деҳқончилик мавзусини давом эттирамиз. Деҳқонларга ер бўлиб бериш масаласи мустақилликдан сўнг амалга оширилганини яхши биламиз. Ўша пайтларда агарда ҳосилдор ерларни бўлиб берсак, деҳқонларимизга етармикан ё етмасмикан, деб олимлар, мутахассислар бош қотиришибди. Неча соток, қанчадан ер бўлиб берсак ҳаммага етар экан. Шунга деҳқон рози бўлармикан, деб.

Энди бир деҳқон отахонни чақириб, маслаҳат қилишибди: «Отахон, сиз олтмиш йилдан бери деҳқончилик қиласиз. Сизга минг марта раҳмат! Энди бизга икки оғиз ер масаласи бўйича фикрингизни билдирангиз. Шу ерни халқقا бўлиб берсак яхшими ёки давлат ихтиёрида қолсинми», — деса.

— Ерними, болам, ерни одамларга бер. Одамларга берсанг ўзининг ерида тинмасдан ишлайди, кеча-юкундуз ишлайди. Ҳа, хоҳласа умуман ухламасдан ишлайди. Чунки ерни боқсанг, ер сани боқади, деган гап бор, — дебди.

— Отахон, раҳмат! Яхши фикрлар билдиряпсиз. Энди мисол учун ерни бўлиб беришни бошлаб юбордик. Мана сизга ҳам ер керак. Биз қандай қилиб биламиз сизга қанча ер керак: 10 сотихми, 20 сотихми?

— Гектардан гапир болам, гектардан. Ие, ўн сотихни нима қиласман?

— Ота гектардан гапирсак унда ер етмай қоладику!

— Бутун хўжаликни берсанг олавераман, болам. Берсанг бутун бергин, ярми мани қариндошларим, уруғим бўлади, — дебди чол.

— Отахон, энди инсоф ҳам қилиш керак, машинага ўтиринг!

Машинага ўтқазиб отахонни бир пасда ҳайдалган ерга олиб боришибди.

— Мана отахон, ўзингиз ўлчаб олинг. Сал инсоф қилинг. Шунда қанча ер кераклигини ҳам билиб оламиз, — дебди.

Отахон хурсанд. «Ўзим ўлчайми?» — дебди.

— Ўзингиз ўлчаб олинг, — деса, «Бошладик бўлмаса», деб отахон катта-катта қадам ташлаб, югуриб кетяпти эмиш. Ҳар бир қадами табелчининг саржинидан ҳам катта эмиш...

Орқасидан йигирмадан ортиқ радио, телевидение мухбирлари. Телекамера кўтарган операторлар, журналистлар ҳам кетишияпти эмиш...

— Ў ота, тўхтанг, бўлди, — деса.

— Ким айтди санга, келавур.

Хайрият, отахон чарчаб, хориб йиқилиб қолибдилар. Бир киши зўрга етиб келибди. Югуравериб чарчаб қолган экан:

— Ота, одаммас экансиз. Армияда ҳам бунақа кўп югурмаган эдим, ота. Жа зўрсиз-ку югуришда. Чўлда қолиб кетишиди ярим йигитларимиз. Шунча ерни нима қиласиз ота? Бу, ҳозирги ёшлар ерда ишлайдими, ўзингизга зўр келади-ю. Бир кун келиб пушаймон ейсиз... Хўп-хўп, бўпти, биз рози, ота. Шу ер сизники бўлади. Энди шу ердан буёгини бошқа одамга ўлчаверайми? — деса.

— Тўхта ҳали, — дебдилар.

— Ие, ота яна нима дейсиз? — деса.

Отахон ҳансира бўтган жойидан дўпписини олиб иргитибдилар.

— Болам, ана шу дўлпи тушган жойдан минг қадам ташлайсанда қолганини бошқа одамга ўлчаб беравер, — дермиш.

Бунақада ер етадими? Шунга айтсалар керак-да, «Ўзбекнинг ўзи қизиқ» деб.

Cogga odamlar

Ҳақиқатан ҳам кўп гапларимиз кулгили экан. Тўғри гапимиз йўқ. Масалан, баъзан эшишиб қоламиш; «ошни дамладингизми?» дейди. Нима, балонми дамлайди. Насос олиб келиб «шит-шит». «Нима қиляпсиз?» «Дамляяпмиз ака, шит- шит. Дам едими ака», — дейди. «Ҳа, дам еди ука». «Суз бўлмаса», — дейди. Нима у хўкизми сузади. Уям тавоқни кўтариб сузиб кетса-я. «Сузаяпсанми», — деса, «ҳа, сузаман» «Тезроқ суз, меҳмонлар қараб қолди».

«Ана, ош келяпти», — дейди. Ош келмайди, ошни олиб келасан, керак бўлса. Ё бирор марта кўрганмисизлар лаганнинг келаётганини. «Ана ошам келяпти, бу ошни бир ураг эканмиз-да», дейди. Нимага урасан ошни? «Қани урдик!» дейди. Урармиш қаранг, емас эмиш. Бир лаган ошни қўйиб қўйсангиз бизнинг халқларимиз индамай еявермайди. «Қани, қани», — деяверади. «Қани меҳмон, қани», — деса бунисиям; «қани, қани, Ҳожибой aka қани-қани. Ие, аз шумо, аз шумо, қани, қани, қани... Ана aka, олдингизда турибди-ку! Кўрмаяпсизми, ана, турибди». Ўзи кўрсатиб яна «қани, қани» дейди. Қўли лаганга тегиб турибди, «қани, қани, қани-қани». Бир рус йигити меҳмон бўлиб келиб қол-



«Қани, қани... Где, где...»

ган экан; «қани меҳмон деса, «извините я вас что-то понял», — деса, «не понял? Где, а, где-где, где-где болам, где-где, а-а, где... Где дегандан кейин где-да». Нече марта «где» дейди, что не видешь, вот ака, стоит. Что слепой стали чтоли?». «Не слепой, такой у нас «где» деса, Уже тамом бўляпти, давас где» — деса, «вот интересный народ мне», — дермиш. «Нима қилиб юрибсиз?» — деса, «Ака. Айланиб юрибман», — дейди. Нимага айланасан, жиннимисан айланасан, тўғри юравер. Ана шунаقا гапи қизиқ халқмиз, дўстлар.

* * *

Дўстлар, бизнинг халқимиз содда, ишонувчан. Сал нарсага ишонади. Масалан, «Бошқа ёқда шунаقا воқеа бўлиб ана шунаقا бўлиб кетди-ей», десанг, «ҳи, ўшанаقا бўлибдими? Ие, йўғе, ҳа мана шунаقا бўлиб кетди», деса, «Ие, энди болаларини нима қиламан?» — деб тураверади. Дарров ишонаверади. Чунки халқимиз кўпроқ меҳнат билан шуғулланади, сиёсат билан шуғулланмайди. Биладики сиёсат билан бола-чақа боқиб бўлмайди, нон-ош топиб бўлмайди. «Телевизорни ўчир» дейди. «Ўчир телевизорни. Бориб молга хашак сол», — дейди. «Сан нима қилиб ўтирибсан? Кейин ўқийсан газетани, чиқиб пахта тер», — дейди. Болаларини меҳнаттага ўргатади, чунки болалари ҳам кўпда. Энг ками 12 та. Агар 12 таси ҳам ўғил бўлса кўринг, 24 марта тўй қилиши керак. Ана ўшанинг учун ҳам у кеча-ю кундуз меҳнат қиласи. Жуда кўп кузатганимиз, елкада эллик килолик кетмон, шимини шимарволган, оёқ яланг. Тиржайиб гурсиллаб кетаверади. Офтобда қорайиб кетган, тиржайиб кетаверади. «Қалай?» — деса, «зўр», — дейди. «Ойлик қалай!» деса, «мазаси йўқ», — дейди. «Нимага куляпсан?» деса, «йиглайми, ака», дейди. Ҳақиқатданам бизнинг халқимиз шундайки, иши ўнгидан келмаса ҳам кулаверади, иши ўнгидан келса ҳам кулаверади. Бир содда акамиз меҳмонга чиққан экан. Келиб қараса, маҳаллада чироқ йўқ, тапара-тапар, тапара-тапар қилиб югуриб бориб хотини ётган уйга кириб излай бошлабди: пуб-пуб, пуб-пуб... Хайрият хотини жойида экан. Энг муҳими хотин жо-

йида... «Ётавур хотин, бу ман». Сүнгра болаларни са-
наб күрятти, бир, икки, уч... хайрият, ўн еттинчиси
ҳам жойида. Битта сигарет чекволай, деб қўлида би-
чок, яъни чекилмай қолган яримта сигарет. Гугурт
йўқлигидан, пайпасланиб ҳеч қаердан тополмабди. У
уйга кирса йўқ, бу уйга кирса йўқ. «Хотин, бир гутурт
топиб бер, сигарет чекиб олай», — деса, «Дадаси қанақа
одамсиз, ошхонага қаранг, шағам ёниб турибди», —
дермиш. Кирса ҳақиқатданам шаъм ёниб турган экан.
Яхшиям хотинимдан сўрабман, деб ҳалиги ёниб тур-
ган шаъмни кўтариб чиқиб қоронги уйдан гутурт қиди-
ряпти эмиш. «Падарингга лаънат, ҳеч қаерда йўқ-ей,
ўзи арзимаган пул туради. Ака, гутурт кўрмадингиз-
ми? Барибир чекмасдан қўймайман», — деб қўлида
шаъм кечаси кўчага чиқиб, магазиннинг қоровулини
уйғотибди; «Ака, жон ака, бу ёқда чиқинг, битта гу-
рурт топиб беринг, сигарет чекиб олай, эзилиб кет-
дим-ку», деса, «Номард, қўлингда шаъм ёниб туриб-
ди-ю, ўшандан ёқиб олиб чекавер», — деса, кўриб
қолиб; «Ия, каллам қурсин-ей, соддалик ака, раҳмат!
Агар айтмаганингизда эрталабгача қидирган бўлар-
дим», — дермиш.

* * *

Ажойиб содда ҳалқимиз бор-да!

Мана ҳозир жуда кўп газета-журналларга обуна
бўлсин, деб муштариylарни қизиқтириш учун ҳар хил
воқеаларни ёзиб чиқишаётти. Қайси газетани очиб
ўқиманг ё экстрасенслар ҳақида гап кетади ёки учар
тарелкалар ҳақида ёзишади. Масалан, полон жойга
тарелка тушибди, полон жойга коса тушибди ёки по-
лон жойга қозон тушибди, деб. Буни бир вақтлар
ҳазиллашиб айтувдик, лекин ҳақиқатдан ҳам шундай
бўляпти. Яна эшитиб қоламиз «полончини олиб чиқиб
кетибди», эмиш; «Полончининг уйида бир кеча ётиб
кеттан эмиш. Тошкентдан уй қидириб юрган эмиш. Уй
топса кўчиб келармиш. Яхшироқ жойлардан иморат
қидириб юрганимиш», деган гапларни эшитиб қола-
миз. Ҳақиқатдан ҳам бу шов-шув бутун жаҳонга тар-
қаб кеттан. Энди газета ўқимайдиган айрим содда ака-
ларимиз ҳайрон, айримлари кўрқади. Ишдан иложи

борича ярим соат олдинроқ кетади. «Хўжайин илтимос, бола-чақангизни орзу-ҳавасини кўринг, ман вақтлироқ кетмасам бўлмайди. Мабодо тарелка олиб кетиб қолса нима қиласман? Ман кетдим», — дейди-да, кетаверади. Кеч бўлмасдан уйига кириб олади. Болаларини тўплайди. Ана тарелка, «гув» деган овоз эпителса бўлди, жим «ана тарелка», «Э, қанақа тарелка дадаси, болаларни ўзингизга ўхшаб қўрқоқ қилиб кўйдингиз. Қанақа тарелка? Кўшнимиз Абдусаттор тракторчи бор-у, ўша энди ишдан келди. Ўшанинг тракторини овози. Тракторда овоз бўлади, тарелкада овоз бўлмайди. Вишиллаб келади», — дейди хотини. «Сан қаердан биласан вишиллашини, илонми санга вишиллайдиган. Арасашма, сандан тарелкам қўрқади». «Ўдадаси, қанақа одамсиз, самолётнинг овози-ку бу. Самолёт қўняпти». «Ҳа самолётмиди хотин, юрагим қолмади», дейди-да вақтлик ётиб олади. Агар тарвуз еб, сув ичган бўлса кўринг, ана ўша пайтда иложи йўқ. Ётган жойида ағанайди. Соат тунги тўрт. Ташқари қопкоронғу, чиқишга қўрқади. Чиқмай деса бўлмай кетяпти. Яна уч соат чидашнинг ўзи бўладими? «Хотин, ҳўй, хотин, тур, ўрнингдан». «Ҳа, ўзингиз қўрқасизми, кап-катта эркак-а». «Ҳа, қўрқаман, тарелка олиб кетиб қолса нима қиласман? Тур хотин, илтимос, бўлбўл, бўл тезроқ. Кеча манам санга қараб турдим-у, тур, бўл...» Акам чиқа солиб тепага қарайди. «Ана хотин, тарелка». Бетига сув себган, ўзига келтириб, исириқларни тутатиб, «дадаси, ўзингизга келдингизми, шарманда қилдингиз. Маҳалла-куй ҳаммаси йирилиб келди. Қанақа одамсиз, тарелкамас, бу оймома-ку, оймома. Ойданам қўрқасизми?», «А, оймиди хотин? Э, ҳақиқатдан ҳам юрак қолмабди». «Юринг, ўлинг дадаси, нарироғдан қараб турай, юринг», — деса, «бўлди хотин, ётиб бордим, энди қайтсак ҳам бўлади», — деган экан...

Ана шундай ажойиб содда одамларимиз ҳам ҳамиша омон бўлсин!

Синовчи қайнона

Бир қайнонанинг учта күёви бор экан. Ўзича ўйлабди: күёвларим манга садоқатлими ёки йўқми, бир синаб кўрай-чи! Шундай уйларининг орқасидан анҳор ўтар экан. Эртаси куни ўпта анҳор бўйида ўтириб қараса катта күёв ишдан келяпти. Ўзини шартта анҳорга ташлаб юборибди-да:

Вой дод, қутқаринглар халойик, ўляпман, чўкяпман...

Катта күёв қараса қайнонаси оқиб кетяпти. Кийимларини ҳам ечмасдан тапара-тапар ўзини сувга ташлаб, қайнонани олиб чиқиб оёғини осмондан қилиб сувини чиқариб ташлаб, дазмоллаб, қуритиб уйга олиб бориб қўйиб, эрталаб турса ҳовлида «Матиз» машинаси турганмиш. Ия, бу ўнгимми, тушимми, деб машинани ушлаб кўрса ҳақиқий. Бир қоғоз ҳам турган эмиш. Олиб ўқиб қараса: «Севимли күёвимга. Қутқарип олгани учун севимли қайнонасидан совға», деб ёзиб қўйилган эмиш.

Бир ҳафта ўтгандан кейин ўртанча күёв келяпти. Яна ўзини анҳорга ташлаб: «Вой дод, қутқаринглар, ўляпман, чўкяпман...» Қараса қайнонаси оқиб кетяпти. Ўртанча күёв ҳам топ этиб ўзини сувга ташлабди. Қайнонани қутқариб олиб чиқиб, оёғини осмондан қилиб сувини чиқариб ташлаб, қуритиб, дазмоллаб уйига олиб бориб қўйиб, эрталаб турса ҳовлисида «Дамас» машинаси турган эмиш. Қоғозчани олиб ўқиб қараса: «Севимли күёвимга қутқарип олгани учун севимли қайнонасидан совға», деб ёзиб қўйган эмиш.

Бир ҳафтадан кейин кенжака күёв келяпти экан. Яна ўзини анҳорга отвориб: «Вой дод, халойик, ўляпман, чўкяпман», деб бир чўкиб, бир чиқиб кетаётса кенжака күёв кўриб қолибди. Ўзича ўйлабди, бу мани синаб кўряпти. Катта күёв қутқариб олгани учун «Матиз» берди, ўртанчасига «Дамас» берди. Ман қутқариб олсам эски «Волга» беради-да. Бор оқсанг оқиб кетавергин. Қайнона шўрлик оқиб кетибди. Эрталаб турса ҳовлисида янги чиққан «Нексия» машинаси турган эмиш. Бунақа бўлиши мумкин эмас. Ушлаб кўрса ҳақиқий, туши эмас, ўнги. Бундай қараса қоғозча тур-

тан эмиш: «Севимли күёвимга севимли қайнотанғдан сова» деб ёзиб қўйган эмиш.

ИЧАКУЗДИ ҲАНГОМАЛАР

Ойдаги воқеа

Америкалик космонавтлар ойга чиқибди. Улар космик кемани ойга қўндириб, хушу ҳандон ҳолда ерга хабар беришашётганмиш:

— Биз америкалик космонавтлар ойга соғ-омон етиб келдик. Ўзимизни яхши ҳис қиляпмиз. Биз америкаликларнинг зўрлигини яна бир кара намойиш қилдик. Ойга дунёда биринчи бўлиб ўзимиз қўндиц!..

Шу маҳал космик кеманинг эшиги тақиллаб қолди.

Космонавтларнинг рангу қути кув ўчиб кетди.

Бир-бирларига тақиллатаётган ким бўлдийкин, дегандек оғизларини очиб қарашди.

— Ойда-я? — ҳаммасининг нигоҳида савол аломати бор эди.

Командир экипажлардан бирига буюрди:

— Эшикни оч!..

— Ўзингиз...

— Очсанг-чи...

— Бола-чақамиз бор...

— Ҳаммадаям бор бола-чақа, тур, очсанг-чи...

Ахийри, командир эшикни очди. Қараса, чанг-тўполон. Эшик оғзида қоп кўтарган икки киши турганмиш.

— Акамулло, майиз керакму? — сўради биринчиси.

— Кartoшка, бодрингчи? — деди униси.

— Ие, сизлар шу ойда яшайсизларми?

— Биз Ургут билан Олтиариқданмиз.

— Ие, бу ерга қандай келиб қолдиларингиз?

— Уч кун олдин «КамАЗ» билан келувдик.

Қирқ ишллик қўшни

Бир кайф одам қўшнисини учратиб қолиб деди:

— Кечирасиз, мен сизни қаердадир кўрганман.

— Мен сизни...

— Йўқ, йўқ, айтманг, ўзим топаман. Эски шаҳарда буфетда ишлайсиз-а?

- Йўқ...
- Мен...
- Гапирманг, гапирманг, топдим... Магазинда ишлайсиз.
- Жуда қийналиб кетдингиз, ўзим айтиб қўяқолай...
- Бир минут шошмай туриング. Ҳозир, ҳозир, кўзимга жуда таниш кўриниб турибсиз. Бўлди, мактабда ишлайсиз-а. Бизнинг Алишернинг математика ўқитувчисиз!
- ...
- Тополмадимми! Бўлмаса кимсиз?
- Қирқ йиллик қўшнингиз — Алиназарман.
- А-а?!

Nega йиглаяпсан!

Икки қария ошхонага кирса, бир пиёлада хантал (горчица) турган экан.

— Қара, столга сумалак ҳам қўйишибди, — дебди бири иккинчисига.

— Ие, жуда зўр-ку, ўзиям ўн йилдан буён сумалак емагандимда, — дебди иккинчиси ва нонни ханталга ботириб ебди. Аччиқдан кўзларидан ёш чиқиб кетибди.

— Ҳа, нима бўлди? — дебди иккинчиси ҳайрон бўлиб.

— Ўлган бувим эсимга тушиб кетди. Сен сумалак олавер, — деб жавоб берибди у.

Иккинчи чол ҳам нонни ханталга ботириб иштача билан оғзига солибди. Аччиқдан унинг ҳам кўзидан ўт чиқиб кетибди. Буни кўрган шериги дебди:

— Ҳа, сен нега йиглаяпсан?

— Ўша бувингта қўшилиб сен ҳам ўлиб кетмаганингта.

Kўриб турибсиз-ку!

Бир тракторчи бор экан. Далага бориб, тракторни увотга тўхтатарканда, соясида ухлайвераркан. Бригадир ёки раис келиб қолса, қўлини пақирдаги мойга тиқиб, башарасига ҳам суртиб оларкан.

— Ишлар қалай, — сўраркан раис.

Тракторчи мойга беланган қўлини икки ёнига ёйиб деркан:

— Кўриб турибсиз-ку!

Ялқовлар баҳси

Бир куни ялқовлар тўпланиб йигилиш ўтказишибди. Мажлисга раислик қилувчи бош ялқов сўзга чиқиб шундай дебди:

— Мұхтарам биродарлар, ялқовлик жонга тегди. Энди биз ҳам бошқаларга ўхшаб ишламасак бўлмайди. Бозор иқтисоди даврида ҳамма ўз аравасини ўзи тортиши керак.

— Тўғри, тўғри, ишлашимиз керак, — деб бақиришибди залдаги ялқовлар.

— Унда қайси кунларда ишлашимизни келишиб олсак, — дебди бош ялқов ва бирма-бир кунларни санай бошлабди.

— Душанба.

— Душанба оғир кун, ишлаб бўлмайди, — деган овозлар эшитилибди залдан.

— Сешанба.

— Оғир кундан сўнг қандай ишлаймиз, дам олишимиз керак-ку, — деган овозлар эшитилибди залдан.

— Чоршанбада-чи? — дебди бош ялқов залдагиларга қаратса.

Ҳеч ким ҳеч бир баҳона тополмабди, ялқовлар чоршанба куни ишлашга қарор қилишибди.

Навбат пайшанбага келганда залда ғала-ғовур бошлинибди:

— Чоршанба куни ишлагандан сўнг пайшанбада дам олмасак бўлмайди. Дам олишимиз керак.

— Хўп, — дебди бош ялқов.

Навбат жумага келибди.

— Ота-боболаримиз жума куни дам олишган. Бундан ташқари, жума ярим иш куни ҳисобланади. Ярим кун ишлаш учун овора бўлиб келиб юрамизми?

— Тўғри, тўғри, — дея бақиришибди залдагилар.

— Шанба, якшанба бутун дунёда дам олиш куни. Бундан ташқари қонунда ҳам бу кунлар дам олиш деб

белгиланган. Бизнинг ҳуқуқимизни бузишга ҳеч кимнинг ҳаққи йўқ, — дебди бола ялқов залдагиларни фикрини сўраб ўтирумай. Шунда бир ялқов ўрнидан туриб дебди:

— Нима, энди ҳа-а-а-р чоршанба ишга келамизми?

«Бум-бум — 89»

Иирик амалдорнинг ўғли институтта киришни ихтиёр қилибди. У олдиндан домлаларга телефон қилиб қўйиб, ўғлидан кўз-қулоқ бўлиб туришларини тайинлабди.

Ўғли отасига ишониб институтта борибди.

Ёзма иш бошланибди.

Барча «абитуриент—89»лар ёзишга машғул бўлишибди.

Бум-бум—89— эса хотиржам ўтирганмиш.

Домла келиб, унинг боши узра дафтарига қараса, бир чизиқ ҳам тортилмаган.

— Ҳеч нарса ёзмабсан-ку! — дебди домла ташвипланиб. — Ҳеч бўлмаса бир-икки қатор ёз, отангга ваъда берганман, ўтишинг керак.

«Бум-бум — 89» отасиниям, муаллимният шарманда қилмабди. «Мен ўқиши умуман хоҳдамайман», деб ёзиб, дафтарни домланинг олдига ташлаб кетибди.

Домла ўйлай-ўйлай, ахийри йўлини топибди. Унинг «иншо»си остига «Ўлсанг ҳам ўқийсан», деган сўзларни ёзиб, «беш» баҳо қўйибди.

«Бойлар ҳам йиглайди»

«Бойлар ҳам йиглайди» сериалини ҳамма кўрди. Телевизорда бу сериал қўйилганда жанглар тўхтабди. Поездлар тўхтабди, самолётлар учмабди. Бу сериал қўйилганда кўчаларда автобусу машиналар юрмай қолибди. Ҳатто, касалхоналарда жарроҳлар ҳам соатига қаарракан — «Бойлар ҳам йиглайди» бошлансанча операцияни тўхтатишиб, телевизорга чопишаркан.

Бир чол ҳам кинони ҳамма сериясини қолдирмай кўраркан. Томорқада кетмон чопяпти-ю, хаёли телевизорда. Бошланиб қолмадимикин?!

Шунда бир қүшни болакай кириб қолибди.

— Ҳорманг бобо, ер чопяпсизми?

— Бор бўл, ўғлим. Жуда пайтида келдингда, юр, уйга юр, уйга юр, — деб уйига бошлабди.

Чол телевизорни қўйиб, болага тайинлабди:

— Ўғлим, томоша қилиб ўтири, сомон ичидан бир хотин чиқса мени дарров чакиргин, хўпми?

Эр иссиқлики, совуқлик!..

Бир аёл янги тушган келининга уқтирибди:

— Қизим, эрингизга тухум-пухум пишириб беринг. Тухум иссиқлик. Лагмон, макарон пиширманг, совуғини ошириб юборади. Кечқурунга жигар қовуриб беринг. Иссиқлик. Кўк чучвара, кўк сомсани асло зернингизга раво кўрманг, совуқлик...

— Ойижон, — дебди келин қайнонасини мот қилмоқчи бўлиб, — эр ўзи иссиқлики, совуқлик?

— Эр 50 ёштагача иссиқлик, 50 дан кейин совуқлик, — дебди қайнона.

Шунақаси ҳам бўлади

Шошилиб турган эдик. Бир киши келиб ялинган-намо илтимос қилди.

— Ҳожибой ака, бир илтимос бор.

— Ҳа, эшитаман.

— Ўзимда ҳам бор эди-ю, уйда қолибди.

— Қарз керакми?

— Йўқ, пул керакмас.

— Бемалол сўрайверинг, нима керак?

— Шу деңг ҳозир жуда зарур бўлиб қолди.

— Айтинг, ахир.

— Шу, имзо чеккани ручкангиэни бериб турсангиз.

Қамишзорда

Икки ҳамқишлоқ, ёшлиқдан тепишиб катта бўлган икки дўст урушга борибдилар. Окоңда ухлаб қолишибди. Уйронсалар, бизниклилар йўқ эмиш, кетиб

қолишган экан. Қидириб боришаётса, рўпарадан ке-
лаёттан немислар кўринибди.

— Кўлга тушсак, икковимизни ҳам отиб юбориша-
ди, ҳеч бўлмаса биттамиз тирик қолишимиз керак, —
дебди бири.



Янгисидан бор, ҳали ўзим эшитмаганман.

— Тўғри айтасан, қишлоқقا биттамиз қайтмасак бўлмайди.

— Сен дарё томонга қоч, мен қамишзорга бекинаман, — дебди-да, қамишзорга қараб қочибди бири.

Иккинчиси дарёга ўзини ташлаб, саёз жойига ўтириб олибди.

Немислар чанқаб, дарёга сув ичишга юрибдилар. Қамишзорда турган ўзбек эса дўстимни пайқаб қолишибди, у тирик қолиши керак, чалғитай, мени ўлдиришса ўлдиришсин, дўстим тирик қолсин, дебди-да, «ҳей немислар, бу ёққа келинглар», — деб русчалаб бақирибди:

— Ҳей немци, сюда, сюда!

Сув ичида ўтирган дўстига эса алам қилибди, «сотқин, у мени сотди, сувда деяпти» деб ўрнидан туриб у ҳам бақира бошлибди:

— Қамишзорда, қамишзорда!

Билсанг, нега сўрайсан!

Бир одам терлаб-пишиб гувалак қиляпти экан. Эзмароқ бир ошнаси сўрабди:

— Нима қиляпсан?

— Буғдой ўраяпман! — дебди гувалак қилаётган киши.

— Ие, лой қиляпсанку...

— Лой қилаёттанимни билсанг, нега «нима қиляпсан!» деб сўрайсан, номард...

Юлдузи юлдузига тўғри келмади

Беш юлдузли арман конъяги уч юлдузли грузин конъягини яхши кўриб қолибди. Аҳду паймон қилиб турмуш қуришибди.

Тўйдан икки-уч ой ўтиб ажралишмоқчи бўлишиб ЗАГС бўлимига ариза ёзib беришибди.

— Бир яхши яшаётувдиларинг-ку, нима бўлди? — сўрабди ЗАГСдагилар.

— Юлдузимиз юлдузимизга тўғри келмади, — дейишибди конъяклар.

Чувалчанг чўмилтиряпман

Бир киши Сирдарёга қармоқ ташлаб ўтирса, овчи-лар жамиятидан келишиб қолиб, дағ-даға қилишиби.

— Ҳозир ов сезони эмас, нега балиқ тутяпсиз, жа-рима тўлайсиз...

— Мен балиқ ушлаётганим йўқ, — дебди ҳалиги киши бамайлихотир.

— Нега ёлғон гапирасиз, қармоқ ушлаб ўтириб-сиз-ку!

— Мен балиқ ушламаяпман, чувалчангни чўмилти-ряпман!

Бўлган ҳангомалар

Ўзим қизиқчи бўлганим учун ҳаётимда кўп қизиқ ҳангомаларга дуч келаман. Бир кашандада мендан сўра-ди.

— Ҳожибой ака, сигаретни қандай ташласа бўлади, ҳеч ташлай олмаяпман!

— Бу жуда осон.

— Қандай?

— Чўнталингдан бир дона сигаретни оласан, тува-тасан, бир-икки мириқиб ичининг тортасан, сўнг чап қўл билан олиб шундай ерга ташлайсан-да, ўнг оёйинг билан босасан, тамом.

* * *

Хўжанд бозорида дўппи олаётувдим. Дўппифуруш-лар ўраб олиши.

— Мени дўппимни олинг, телевизорга чиқсангиз эслаб юраман...

— Вой шундай чиройли дўппим кичкина экан-а...

— Афсус, мениким кичик экан.

Ўчакишгандай ҳамма дўппи чиройли, лекин бирор-таси тўғри келмади. Қарасам дўппифурушлар хафа бўладиган. Уларни кўнглини кўтардим.

— Опалар, хафа бўлманглар, ҳаммангизни дўппин-гиз зўр, чиройли, лекин мени бошим катта, холос.

* * *

Айтишларича: «Э, Ҳожи!» — дебди күнлардан бир күн унинг янгиқўронлик подачи дўсти, — ўлдик-куке, бир кулдир!

«Ўлган бўлсанг, кулиб нима қиласан», дебди Ҳожи. Аммо бир оздан сўнг қаҳқаҳадан титроққа тушган подажойга одамлар жам бўлишибди. Одамлар йигилаверибди, йигилаверибди, йигилаверибди... Бир оздан сўнг кўришса, бутун халқ шу ерда эмиш. Ана шунда Ҳожи айтган экан: «Э, биродарлар, оғзингизнинг танобини тортинг, подани мен боқаманми?..» Ана шундан сўнг кулгу яна қаҳқаҳага айланибди. Халқнинг қаҳқаҳаси ҳам ўзидаёт улуғ бўлади...

* * *

Душанбеда гастролда эдик. Концертдан кейин ўтириш бошланиб кетди. Ичилди, суҳбатлар суҳбатта уланди. Тонг ҳам ёришиб қолди. Мезбонлар Шаҳобиддин aka деган найчидан «Тонг навоси» деган куйни чалиб беришни илтимос қилишибди. Бу куйни Шаҳобиддин akaдан ўтказиб чаладигани йўқда!

У кўп ичган эди, устига уйқусизлик, най чалиб туриб, ўтирган жойида ерга ағанаб тушди. Кўзи ола-кула бўляпти-ю:

— Мен тамом, найни эҳтиёт қилинглар! — дейди. Роса кулишдик.

* * *

Абдуқодир деган ажойиб дўстим бор. Дилкаш, са-мимиий, суҳбати ширин. Лекин бир одати бор, қаттиқ хуррак отади. Хурракда эса мен асло ухлай олмайман. Абдуқодир билан сафарларга доим бирга чиқамиз. У мен ухлагунча ухламайди. Мени аяди ёки мен ухлаттган хонадан бошқа хонада ухлайди.

Тошкентда гастролда эдик, меҳмонхонадан ўзи-га бошқа хонадан жой олиб, менга алоҳида хона олибди.

Кечқурун хонасига кирса, бир киши роса хуррак отяпти экан. Абдуқодир бечора асло ухлай олмабди.

— Мен ухлаб олай, сенга хуррак отишни кўрсата-ман, — дермиш Абдуқодир. Бир бало қилиб ухлаб

қолибди. Абдуқодирни хуррагидан ҳалиги одам уйғониб кетиб то тонгтacha ухлай олмабди.

Эрталаб Абдуқодир турса ҳалиги ҳамхонаси стол тузаб, кутиб турган эмиш.

— Устоз турдингизми, келинг, ўтириңг, битта зиёфат биздан.

«Энди қочамиз»

Бир мүйсафид күчада кетаётса, кичкина болакай дарвоза қўнғироғи тутмачасига бўйи етмай оёғи тагига ғиштлар қўйиб интилармиш, барибир қўли етмасмиш.

Чолни раҳми келибди, бечора бола уйига кира олмаялти, деб ўйлаб ёрдамга келибди.

— Ке, ўғлим, мен тутмачани босай, — дебди чол ва устма-уст қўнғироқни босибди.

— Бўлди, бобо, юринг энди қочдик. Уйни згаси чиқса ёмон қиласди, — дея қоча бошлабди болакай.

Бир меҳмонга ўнтараси

Бир юртда ғалати бир одат бор экан. Икки қўшни қаттиқ уришиб қолишиша, бир-бирининг меҳмонини ўлдириб ўч олишар экан.

Кунлардан бирида меҳмон келган уйга мезбоннинг қўшниси қўлида катта пичноқ билан кириб келибди.

— Мана, энди ўчимни оладиган бўлдим. Ҳозир меҳмонингизни сўйман!

Табиийки, меҳмоннинг ранги қув ўчиб кетибди. Шунда мезбон меҳмонга тасалли берибди:

— Асло ташвиш тортманг меҳмон. Агар бу абллаҳ қўшним сизни ўлдирса, мен унинг ўнта меҳмонини ўлдираман.

Ўлган сиз эмасми?

Купеда бир чол, бир йигит ва чиройли бир қиз кетишишмоқда. Поезд бир туннелга кириб, анча юрди. Туннелдан чиққач, йигит қизга деди:

— Афсус, туннел яна бироз давом этмади!

- Нега ундей деяпсиз?
- Сизни бир ўпид олардим.
- И-е, ҳозир ўпган сиз эмасми?!

Эркин қуш

— Нега ишдан кеч келдинг? — деб сўради хотин эридан.

— Мен эркин қушман, хоҳлаган вақтимда учив келаман.

Орадан бир неча кун ўттач, эр хотинидан сўради:

— Нега ишдан кеч келдинг?

— Мен эркин қуш эмасман, қачон қўйиб юбориша, ўшанда келаман!

Яхши ният

Судья жабрланувчидан сўради:

— Маржонларингизни ўғри қандай қилиб олди?

— Маржонларим бўйнимда, кўксимга осилиб турганди.

— Уни ўғри олгунча ҳам сезмадингизми, ахир қўли кўкрагингизга теккантур?

— Кўли кўкрагимда юрганини сездим, у қўлини кўксимга яхши ниятда олиб боряпти, деб ўйловдимда...

Уятсиз

Қиз билан йигит хилватда ўтиришарди.

— Анваржон ака, нега жимсиз, нималар ҳақида ўйлаяпсиз?

— Сиз нима ҳақда ўйлаёттан бўлсангиз, мен ҳам ўша нарса ҳақида хаёл сураяпман.

— Вой уятсиз экансиз! Бетингиз курсин!

Хотинингиз қаерда!

— Дўхтир, оёқларим тез-тез совқотадиган бўлиб қолди.

— Менинг ҳам оёқларим совқотади, аммо хотиним

билин күрпага бурканишим биланоқ исиб қолади. Сиз ҳам шундай қилиб кўринг.

— Кечирасиз, хотинингизни қаердан топсам бўлади?!

Икки соатли йўл

Уйқудан уйғонган киши купеда кетаёттан ҳамро-
қидан сўради:

- Тошкентта ҳали узоқми?
- Икки соатли йўл бор.
- Унда тарин озгина мизгиб олсан бўларкан.
- ... У кўзини ишқалаб яна ўша ҳамкупесига деди:
- Тошкентта етиб келдикими?
- Икки соатли йўл...
- Ие? Қанақа одамсиз ўзи? Ҳали ҳам шунақа
девдингиз-ку! Ахир орадан анча вақт ўтди-ёв!
- Тўғри, ўшанда Тошкентта кириб келаётувдик.
Энди эса ундан узоқлашиб кетяпмиз.

Сартарошлар, огоҳ бўлинг!

Сартарошхонага бола етаклаган эркак кириб:

- Соч-соқолимни олиб қўйинг, — деди у ўрин-
диқقا ўтириб. Соч-соқолини олдириб бўлгач:
- Энди болани сочини олиб қўйинг. Сиз бўлгунча
мен газит олиб келаман, — деди.
- Орадан бир-икки соат ўтди. Уста тоқатсизланиб
болага дўқ қиласди:
- Даданг қаёққа ғойиб бўлди?
- У менинг дадам эмас, — деб жавоб беради бола.
- Мен уни танимайман. Кўчада ўйнаётувдим, «юр-
бепул соч олдиромиз» деб етаклаб келди.

Йўл қаерга боради?

Ўзбекнинг ўзи қизиқ, сўзлагани сўзи қизиқ. Шу-
нинг учун мен кундалик ҳаётимиизда дуч келадиган
гаплардан айтаман.

Бир куни кўчада кетаётсам «Нексия» машинаси
ёнимга келиб тўхтади-да, рулни бошқараётган қўнғиз
мўйловли йигит эшикни қия очиб сўради:

- Ака бу йўл қаёққа боради?
- Ҳеч қаёққа бормайди.
- Ие, Наманганга борадиган йўл шу эмасми?
- Наманганга ўзинг борасан, йўл бормайди, бир неча йилдан бери шу жойда қимирламай турибди...

Мол дўхтири эмасман

Бир bemor врач ҳузурига келиб:

- Бир овқат есам молдай овқат ейман, бир ишласам эшакдай ишлайман, чарчасам итдай чарчайман, бунинг сабаби нима, дўхтири? — деб сўрабди.

- Билмайман, сабаби мен мол дўхтири эмасман,— деб жавоб берибди врач.

Ҳаёт пиёлага ўхшайди

Икки оғайни чойхонада маза қилиб чой ичиб ўтиrsa, биттаси қўлидаги пиёлага қараб:

- Ҳаёт бир пиёла чойга ўхшайди, — дебди.
- Нега айнан бир пиёла чойга ўхшайди? — деб сўрабди иккинчиси ҳайрон бўлиб.
- Мен қаердан билай, мен сенга файласуфманми? — дермиш биринчиси.

Сиз қолмоқчимисиз!

Икки йўловчи такси тўхтатиб:

- Учовимизни «Аэропорт»га олиб бориб қўйинг,— дебди.

Таксист ҳайрон бўлиб:

- Сизлар икки киши-ку, — деса.
- Нима, сиз қолмоқчимисиз? — дермиш йўловчилардан бири.

Неъмат Аминовнинг фамилияси ким?

«Янги ўзбек»лардан бирининг «янги» талаба ўғли имтиҳон топшириш учун профессор рўпарасида ўтирган экан. Қўлидаги сотка телефони жиринглаб қолибди.

— Алло, нима дейсан? Йўқ, ҳали савол бермади. Бўпти, кетиб қолмаларинг, икки минутдан кейин чиқаман, — дебди талаба, сўнг профессорга юзланибди, — менга саволингиз йўқми?

Шу пайт талабанинг телефони яна жиринглаб қолибди.

— Алло, ҳали савол бергани йўқ. Рўпарада ўтирибди. Бўлди. Кейин ўзим чиқаман... Домла, менга саволингиз борми?

Профессор ўрнидан туриб, бир қўлини кўксига қўйиб, талабага яқинлашиб деди:

— Кўп қийнаб ўтирмайман. Кеча ҳурматли отангиз телефон қилувдилар. Шу ерда салкам 40 йилдан бери ишлайман. Пенсияга озгина қолди. Сенга энг осон, энг қулай савол бераман. Бу саволни ҳамма билади. Қани, айт-чи, Ўзбекистон халқ ёзувчиси, машхур «Ёлғончи фаришталар» романининг муаллифи Неъмат Аминовнинг фамилияси ким?

Қаранг, домланинг ўзи савол билан бирга жавобини ҳам айтиб беряпти. Бунақа осон савол бўлмаса керак. Домла яна сўрабди:

— Ўзбекистон халқ ёзувчиси Неъмат Аминовнинг фамилияси ким?

— Сайд Аҳмад, — дермиш талаба.

Тескари бастакор билан тескари суҳбат

Мухбир: — Мана, ижодий фаолиятингизнинг ўн ийллиги муносабати билан суҳбатлашмоқчиман. Лекин саволларим жуда кўп. Тингловчиларимиз яхши биладиларки, адашмасам, 80 га яқин энг яхши кўйкўшиқларни расво қилгансиз.

Бастакор: — Кечирасиз, юздан ошиқ деяверинг.

Мухбир: — Айтинг-чи, қайси машҳур санъаткорларнинг қўшиқларини расво қилиб, бузиб қайта ишлагансиз?

Бастакор: — Ҳозирча, устоз санъаткорлардан Ко-милжон Отаниёзов, Маъмуржон Узоқов, Таваккал Қодиров... қўйингки, барча эл таниган машҳур қўшиқчилар ижодини обдон бузганман. Мен маҳорат билан

бузган қўшиқларни ҳозир таниқли хонаңдалар ҳам бузиб ижро этишапти.

Мухбир: — Қайси пайтда илҳомингиз келади?

Бастакор: — Яхши қўшиқни эшитганда. Эшитибօқ бузгим келади. Дарҳол бузиш йўлларини излайман. Ўша яхши қўшиқни бузмагунча кўнглим сира тинчи-майди.

Мухбир: — Кечирасиз, санъат оламига қандай кириб келгансиз?

Бастакор: — Умуман, санъатта алоқам йўқ. Дадам мажбур қилган. Масалан, дастлаб рубобни, сўнг торни бузганман, тижжакни синдирганман. Доирани тешиб, қосқонини дарахтта бойлаб, баскетбол ўйнаганмиз. Пионинони маза қилиб оёқда чалганман.

Мухбир: — Сиз учун рубоб билан пионинонинг қандай фарқи бор?

Бастакор: — Пионино узоқ ёнади. Шу учун менга жуда маъқул.

Мухбир: — Сиз умуман бастакорга ўхшамайсиз. Гапларингиз ҳам, ранг-рўйингиз ҳам совукроқ. Нима сабабдан шундай?

Бастакор: — Мен дадамга ўхшаганман. Чунки дадамнинг гап-сўзи, ранги меникидан ҳам совук эди. Биз ота-бала гаплашиб қолсак, онам билан укаларим совқотиб кетганидан, пальто кийиб олишарди.

Мухбир: — устозларингиз ҳақида ғам гапириб берсангиз?

Бастакор: — Устозларим бор, лекин бирортасини бир тийинга олмайман.

Мухбир: — Нега?

Бастакор: — Чунки устозларим ҳам устозларини бир тийинга олмайди-да!

Мухбир: — Устозларингизнинг қайси фазилатлари сизга ёқади?

Бастакор: — Бирвларни менсимаслиги, тийбат қилиши, кўролмаслиги ва ниҳоятда олифталиги.

Мухбир: — Дўстларингиз бордир?

Бастакор: — Албаттага!

Мухбир: — Улар билан бўладиган сұхбатларингиз яхши ўтса керак?

Бастакор: — Биз сұхбатлашмаймиз, ғийбатлашамиз, нүкул совуқ гаплардан гаплашамиз. Миш-мишлар тарқатамиз. Масалан, яқында бир таниқли саңъаткорни ўлдига чиқардик. Биттаси жуда ёқмай юрган эди, қамалдига чиқардик. Яна битта ишлари юришиб турган соппа-сөгіни касалга чиқардик. Роса сенсация бўлди.

Мухбир: — Бирор бир яқин дўстингиз ҳақида гапириб берсангиз.

Бастакор: — Яқин дўстим кино олишга қизиқадиган режиссер. Тўғриси, у киноларни расво қилади. Унинг расво киноларидағи барча расво мусиқаларни мен ёзиб бераман. Айрим мусиқали фильмлардаги расво қўшиқларни расво хонандалар ижро этади. Шу боис томошабинлар кинонинг ярмидан чиқиб кетяпти. Ҳатто кинога хомийлик қилганлардан бири: агар кино шундай бўлса, берган пулимга розиман, уч марта розиман. Охирги кўрган киноим шу бўлсин, деб чиқиб кетди. Лекин биз ижод қилишда ғайрат билан давом этяпмиз.

Мухбир: — Масалан?

Бастакор: — Масалан, ўша режиссер дўстим билан расво қўшиқларга расво клиплар ҳам олиб турамиз. Лекин клипларимизда ўйнаган қизларнинг бирортасиям эрта теголмаяпти. Уларни бирор сўрамаяпти-да.

Мухбир: — Келажақдаги орзуларингизни билсак бўладими?

Бастакор: — Жуда бўлади-да. Чунки орзуларим катта. Ҳали қанча-қанча машҳур композиторлар, бастакорлар ва хонандаларнинг яхши ва сара асарлари, қўшиқлари турибди. Асосий ниятим, тезроқ уларга қўл уриш...

Бир савол

Бир кекса ўқитувчи бозорда айланиб юрибдийкан. Устида ўғлининг костюм-шими, оёғида кичик ўғлиниг туфлиси. Набираларга олма олсаммикин, деб олмаларни томоша қилиб, майдароғларини танлаб юрса,

бир қоп-қора, барзанги гадой келиб, бидирлаб садақа сүрай бошлабди. Қўлидан чойхона паловнинг ҳиди келиб турғанмиш. Ўқитувчи гадойга қараб ичида: «Шу одам адашди-ёв», деб ўйлабди. Гадой: «Танга бўлсаям бериб юборинг, ҳамма қараб турибди», дебди. Шунда ўқитувчи:

— Ҳе, қўясанми-йўқми, ман ўқитувчиман. Санга берадиган ҳеч нарсам йўқ. Лекин қуруқ кетма, яхшиси, санга битта савол берай: «қани, айтчи, ўқитувчиларнинг маоши қачон ошади?», деб сўраса, гадой шартта қўлини силтаб: «Эй, боринг-е, ман қайдан биламан», деб қўлини силтаб кетиб қолибди. Шунда ўқитувчи гадойнинг орқасидан кулиб қараб: «Ана шунаقا, агар маошдан гап очсанг, ҳаммаси қочиб қолади...»

Банкрот

Бир бизнесмен йигит маҳаллада яшайдиган бир оқсоқолни уйига чақирибди. Олдинлари уйи тўла одам бўладиган йигитта қараб, отахон аста сўрабди:

— Ҳа, болам, тинчликми?
— Тинчлик, отахон, тинчлик. Шу кичкинагина банкротча бўлиб қолдим. Шунга бир дуо қилиб юборинг,— дебди бизнесмен.
— Омин, илоё бундан кейин катта-катта банкрот бўлиб юргин, — деб дуо қилибди отахон!
Ахир отахон банкротни қайдан ҳам билсин!

Нобель сумалак ялаганми?

Наврўз байрами кунлари бир даврада сумалакхўрлик роса авжига чиқсан бир пайтда биттаси шундай деб қолди:

— Шу, биласизларми, дўстларим, бир нарса хаёлимга келди. Менимча, сумалакни ўйлаб топганга Нобель мукофотини берса бўларди.
— Йўқ, унга Нобель мукофотини бериб бўлмайди, — дедим.

— Нега? — ҳайрон бўлди даврадагилар.

— Чунки сумалак Нобель дунёга келмасдан бир неча минг йиллар олдин пайдо бўлган. Яхшиси, Нобельга сумалак бериш керак, — дедим.

Ўрнингиз кимга керак?

Бир отахон телевизорда шундай интервью беряпти:

— Ман мана шу мактабда эллик йилдан буён ишлайман. Кўплаб шогирдларим бор. Эллик йилдан буён ёшлиарга таълим бериб келаман.

Қаранг, кекса ўқитувчи эллик йил бир жойда ишлаёттани билан фахрланяпти. Сабаби, у кишиниг жойи ҳеч кимга керак эмас-да. Агар ўрни керак бўлганда, уч йилдан ортиқ ишламасди. Ўрни ёғлироқ жой бўлса, ҳар қандай йўл билан аллақачон олишарди. Яна эллик йил ишламайсизми, отахон? Сизнинг ўрнингиз кимга керак?!.

Дастхат

Таниқли санъаткор Шерали Жўраев билан бир туманга концертга бордик. Шерали аканинг ашаддий мухлисларидан бири концертдан сўнг бир пиёла чойга таклиф қилди. Концерт зўр олқишилар билан ўтди. Стадионнинг орқа томонидан чиқиб кетаёттан машҳур ҳофизни бир гурӯҳ мухлислари ўраб олиб, дастхат ёздира бошлиши. Бирор қоғозга, бирор китобга, бирор паттага, яна бирор ён дафтарчасига дастхат ола бошлиди. Бир маҳал чойга таклиф қилган акахон етиб келди. Қараса, ҳали-вери дастхат тутамайди. Шунда у киши санъаткорни ўраб олган мухлисларга қараб:

— Бўлди-ей, одамлар. Ахир уч соат қўшиқ айтди. Инсоф борми? Дастхатни бир-бирларингдан кўчириб оласизлар. Бўлди!..

Гумбурлаган қиз

Бир йигит уйланмоқчи бўлибди. Охири дардини дадасига айтиби:

— Дада, мен бир қизни яхши кўриб қолдим. Шунга уйланаман, уйланмасам бўлмайди.

— А, хўп-хўп, ўғлим, албатта уйланасан. Айт-чи, кимнинг қизи ўзи?

— У одам бу ердан эмас. Айттаним билан барибир танимайсиз, дада.

— Қизнинг ўзи қанаقا?

— Нозиккина, чиройлигина, — дебди йигит.

— Ҳм, нозиккина, чиройлигинами?

— Ҳа, дада.

— Нозиккинаси керак эмас! Замонни кўриб турибсан. Бизга гумбурлаган қиз керак! Танкадай, ҳеч бўлмаса трактордай кучли бўлиши керак. Сан замбил кўтарганда, бир томонидан олсин. Деворнинг устида ўтирсин, етти пахса деворга кесак отадиган бўлсин. Нозиккинасини нима қиласан? Далада ишлайдигани керак... Ана, қўшнимизнинг қизи бор. Гумбурлаган. Ҳатто совчилар келишга кўрқяпти. Ана шунга уйланасан. Томорқанинг ҳам дабдаласини чиқаради, ўзингни ҳам!

Бизда шунақасиям борми?

Азизлар, севги масаласи қийин. Бизга ҳеч ким маслаҳат ёки йўл-йўриқ бермайди. Севишганлар муродларига етсин. Энди, севишгандан кейин тўй бўлади. Тўйдан кейин тирикчилик, тожиклар «зиндаги» дейди. Кейин бола-чақалар. Биз болажон халқимиз. Ўзбекларни бежиз бола жинниси дейишмайди. Шунинг учун бўлса керак, кўп оиласарда болаларнинг санори йўқ. Олтита, саккизта, ўнта, энди бу ёғи кетаверади. Ҳатто ўзининг боласини танимайдиган оталаримиз бор.

Биттаси уйда ёнбошлаб ётиб, хотинидан сўраяпти:

— Ҳў, хотин, анави ҳовлида юрган қизил кўйлак ким?

— Вой, дадаси, ҳазиллашыпсизми? Ўзингизнинг болангиз-ку, танимаяпсизми?

— Ўзинг ҳазиллашыпсанми, хотин. Бизда шунақасиям борми?

* * *

Яна битта эркак мақтаняпти:

— Бизнинг хотин яна турди.

— Нима түғди?

— Одам түғди.

Унга ўғилми, қизми, фарқи йўқ, фақат турилганига хурсанд. Афсуски, орамизда шунақа мақтанчоқ тоифа эркаклар ҳам бор!

Фамилияси бир хил

Мухлислар орасида ҳам ҳар хили бор. Ана шундай содда мухлислардан бири иккинчисидан сўрабди:

— Бу, Анвар Фаниев билан Анвар Санаев деган кўшиқчилар ака-укамикин?

Иккинчиси ундан ҳам баттар содда экан:

— Йўқ, фамилияси бир хил, холос, — дермиш.

Ёнғоқ овози

Бир афандифеъл одам бор экан. Бозордан ёнғоқни минг сўмга олиб, саккиз юз сўмдан сотаркан.

— Нега бундай қиласиз? Бундан нима фойда кўрасиз? — деб сўрабди одамлар.

— Мен бу ишни фойда кўриш учун қилаёттаним йўқ. Ёнғоқ бозордан олаёттанданда бир шақиллайди, со таёттанданда яна шақиллайди. Мен унинг овозига ишқи-возман, — дермиш ҳалиги одам.

ҚИЗИҚЧИГА ЕТТИ САВОЛ

1. Маънавиятсиз одамга энг қисқа маслаҳатингиз?
2. Кутимаганда йирик бизнесмен ёки тадбиркорга айландингиз, дейлик, ишни нимадан бошлардингиз?
3. Ёлғон айтганмисиз, қачон ва нима сабабдан?
4. Сизнингча, жаҳли чиққан одамга биринчи ёрдам қандай кўрсатиласди?
5. Баъзан билиб-бilmай гуноҳ ёки хато қилиб кўйганлар «Шайтон йўлдан урги, шайтон адастирди», дейишади. Сизда ҳам шунақа ҳолатлар бўлганми?
6. Бозорга кириб чархпалак бўлаётган нархнавони эшишиб, беихтиёр «инсоф сари барака» мақоли эсингизга тушса, уни қандай шарҳлайсиз?
7. Танқид ва ошкоралик тўхтаган жойда нима бошланади?

* * *

1. Маънавиятсиз одамни кўрсам, ачинаман. Ўзи шўрлик шу аҳволга тушиб қолибди, энди фарзандларидан эҳтиёт бўлсин.

2. Ишни аввало бизнес тўғрисида билимимни оширишдан бошлардим. Билимсиз на бизнесмен, на тадбиркор бўлади. Агар ҳалол йўл билан бойлик орттисам, ҳамқишлоқларим учун кутубхонами, музейми шунга ўхшашиб тарихий аҳамиятта эга бўлган бир нарса курардим.

3. Агар фойдаси тегса, ёлғон ишлатаман. Шундай ёлғон гап борки, уч соат рост гапиргандан кўра фойдаси кўп тегади.

4. Устидан муздайгиан бир чөлак сув қуйиб юборасиз-да... у ёғини пешонангиздан кўрасиз.

5. Ушбу саволга ҳангома билан жавоб бермоқчи-ман. Бизда ҳам «замонавий ўзбеклар» пайдо бўляпти. Бундайларни янги тоифадаги шайтон, деса ҳам бўла-веради. Ана шундай «замонавий ўзбеклар»дан бири танишига шундай дебди:

— Агар минг доллар берсанг, бир ойда 1,5 минг қилиб қайтараман.

Таниш уч ой кутибди. Сўнгра:

— Нима бўлди, — деб сўрабди.

— Долларингиз бефайз, бефаҳм экан. Менинг ҳам 10 минг долларимни қўшиб қарзга олиб кетди. Ҳозир бошим қотган. Ўшанда бекор доллар берибсиз, йўқ десангиз бўлмасмиди?

— Ия, ҳали биз доллар бериб, гуноҳкор бўлдикми? Майли, менга фоизи керак эмас, ўзини қайтаргин.

— Иложим йўқ.

— Бўлти, икки юздан воз кечдим, 800 қолди. Қа-чон олиб бориб берсан?

— Бир ойда олиб бориб бераман, ака.

Лекин таниппи бир ойдан сўнг яна келибди.

— Ҳой, ука...

— Ҳаракат қиляпман, ака, бўлмаяпти. Рўйхатда фа-милиянгиз биринчи турибди.

— Ҳали рўйхатинг ҳам борми? Бўлти, мен тушуна-диган одамман. Сенга ҳам қийин. Яна икки юздан воз кечдим. 600 қолди, қа-чон топиб берасан?

— Бир ҳафтада. Ернинг тагидан бўлсаям топиб олиб бераман.

Ваъда бажарилмагач, таниши яна келибди.

— Нима бўлди?

— Ҳеч иложи бўлмаяпти, ака.

— Унда яна икки юздан воз кечдим. 400 қолди. Ҳозир чиқариб беролмайсанми?

— Йўқ, ака.

— Унақада қа-чон қарзингни узасан?

— Секин-секин узяпман-ку, ака! — дермиш.

Худо шундай шайтонлардан асрасин.

6. Бозорда эрта тонгдаёқ инсоф тутайди. Чунки инсоф ҳақиқий деҳқон билан келиб, бозордан жой тополмай, деҳқон билан қайтиб кетади.

7. Ер тескари айланади, деяверинг!

ХАЛҚОНА КУЛГИ

Халқлар дўстлиги саройида намойиш қилинган «Ҳар қадамда ҳангома» (2003 йил, 1—2 декабрь) ва «Кулгининг 97 хили» (2004 йил, 11—12 декабрь) деб номланган икки концерти Ҳожибой Тожибоев ижодида алоҳида ибратли аҳамиятга эга. У бошқа таниқли қизиқчилар, сўз усталаридан фарқли ўлароқ, биринчи марта ўзининг яккахон катта концерти билан мухлислар имтиҳонидан муваффақият билан ўтди.

Маълумки, қизиқчилардан ва сўз усталаридан таниқли қўшиқчиларнинг катта концертларида саҳна бўш турмаслиги учун ора-орада фойдаланиб келинади. Лекин Ҳожибой Тожибоев саҳнада бу йўналишнинг тескариси ҳам бўлиши мумкинлигини исботлади. Унинг ҳар бир концерти салкам уч соат давом этди.

Ҳар қандай санъаткор ўз ижодий кучига, ўз иқтидорига ва мустаҳкам репертуарига эга бўлмаса, катта саҳнага чиқолмайди. Катта саҳнага чиқдингми, демак, томошабингга айтадиган гапинг бўлсин, юрагингда дардинг, репертуарингда юкинг бўлсин! Ҳожибой Тожибоев ҳам ана шу мезонларга амал қилиб, узоқ тайёр гарлиқдан сўнг катта саҳнага дадил қадам қўйди. Ва бу қадамлар зўр олқишлиар билан кутиб олинди.

Ҳар икки концерт Ҳожибой Тожибоевнинг қизиқчилик санъатида ўз йўли, ўз услуби ва ўзига хос мактабга эга эканлигини яна бир бор исботлади. Албатта, у бунга осонликча эришгани йўқ. Тинимсиз изланиш, устоз қизиқчилар меросини қайта-қайта ўқиб-ўрганиш ва катта кулгига ўз қаҳқаҳасини яратолгани учун тез орада мухлислар тилига тушди, уларнинг дуолари ни олди.

Ҳожибой Тожибоев кулги деб аталмиш муқаддас ва беғубор оламга меъёр, маъно, зукколик ва юксак ма-

даният билан кириб келди. Ва бу йўлда ҳамон гайрат ва шижаат билан ижод қилаётир. У бачкана ва беҳаё кулгини ёмон кўради. Зўрма-зўраки кулдиришдан қочади. Унинг кулгисида халқоналиқ бор. Ўзининг ибораси билан айттанда: «кулгини халқдан олиб, халқда беради». Бу санъаткордан аввало катта истеъдод ва ма-шаққатли меҳнат талаб қиласди. Халқчил кулги яратиш осон эмас.

— Кулги энг яхши ҳордик, — дейди у бир сужбатда. — Соғлом инсонга кулги ҳам, кўшиқ ҳам ёқади. Юрақдан мазза қиласди. Кулги аслида дунёдаги энг нозик ҳислардан бири. Фақат уни ҳис эта билиш керак. Қизиқчиликка келсак, у масхарабозлик ҳам, майнавозчилик ҳам эмас. Қизиқчиликни фақат юксак сўз санъати, деб эмас, балки ўзига хос фан, десак асло муболага бўлмайди. Бу санъатнинг йиллар ўтиб фан даражасига кўтарилишига ишонаман...

Ҳожибой Тожибоевнинг ҳар бир ҳангомасида ўзига хос юк бор. Бу юк томошабин қалбига кўчади, уни кулдириш баробарида ўйлатади, фикрлашга ундаиди. Нега, нима учун кулаётганининг сабабларини тушунишга туртки беради. Масалан, «Аёлнинг жони қиркта» ҳангомасини трагикомедияга tengлаштириш мумкин. Бу ҳангомада даҳшатли кулги билан бирга даҳшатли фожиалар ҳам бор. Биз бу ҳангомани қайта-қайта эшишиб куламиш. Куламиш-у, лекин юрагимизнинг қайсиdir нуқталари йиглаётганини ҳам сезамиш. «Хотин ўтин эмас» туркум ҳангомалари ҳакида ҳам шундай фикрларни айтиш мумкин.

Ҳақиқий кулгини шарҳлаб бўлмайди. Айниқса, истеъдодли қизиқчи Ҳожибой Тожибоев томонидан юксак маҳорат билан яратилган самимий кулгини! У саҳнада яратган образлар ва характерлар ўзига хос гапи, овози, мимикаси, хатти-ҳаракатлари билан томошабин юрагида кулги ўйғотади. Қизиқчининг оддий сўзи ҳам саҳнадаги кичик бир ҳаракати ҳам табиий кулги яратади.


Ҳожибой Тожибоевни бир актёр театрига қиёслаш мумкин. Ҳангоманинг муаллифи ҳам, ижрочиси ҳам, саҳналаштирувчи режиссёри ҳам ўзи. У саҳнада

кулгили воқеалар, ҳаракатлар, мимикалар орқали спектакль яратади. Бу спектакль томошабин кўз ўнгида образлилик кашф этади. Ва беихтиёр қизиқчи ижро-сидаги ҳангоманинг иштирокчисига айланади, хаёлида ўзига таниш образларни, қиёфаларни кўра бошлади.

У яратган ва ижро этган ҳангомалар, кулгили воқеаларни оғзаки ҳажвий ҳикоялар дейиш мумкин. Агар уларнинг нуқта-вергули жой-жойига қўйиб ёзилса, завқ-шавқ билан ўқиладиган асар бўлади.

Айтиш мумкинки, узоқ асрлик тарихга эга бўлган ўзбек қизиқчилик санъатида Ҳожибой Тожибоев ўзига хос янги саҳифа очди. Уни маданий ва маънавий репертуар билан бойитиб, юксак поғоналарга кўтарди, кулгининг янги-янги қирраларини кашф этди.

Машҳур санъаткор Ҳожибой Тожибоев яратадиган кулги бу — ҳақиқий халқона кулгидир. Бу ижодий йўлда унга ҳамиша улуғ қизиқчиларнинг руҳлари мадаткор бўлсин!



Самимий кулғи сизни тарқ этмасин.

Ҳурматли ўқувчи!

Сиз таниқли қизиқчи Ҳожибой Тожибоевнинг ҳаёти ва ижодидан олинган қизиқарли ҳангомалардан иборат кулгигаста билан танишдингиз. Энди кулгидан бироз дам олиб нафас ростланг. Чунки севимли санъаткоримизнинг айни ижодий кучга тўлган пайти. Кулгининг бундан-да сирли, бундан-да сехрли оламига бошлидиган янги ҳангомалар, янги репертуарларнинг ҳаммаси ҳали олдинга. Навбатдаги китобда кўришгунча саломат бўлинг!..

МУНДАРИЖА

| | |
|--|-----|
| Сиз уни танийсиз | 3 |
| Кулги дармон дейдилар | 8 |
| Нега куламиз? | 25 |
| Хожибой Тожибоев «Жаңон кулгиси»да эътироф этилди | 33 |
| Гурунглардан сатрлар | 36 |
| Үзидан ҳам сўзи қизик | 43 |
| Ичакузди ҳангомалар | 83 |
| Қизиқчига етти савол | 103 |
| Халқона кулги | 105 |

АШУРАЛИ ЖҮРАЕВ

ТАНИМАДИНГ-АЙ

*Машхур қызықчи Ҳожибой Тожибоев ҳақида
ҳангомалар қиссаси*

«Шарқ» нашриёт-матбаа
акциядорлик компанияси
Бош таҳририяти
Тошкент — 2005

Муҳаррирлар *И. Шоймардонов, Д. Исмоилова*
Бадий мұхаррир Б. Бобоғонов
Техник мұхаррир Р. Бобоғонова

Теришга берилди 24.03.2005. Босишига рухсат этилди 22.06.2005.
Бичими 84x108^{1/32}. Балтика гарнитураси. Офсет босма. Шартли босма
табоги 5,9. Нашриёт-ҳисоб табоги 6,0. Адади 5000 нусха. Буюртма
№ 1382. Баҳоси келишилган нархда.

**«Шарқ» нашриёт-матбаа
акциядорлик компанияси босмахонаси
700083, Тошкент шаҳри, Буюк Турон, 41.**